

樊山判牘

6915998

樊山判牘續編目錄

| | | | |
|------------------------------|----|----------|----|
| 批厚生裕號東蔡國植稟 | 一 | 批徐光祜呈詞 | 一七 |
| 批民人唐繩彥稟 | 一 | 批姜升稟詞 | 一七 |
| 批委員李令筠稟 | 二 | 批陳斐氏催呈 | 一八 |
| 批程令鴻遠稟 | 三 | 批封兆慶稟詞 | 二〇 |
| 批文生柏乘稟稟 | 四 | 批善那氏呈詞 | 二〇 |
| 批警務畢業生邵松林稟 | 四 | 批李學世呈詞 | 二一 |
| 批調署陽山縣李宜襲稟 | 五 | 批屈自有呈詞 | 二一 |
| 批沔縣令詳稱金來娃因姦婦苟氏之父致 死本夫李檢娃稟 | 五 | 批色欽臨息詞 | 二二 |
| 批定與公批城固令五門堰稟 | 六 | 批張仁誠呈詞 | 二三 |
| 批定與公批富平焦令到任稟 | 二 | 批司書黨恂稟詞 | 二三 |
| 批定與公批已革武舉阮大德上控山陽沈 令呈詞 | 一四 | 批薛純科呈詞 | 二三 |
| | | 批繙書魏先庚稟詞 | 二三 |
| | | 批陳陳氏呈詞 | 二四 |

樊山刊稿 續編目錄

| | | | |
|----------|----|--------|----|
| 批劉子倫呈詞 | 四 | 批李處氏呈詞 | 三四 |
| 批張陳氏呈詞 | 五 | 批王炳呈詞 | 三五 |
| 批夏根丁呈詞 | 五 | 批周岳氏呈詞 | 三五 |
| 批劉子倫呈詞 | 六 | 批郭天魁呈詞 | 六六 |
| 批田丁呈詞 | 六 | 批義聚公呈詞 | 六六 |
| 批李逢泰呈詞 | 七 | 批翁車氏呈詞 | 六七 |
| 批復勝公屏店稟詞 | 八 | 批李廷岳呈詞 | 六七 |
| 批魏喜稟詞 | 八 | 批雷劉氏呈詞 | 七八 |
| 批姜廣智呈詞 | 九 | 批黨恂稟詞 | 二九 |
| 批時清春呈詞 | 九 | 批楊瀛洲呈詞 | 〇 |
| 批張富均呈詞 | 一〇 | 批李麟榜稟詞 | 〇 |
| 批閻俊稟詞 | 一一 | 批王正稟詞 | 一 |
| 批屈喜稟詞 | 一一 | 批善那氏呈詞 | 一 |
| 批復盛合稟詞 | 一二 | 批梅先益稟詞 | 四二 |
| 批李忠盛呈詞 | 二四 | 批馮丑兒懇詞 | 四二 |

| | | | |
|----------|----|----------|----|
| 批司書程福善訴呈 | 四三 | 批郭士全呈詞 | 五一 |
| 批屈自遠呈詞 | 四四 | 批王席珍呈詞 | 五二 |
| 批王益章呈詞 | 四四 | 批王居喜稟詞 | 五二 |
| 批善聚疇訴呈 | 四五 | 批武雙魁呈詞 | 五二 |
| 批郭春稟詞 | 四五 | 批李振義呈詞 | 五三 |
| 批張世昌呈詞 | 四六 | 批鄭郝氏呈詞 | 五三 |
| 批王三盛呈詞 | 四六 | 批王依理晰詞 | 五四 |
| 批鄧維海呈詞 | 四七 | 批代書成永錫懇詞 | 五五 |
| 批關廷才呈詞 | 四八 | 批屈孫氏呈詞 | 五五 |
| 批方流女兒呈詞 | 四八 | 批梁鵬霄懇詞 | 五六 |
| 批馮章立復稟 | 四九 | 批革書李光第稟詞 | 五七 |
| 批賀清玉呈詞 | 四九 | 批房敬堂稟詞 | 五七 |
| 批姚金昌控詞 | 五〇 | 批段輝堂稟詞 | 五八 |
| 批王作涵呈詞 | 五〇 | 批羅生有呈詞 | 五八 |
| 批駱恆益呈詞 | 五一 | 批常天萬呈詞 | 五九 |

| | | | |
|--------|----|--------|----|
| 批左忠肅公詞 | 五九 | 批孫古賢呈詞 | 六九 |
| 批真公晚呈詞 | 五九 | 批馬應舉呈詞 | 六八 |
| 批王見端呈詞 | 六〇 | 批王宗發呈詞 | 六八 |
| 批海一呈詞 | 六一 | 批薛一粟詞 | 六九 |
| 批劉馬其呈詞 | 六一 | 批士敬呈詞 | 六九 |
| 批劉國長呈詞 | 六一 | 批魏作棟呈詞 | 六九 |
| 批黃德呈詞 | 六二 | 批謝章詞 | 七二 |
| 批劉德濟呈詞 | 六二 | 批吳其呈詞 | 七二 |
| 批馬良呈詞 | 六四 | 批林天爵呈詞 | 七三 |
| 批一忠盛呈詞 | 六五 | 批楊五純呈詞 | 七三 |
| 批張鳳儀呈詞 | 六五 | 批七順呈詞 | 七四 |
| 批盧上太呈詞 | 六六 | 批陳生祥呈詞 | 七五 |
| 批楊宗修呈詞 | 六六 | 批胡老曰呈詞 | 七五 |
| 批蔣信周呈詞 | 六六 | 批雷相滋呈詞 | 七六 |
| 批王宗敬呈詞 | 六六 | 批雷屋慈呈詞 | 七六 |
| | | 批趙琦呈詞 | 七六 |

| | | | |
|-----------|----|---------|----|
| 批杜蘭馨稟詞 | 七七 | 批常懷吉呈詞 | 八四 |
| 批封建凝呈詞 | 七七 | 批姬樊氏呈詞 | 八四 |
| 批王太期呈詞 | 七八 | 批劉錦堂呈詞 | 八四 |
| 批王秩宗稟詞 | 七八 | 批侯大祥呈詞 | 八五 |
| 批宋鑑等息詞 | 七九 | 批樊浦呈詞 | 八五 |
| 批耿林升呈詞 | 七九 | 批貢生陳銘揚稟 | 八六 |
| 批王趙氏呈詞 | 八〇 | 批張正心呈詞 | 八六 |
| 批劉德勝稟詞 | 八〇 | 批余藻稟詞 | 八七 |
| 批高景立呈詞 | 八一 | 批田維彥稟詞 | 八七 |
| 批王葆恆稟詞 | 八一 | 批張王氏呈詞 | 八八 |
| 批耿風林懇詞 | 八一 | 批何宗基稟詞 | 八八 |
| 批楊成稟詞 | 八二 | 批劉得功呈詞 | 八九 |
| 批鄭學道懇詞 | 八二 | 批丁鶴鳴呈詞 | 八九 |
| 批田三信稟詞 | 八三 | 批何元德呈詞 | 九〇 |
| 批吏房承緒彙訓稟詞 | 八三 | 批原差馬升稟 | 九〇 |

雙山刊牘續編目錄

| | | | |
|----------|----|----------|-----|
| 批薛樹德呈詞 | 九一 | 批復盛和呈詞 | 九八 |
| 批王永清呈詞 | 九一 | 批李榮春稟詞 | 九九 |
| 批姜元炳呈詞 | 九二 | 批郭連記呈詞 | 九九 |
| 批孫啟聖詞 | 九二 | 批陳慶居懇詞 | 一〇〇 |
| 批卓書郭寶珠稟詞 | 九三 | 批蘇壽武呈詞 | 一〇〇 |
| 批卞月粟詞 | 九四 | 批郭天舍呈詞 | 一〇一 |
| 批史房緒世榮稟詞 | 九四 | 批李昭春呈詞 | 一〇一 |
| 批李忠恕呈詞 | 九五 | 批抱告王連陞稟詞 | 一〇二 |
| 批孫作良呈詞 | 九五 | 批總役李才稟 | 一〇三 |
| 批鄭學賢呈詞 | 九六 | 批李才粟 | 一〇三 |
| 批王劉氏呈詞 | 九六 | 批大興順稟詞 | 一〇三 |
| 批蔡傑亮呈詞 | 九六 | 批徐毓坤稟詞 | 一〇四 |
| 批徐正煥呈詞 | 九七 | 批原差李升稟詞 | 一〇五 |
| 批劉芝蘭呈詞 | 九七 | 批蘇壽武呈詞 | 一〇五 |
| 批尚德呈詞 | 九八 | 批王生財懇詞 | 一〇六 |

| | | | |
|------------|-----|---------|-----|
| 批方流女子呈詞 | 一〇六 | 批劉德禮呈詞 | 一一三 |
| 批張朱氏呈詞 | 一〇七 | 批薛榮晰呈詞 | 一一四 |
| 批郭永鳳稟詞 | 一〇七 | 批原差楊升稟 | 一一四 |
| 批路先登稟 | 一〇八 | 批抱告廣升稟 | 一一四 |
| 批李繼善稟詞 | 一〇八 | 批孫甲祿息詞 | 一一五 |
| 批唐瑞琳呈詞 | 一〇九 | 批張泉呈詞 | 一一五 |
| 批張明福卽張良卿呈詞 | 一〇九 | 批楊王氏呈詞 | 一一六 |
| 批黃仁貴訴詞 | 一〇九 | 批總捕蘇興稟詞 | 一一六 |
| 批鄭繩武呈詞 | 一一〇 | 批李榮春息詞 | 一一七 |
| 批曹七稟詞 | 一一〇 | 批王璜呈詞 | 一一七 |
| 批耶任氏呈詞 | 一一一 | 批周之翰呈詞 | 一一八 |
| 批耶興泰呈詞 | 一一一 | 批白友元等稟詞 | 一一八 |
| 批邊葆謙稟詞 | 一一二 | 批馬栗氏呈詞 | 一一九 |
| 批薛林桂呈詞 | 一一二 | 批巡役陳升稟詞 | 一一九 |
| 批陳濤稟詞 | 一一三 | 批胡楊氏呈詞 | 一二〇 |

| | | | |
|------------|-----|-------------|-----|
| 批西啓昌呈詞 | 二二二 | 批孔祥阿稟詞 | 二二七 |
| 批徐義收稟詞 | 二二二 | 批魏錫民呈詞 | 二二七 |
| 批廣魁稟詞 | 二二二 | 批戴壽等稟呈上城柄稟詞 | 二二七 |
| 批王生氏呈詞 | 二二二 | 批趙水晉稟詞 | 二二八 |
| 批陳景堂呈詞 | 二二三 | 批鄭登雲稟詞 | 二二九 |
| 批何大賓稟詞 | 二二三 | 批查清珍呈詞 | 二二九 |
| 批福順祥稟詞 | 二三四 | 批張柄稟詞 | 二二九 |
| 批取萬傑呈詞 | 二三四 | 批趙水晉呈詞 | 二二九 |
| 批黃元學呈詞 | 二三五 | 批官商劉德勝等公稟 | 二三〇 |
| 批楊陳氏印命陳氏稟詞 | 二三五 | 批車瑞氏懇詞 | 二三〇 |
| 批魏差陳升稟詞 | 二三五 | 批李選青稟詞 | 二三一 |
| 批紀興福呈詞 | 二二六 | 批孫雲錦稟詞 | 二三二 |
| 批魏興周等稟詞 | 二二六 | 批吳則忠呈詞 | 二三二 |

| | | | |
|----------|-----|-----------|-----|
| 批杭殿題呈詞 | 一三三 | 批富金魁稟詞 | 一四二 |
| 批翟先登稟詞 | 一三三 | 批倪鳳林懇詞 | 一四三 |
| 批李憲章稟詞 | 一三四 | 批李元亨呈詞 | 一四四 |
| 批保二事稟詞 | 一三四 | 批雷昌五稟詞 | 一四四 |
| 批鄭生學呈詞 | 一三五 | 批曹慎修懇詞 | 一四五 |
| 批孫雲錦稟詞 | 一三五 | 批趙運庫呈詞 | 一四六 |
| 批劉義清呈詞 | 一三五 | 批李廣運呈詞 | 一四六 |
| 批劉溥春稟詞 | 一三六 | 批張富海稟詞 | 一四七 |
| 批張榮呈詞 | 一三六 | 批王宗秩稟詞 | 一四七 |
| 批俞紳路先登甘結 | 一三七 | 批錢行大與順等稟詞 | 一四八 |
| 批言奇芳呈詞 | 一三八 | 批醫生王參稟詞 | 一四九 |
| 批路先登稟詞 | 一三九 | 批義生成稟詞 | 一五〇 |
| 批褚世榮等稟詞 | 一三九 | 批翁慎修稟詞 | 一五〇 |
| 批唐德正呈詞 | 一四一 | 批牛映宿稟詞 | 一五〇 |
| 批袁瑞茂呈詞 | 一四二 | 批閔順榮呈詞 | 一五一 |

| | | | |
|----------|-----|--------|-----|
| 批石玉蓮呈詞 | 一五一 | 批李芝愷呈詞 | 一六一 |
| 批姚林娃呈詞 | 一五一 | 批袁譚兒呈詞 | 一六二 |
| 批張青選呈詞 | 一五二 | 批張傅氏呈詞 | 一六二 |
| 批毛河英呈詞 | 一五二 | 批寇彥順呈詞 | 一六三 |
| 批趙清明呈詞 | 一五三 | 批李百俊呈詞 | 一六四 |
| 批高守賢呈詞 | 一五三 | 批王新慶呈詞 | 一六四 |
| 批張希和呈詞 | 一五四 | 批劉成玉呈詞 | 一六五 |
| 批詹爾敬呈詞 | 一五五 | 批張忠孝呈詞 | 一六五 |
| 批李樹鵬呈詞 | 一五六 | 批邢世昌呈詞 | 一六六 |
| 批譚新福呈詞 | 一五七 | 批徐勞子呈詞 | 一六六 |
| 批馬守先呈詞 | 一五八 | 批徐更妣呈詞 | 一六七 |
| 批賈萬有呈詞 | 一五八 | 批田益正呈詞 | 一六七 |
| 批許日趙紹愷呈詞 | 一五九 | 批史智全呈詞 | 一六八 |
| 批糧差黨升等稟詞 | 一五九 | 批嚴禮斌呈詞 | 一六八 |
| 批詹曹氏呈詞 | 一六〇 | 批馬明壽呈詞 | 一六九 |

| | | | | | |
|---------|-------|-----|-----------|-------|-----|
| 批王汪氏呈詞 | ····· | 一六九 | 批臨潼差役黃林稟詞 | ····· | 一七五 |
| 批韓羅氏呈詞 | ····· | 一七〇 | 批雷思敬晰詞 | ····· | 一七六 |
| 批樊一心兒呈詞 | ····· | 一七〇 | 批趙定甲呈詞 | ····· | 一七六 |
| 批姜福旺呈詞 | ····· | 一七〇 | 批趙春元呈詞 | ····· | 一七六 |
| 批孟如智呈詞 | ····· | 一七一 | 批孫萬益稟詞 | ····· | 一七七 |
| 批劉吉升呈詞 | ····· | 一七一 | 批王趙氏呈詞 | ····· | 一七七 |
| 批嚴居魁呈詞 | ····· | 一七一 | 批王彭齡呈詞 | ····· | 一七八 |
| 批張張氏呈詞 | ····· | 一七二 | 批閔希賢呈詞 | ····· | 一七八 |
| 批李興呈詞 | ····· | 一七二 | 批李敬信呈詞 | ····· | 一七九 |
| 批賀傅氏呈詞 | ····· | 一七三 | 批楊正賓呈詞 | ····· | 一七九 |
| 批楊春金呈詞 | ····· | 一七三 | 批張李氏呈詞 | ····· | 一七九 |
| 批權世彥呈詞 | ····· | 一七三 | 批李克儉呈詞 | ····· | 一八〇 |
| 批馬張氏呈詞 | ····· | 一七四 | 批校祥智呈詞 | ····· | 一八〇 |
| 批趙紅翠呈詞 | ····· | 一七四 | 批周清存稟詞 | ····· | 一八一 |
| 批南德呈詞 | ····· | 一七五 | 批孫建兆呈詞 | ····· | 一八一 |

| | | | |
|---------|-----|--------|-----|
| 批王繼宗呈詞 | 一八一 | 批孔田氏呈詞 | 一八八 |
| 批石懷平呈詞 | 一八二 | 批李成德呈詞 | 一八八 |
| 批白川成呈詞 | 一八三 | 批薛天仁呈詞 | 一八九 |
| 批石懷平呈詞 | 一八三 | 批黃志才呈詞 | 一八九 |
| 批俞俯敬呈詞 | 一八三 | 批王唐長呈詞 | 一八九 |
| 批李王氏呈詞 | 一八四 | 批劉增禮呈詞 | 一八九 |
| 批田升呈詞 | 一八四 | 批賈春益呈詞 | 一九〇 |
| 批王英呈詞 | 一八五 | 批辛周氏呈詞 | 一九〇 |
| 批李振忠呈詞 | 一八五 | 批盧兆昌呈詞 | 一九一 |
| 批楊元祥呈詞 | 一八五 | 批張雲錦呈詞 | 一九一 |
| 批劉錫級呈詞 | 一八五 | 批李永裕呈詞 | 一九二 |
| 批徐正廳呈詞 | 一八六 | 批鄧樹忠呈詞 | 一九 |
| 批王淮官兒呈詞 | 一八六 | 批田敬中呈詞 | 一九二 |
| 批陳忠魁呈詞 | 一八七 | 批任三合呈詞 | 一九三 |
| 批何發盛呈詞 | 一八七 | 批趙玉茂呈詞 | 一九三 |

| | | | |
|----------|-----|----------|-----|
| 批方紉彥呈詞 | 一九二 | 批王張氏呈詞 | 二〇〇 |
| 批劉長泰呈詞 | 一九四 | 批王隆盛呈詞 | 二〇〇 |
| 批杜正春呈詞 | 一九四 | 批王火柱呈詞 | 二〇一 |
| 批差役張明呈詞 | 一九五 | 批校維夏呈詞 | 二〇一 |
| 批苟振坤呈詞 | 一九五 | 批王新孝呈詞 | 二〇一 |
| 批田韓氏呈詞 | 一九五 | 批溫清泉呈詞 | 二〇二 |
| 批賈蘭氏呈詞 | 一九六 | 批廚人陶福堂呈詞 | 二〇二 |
| 批何振江呈詞 | 一九七 | 批劉世述呈詞 | 二〇二 |
| 批辛田氏呈詞 | 一九七 | 批劉全允呈詞 | 二〇三 |
| 批何振江呈詞 | 一九七 | 批吳明元呈詞 | 二〇四 |
| 批集頭石春祺呈詞 | 一九七 | 批田國俊息詞 | 二〇四 |
| 批張榜正呈詞 | 一九八 | 批原差閻魁呈詞 | 二〇四 |
| 批王玉德呈詞 | 一九八 | 批牛賀氏呈詞 | 二〇五 |
| 批王長吉呈詞 | 一九九 | 批捕總毛德稟詞 | 二〇五 |
| 批李映藍呈詞 | 一九九 | 批張毓秀懇詞 | 二〇六 |

| | | | | | |
|------------|-------|-----|---------|-------|-----|
| 批劉明昌呈詞 | | 一〇六 | 批爰降週呈詞 | | 一一二 |
| 批十明萬呈詞 | | 一〇六 | 批曾瑞泉呈詞 | | 一一三 |
| 批田映春呈詞 | | 一〇七 | 批原差李亨呈詞 | | 一一三 |
| 批楊增福呈詞 | | 一〇七 | 批總役黨升稟詞 | | 一一四 |
| 批何生瑞呈詞 | | 一〇八 | 批李升稟詞 | | 一一四 |
| 批祖泰田呈詞 | | 一〇八 | 批薛德麟呈詞 | | 一一五 |
| 批王房呈詞 | | 一〇九 | 批王上氏呈詞 | | 一一五 |
| 批臨潼民婦劉安氏懇詞 | | 一〇九 | 批周興愷呈詞 | | 一一六 |
| 批張太長呈詞 | | 一一〇 | 批李參升呈詞 | | 一一六 |
| 批李廣錫呈詞 | | 一一〇 | 批劉周氏呈詞 | | 一一六 |
| 批潘蘭氏呈詞 | | 一一一 | 批何明有呈詞 | | 一一七 |
| 批康廷元呈詞 | | 一一一 | 批王德潤呈詞 | | 一一七 |
| 批王振隆呈詞 | | 一一一 | 批閻鳳王呈詞 | | 一一八 |
| 批徐士鏐呈詞 | | 一一一 | 批王福娃呈詞 | | 一一八 |
| 批陳福起呈詞 | | 一一二 | 批權秉彝呈詞 | | 一一九 |

| | | | |
|----------|-----|----------|-----|
| 批張國瑞呈詞 | 二一九 | 批梁德呈詞 | 二二六 |
| 批康大金呈詞 | 二二〇 | 批所夫頭秦右呈詞 | 二二七 |
| 批劉純呈詞 | 二二〇 | 批張張氏呈詞 | 二二七 |
| 批張金寶呈詞 | 二二〇 | 批黨振呈詞 | 二二七 |
| 批侍衛宋春華呈詞 | 二二一 | 批張興呈詞 | 二二八 |
| 批宋春華懇詞 | 二二二 | 批李大炳呈詞 | 二二八 |
| 批李見玉呈詞 | 二二二 | 批王映蘭呈詞 | 二二九 |
| 批李同寅呈詞 | 二二三 | 批王紀合呈詞 | 二二九 |
| 批楊李氏呈詞 | 二二三 | 批李殿元息詞 | 二二九 |
| 批丁汝太呈詞 | 二二三 | 批趙景廉催呈詞 | 二三〇 |
| 批孫萬林呈詞 | 二二四 | 批劉致財呈詞 | 二三〇 |
| 批陳金太呈詞 | 二二五 | 批楊茂和呈詞 | 二三〇 |
| 批趙克全呈詞 | 二二五 | 批石生雲呈詞 | 二三一 |
| 批王恆盛呈詞 | 二二六 | 批趙建亭呈詞 | 二三一 |
| 批田鳴等呈詞 | 二二六 | 批趙廷祿呈詞 | 二三一 |

| | | | |
|--------|-----|--------|-----|
| 批郭德昌詞 | 二二七 | 批郭德昌詞 | 二二七 |
| 批高與檢呈詞 | 二二七 | 批高與檢呈詞 | 二二七 |
| 批李吉詩呈詞 | 二二八 | 批李吉詩呈詞 | 二二八 |
| 批行軍詩呈詞 | 二二八 | 批行軍詩呈詞 | 二二八 |
| 批楊丁氏呈詞 | 二二八 | 批楊丁氏呈詞 | 二二八 |
| 批杜楊枝呈詞 | 二二九 | 批雷畏三呈詞 | 二二九 |
| 批許定鈞呈詞 | 二二九 | 批姜可紅呈詞 | 二四〇 |
| 批郝梁氏呈詞 | 二二九 | 批田氏呈詞 | 二四〇 |
| 批劉相棟呈詞 | 二三〇 | 批馬建勳呈詞 | 二四〇 |
| 批蔣兆麟呈詞 | 二三〇 | 批魯九兒呈詞 | 二四一 |
| 批劉雙成呈詞 | 二三〇 | 批王明德呈詞 | 二四一 |
| 批張世潤呈詞 | 二三一 | 批紀清壁呈詞 | 二四二 |
| 批朱春壽呈詞 | 二三一 | 批徐天財呈詞 | 二四二 |
| 批張思智呈詞 | 二三二 | 批李殿芳呈詞 | 二四二 |
| 批劉楊氏呈詞 | 二三三 | 批馬思義呈詞 | 二四三 |

| | | | |
|--------|-----|---------|-----|
| 批劉德春呈詞 | 二四三 | 批韓愈呈詞 | 二四九 |
| 批張進德呈詞 | 二四四 | 批原差王魁稟詞 | 二四九 |
| 批楊史氏呈詞 | 二四四 | 批程正昶呈詞 | 二五〇 |
| 批王德祿呈詞 | 二四五 | 批景兆太呈詞 | 二五〇 |
| 批賈廷孝呈詞 | 二四五 | 批原差于興呈詞 | 二五一 |
| 批劉德海呈詞 | 二四五 | 批邱永惠呈詞 | 二五一 |
| 批馮喬氏呈詞 | 二四六 | 批李萬凌呈詞 | 二五二 |
| 批趙新科呈詞 | 二四六 | 批賀養明呈詞 | 二五二 |
| 批盧漢章呈詞 | 二四七 | 批賀如海呈詞 | 二五三 |
| 批韓愈稟詞 | 二四七 | 批焦蔚清呈詞 | 二五四 |
| 批李春晉呈詞 | 二四八 | 批薛元珍稟詞 | 二五四 |
| 批何恩壽呈詞 | 二四八 | 批差糧薛悟呈詞 | 二五四 |
| 批劉普和息詞 | 二四八 | 批原差于明呈詞 | 二五五 |
| 批白以德呈詞 | 二四八 | 批秦成林呈詞 | 二五五 |
| 批張不礙呈詞 | 二四九 | 批權家蔡稟詞 | 二五五 |

| | | | |
|----------|-----|----------|-----|
| 批柳蔭陶呈詞 | 二五六 | 批王幅祥呈詞 | 二六二 |
| 批值年李彥平稟詞 | 二五六 | 批何樹德呈詞 | 二六三 |
| 批楊正祥呈詞 | 二五七 | 批常年馮稟詞 | 二六三 |
| 批王順官呈詞 | 二五七 | 批樊長發徐三稟詞 | 二六四 |
| 批馬討石呈詞 | 二五八 | 批龔紳梯子龍稟詞 | 二六四 |
| 批昔貴呈詞 | 二五八 | 批馬兆云呈詞 | 二六四 |
| 批楊齊氏呈詞 | 二五八 | 批李順麟稟詞 | 二六五 |
| 批韓崇海呈詞 | 二五九 | 批王李氏呈詞 | 二六五 |
| 批孫學書呈詞 | 二五九 | 批張文貴呈詞 | 二六六 |
| 批石仁財稟詞 | 二五九 | 批呂恆升呈詞 | 二六六 |
| 批李如琦呈詞 | 二六〇 | 批王寶兒呈詞 | 二六六 |
| 批蔡鳳魁呈詞 | 二六〇 | 批賀金錫呈詞 | 二六七 |
| 批馬坊彪呈詞 | 二六〇 | 批劉萬智呈詞 | 二六七 |
| 批糧差王林稟詞 | 二六一 | 批王炳焱呈詞 | 二六八 |
| 批左逢原呈詞 | 二六一 | 批王李氏呈詞 | 二六八 |

| | | | |
|--------|-----|------------|-----|
| 批李彥稟詞 | 二六九 | 批田滋榮呈詞 | 二七五 |
| 批高義德稟詞 | 二六九 | 批李英呈詞 | 二七六 |
| 批王世孝呈詞 | 二七〇 | 批田紀鳳稟詞 | 二七六 |
| 批張桂林呈詞 | 二七〇 | 批李宗桂呈詞 | 二七六 |
| 批魏王氏呈詞 | 二七一 | 批羅榮福呈詞 | 二七七 |
| 批王天作呈詞 | 二七一 | 批常生馥呈詞 | 二七七 |
| 批丁興稟詞 | 二七一 | 批吏房經承陳煥新呈詞 | 二七七 |
| 批夏朱氏呈詞 | 二七二 | 批權林冥稟詞 | 二七八 |
| 批王天作呈詞 | 二七二 | 批寇悅發呈詞 | 二七八 |
| 批王汪氏呈詞 | 二七二 | 批呂王氏呈詞 | 二七八 |
| 批呂春茂呈詞 | 二七三 | 批杜白氏呈詞 | 二七九 |
| 批洪善娃呈詞 | 二七三 | 批何忠琦呈詞 | 二七九 |
| 批徐相寅呈詞 | 二七四 | 批劉賓禮呈詞 | 二八〇 |
| 批校維夏呈詞 | 二七四 | 批李時英呈詞 | 二八〇 |
| 批王仲英稟詞 | 二七五 | 批王相林呈詞 | 二八一 |

| | | | |
|----------|-----|----------|-----|
| 批田王氏皇詞 | 二八一 | 批語振江皇詞 | 二八九 |
| 批張文元皇詞 | 二八二 | 批湯張氏皇詞 | 二八九 |
| 批廣殿燦皇詞 | 二八三 | 批曹殿燦皇詞 | 二八九 |
| 批原在王國風詩詞 | 二八四 | 批曹將長皇詞 | 二九〇 |
| 批韓日新皇詞 | 二八五 | 批王正順皇詞 | 二九〇 |
| 批王爾馨皇詞 | 二八六 | 批吳悅孝皇詞 | 二九〇 |
| 批兵國富皇詞 | 二八七 | 批劉忠元皇詞 | 二九一 |
| 批劉茂盛皇詞 | 二八七 | 批羅婦張自長皇詞 | 二九一 |
| 批羅仲冬皇詞 | 二八八 | 批高登甲皇詞 | 二九一 |
| 批董振皇詞 | 二八八 | 批王心環皇詞 | 二九二 |
| 批捕頭穆魁皇詞 | 二八九 | 批郭見榮皇詞 | 二九二 |
| 批武郭氏皇詞 | 二九〇 | 批吉祭照皇詞 | 二九三 |
| 批朱景林皇詞 | 二九一 | 批柳蔭陶皇詞 | 二九三 |
| 批田秦氏皇詞 | 二九二 | 批慶盛和皇詞 | 二九三 |
| 批燕樹泰皇詞 | 二九三 | 批舉人李咨望皇詞 | 二九四 |

| | | | |
|------------|-----|-------------|-----|
| 批冷民邵景華呈詞 | 二九四 | 批黨錫印之母黨梁氏呈詞 | 三〇一 |
| 批魏悅恆呈詞 | 二九五 | 批李茂盛呈詞 | 三〇二 |
| 批田旅呈詞 | 二九五 | 批魯悅興呈詞 | 三〇二 |
| 批王壽祥呈詞 | 二九六 | 批承發房稟詞 | 三〇三 |
| 批李王氏呈詞 | 二九六 | 批黨梁氏呈詞 | 三〇三 |
| 批楊興財呈詞 | 二九七 | 批彭金玉呈詞 | 三〇四 |
| 批曹生銀呈詞 | 二九七 | 批黨百鈞呈詞 | 三〇四 |
| 批劉殿英呈詞 | 二九八 | 批張義明呈詞 | 三〇五 |
| 批龐福榮呈詞 | 二九八 | 批易興壽呈詞 | 三〇五 |
| 批李鈞呈詞 | 二九八 | 批陳增貴呈詞 | 三〇六 |
| 批李德昇呈詞 | 二九九 | 批張世全呈詞 | 三〇六 |
| 批高有智卽毛有智呈詞 | 二九九 | 批田永連呈詞 | 三〇六 |
| 批劉子方呈詞 | 二九九 | 批黨銓順呈詞 | 三〇七 |
| 批王彭齡呈詞 | 三〇〇 | 批倉房經承常樹棠呈詞 | 三〇七 |
| 批李永濬呈詞 | 三〇〇 | 批構建文呈詞 | 三〇七 |

樊山判牘 續編目錄

三三

| | | | |
|---------|-----|------------|-----|
| 批王化遠呈詞 | 三〇八 | 批孟金祥呈詞 | 三二四 |
| 批毛德呈詞 | 三〇八 | 批王士珍呈詞 | 三二五 |
| 批張閔氏呈詞 | 三〇八 | 批姜敬輝呈詞 | 三二五 |
| 批錢行公稟 | 三〇九 | 批王福平呈詞 | 三二六 |
| 批馬坊彪呈詞 | 三〇九 | 批朱金盛呈詞 | 三二六 |
| 批郭春呈詞 | 三〇九 | 批王廷和呈詞 | 三二六 |
| 批權永來呈詞 | 三一〇 | 批楊生懷呈詞 | 三二七 |
| 批糧孝李升呈詞 | 三一〇 | 批王甲何呈詞 | 三二七 |
| 批王新太呈詞 | 三一〇 | 批辛承鈞呈詞 | 三二八 |
| 批王雷氏呈詞 | 三一〇 | 批留忠祥呈詞 | 三二八 |
| 批劉天時呈詞 | 三一〇 | 批王志明呈詞 | 三二九 |
| 批原差馬升呈詞 | 三一〇 | 批甘肅摺差饒天寶呈詞 | 三二九 |
| 批王遇賓呈詞 | 三一〇 | 批橋夫常老五呈詞 | 三三〇 |
| 批王正愷呈詞 | 三一〇 | 批姜恆謙呈詞 | 三三〇 |
| 批祖德英呈詞 | 三一四 | 批張鳳會呈詞 | 三三一 |

| | | | |
|------------|-----|---------|-----|
| 批張韓氏呈詞 | 三二二 | 批郭堂兒呈詞 | 三二八 |
| 批張向氏呈詞 | 三二二 | 批張長貴呈詞 | 三二八 |
| 批陳枝桂呈詞 | 三二三 | 批穆發云呈詞 | 三二九 |
| 批雷震遠呈詞 | 三二三 | 批南思公呈詞 | 三二九 |
| 批蘇楊金呈詞 | 三二三 | 批原差李彥呈詞 | 三三〇 |
| 批監生權秉彝等呈詞 | 三二四 | 批李逢年呈詞 | 三三〇 |
| 批張起元呈詞 | 三二四 | 批韓成忠呈詞 | 三三一 |
| 批李殿甲卽李純賢懇詞 | 三二五 | 批王田氏呈詞 | 三三一 |
| 批喬魁呈詞 | 三二五 | 批王乘乾呈詞 | 三三一 |
| 批楊劉氏呈詞 | 三二六 | 批孟武財呈詞 | 三三二 |
| 批楊悅茂呈詞 | 三二六 | 批曹曾氏呈詞 | 三三二 |
| 批李殿甲呈詞 | 三二七 | 批原差單才呈詞 | 三三三 |
| 批田桂芳呈詞 | 三二七 | 批張興有呈詞 | 三三三 |
| 批賈銀章呈詞 | 三二八 | 批史國安呈詞 | 三三三 |
| 批里正王麟書呈詞 | 三二八 | 批張俊發呈詞 | 三三四 |

樊山判牘

續編目錄

二四

批李鳳林呈詞

.....

.....

批十大群呈詞

.....

三三五

批張永勝呈詞

.....

.....

批王萬有呈詞

.....

三三六

樊山判牘續編

批厚生裕號東蔡國植稟

爾兄弟國植國器。現在何處。李國蔣係屬何人。情詞閃爍。顯係搪塞推諉。公款絲毫爲重。仰卽趕速設法還清。以保家聲。而全名譽。

批民人唐繩豸稟

唐繩豸邀該民同居。該民尙未見其屋。遽將已妻寧氏。交其攜去。一奇也。妻則交唐繩豸。已則僅攜一皮包。且此外更無他事。仍然坐待唐繩豸送妻歸來。同往師範學堂。二奇也。既遷居矣。妻既去矣。已則在學堂住宿。而不一視新居。三奇也。學堂不能由學生留人食宿。唐繩豸忽能。四奇也。該民索得皮包。知已失物。卽在堂中指稟。便可獲贓而迫人矣。乃當時顧全顏面。而不欲聲張。現在則

不憚煩勞。而成爲訴訟。抑何前恭而後侮耶。此中隱情。本司已有意揣測之。而正不欲臆斷之。該民雖至愚。不能受給至此。想其中尙有難言之隱耶。仰江寧府飭縣報明師範學堂。將該生唐繩多。發縣質明。分別辦理。通報察核。毋稍偏延。

批委員李令筠稟

查厚生裕虧欠官款。業經拖延三月有餘。除繳到期票契紙外。不敷之款。如何抵償。迄無眉目。該令於該號風聲甚劣情形最險之時。將局款存放四十二萬之多。實屬萬分糊塗荒謬。及該號業將倒閉。該令猶不告知本司。直待秦令報告到司。始行追討。而已無及矣。本司痛恨該令。甚於恨厚生裕。本擬將該令先行詳參。發縣看管。姑再寬半月之限。仰卽凜遵迭次批檄。會同二縣嚴行催繳。自保其性命身家。不得以具稟請催。希圖塞責。至蔡姓未繳各產業。如不速繳。自應分別查封。其東掌皆宜上緊着追。以清官款。掌櫃伊姓。應飭兩縣先行管

押。蔡氏兄弟。如不顧名譽。空言搪飾。亦有江西黃氏兄弟之例在。并卽凜遵勿延。

批程令鴻達稟

據稟已悉。此案前據楊承裕控奉督憲批示會查。經本司移由臬司主稿。飭委該員查復。故此次葛錦城等之稟。卽奉撫憲批飭原查。印委歸案確查。撫憲之批。原前案也。本司之札。遵撫批也。以事而論。奉委查案者。固不能得半而止。以理而論。受委於前。亦豈能推辭於後。如謂業已返蘇。艱於再往。則撫批本飭原查印委。非僅責之該員一人。該員於楊承裕之控。果已查明。則斷無不知葛錦城呈中事理之虛實者。卽商之該州專查。而證以該員所悉。據實上陳。並明言前後札未及再往之故。亦何嘗不可。乃計不出此。臬札則受之。本司之札則繳之。會審別案則任之。續查本案則辭之。分蘇而充發審者。遂能不受寧藩之調遣乎。此札到海。該員已回蘇。此札到蘇。該員已久病。可謂巧矣。既能令發札之

時病已多日。又能料發稟之後。病未就痊。可謂奇矣。謠哉病魔。一若知此札之將來而先來。待此札之既去而後去者。此病殆欲與此札相終始者。倘屬員皆前役病。則長官何以用人。本司不惡其醫。而惡其取巧。不惡其抗札。而惡其託詞。仰蘇州府勒令該員。即日就道。前往海州會同施醫。牧並批歸案確查辦理。如再諉延。即由府報明本司。懸賞拿案。詳參以爲藐玩者戒。該府仍將奉批轉飭及該員起程日期。先行呈復。除批兩縣并移蘇臬司外。委札隨批發交。

批文生栢秉炎稟

延師欠脩。至於涉訟。欠者固可笑。訟者亦難堪矣。所謂曹公館者何官。所謂黃大魁者何人。該縣何遂至位卑難制。稟中謂憑朱子勛張宏照二人評定束脩。是當時已同市易。師道至此。豈不兩傷。然既有評定之人。即應有調停之法。仰江寧縣查明控案。即飭朱子勛等妥爲勸處。勿令再訟。稍留斯文體面何如。

批警務畢業生邵松林稟

執鞭求富。尼山憤世之言。蹴爾與之。乞人弗屑。古之御者。榮于今日之親兵。以曾充巡弁之畢業生爲親兵。其事何殊於蹴與。而顧汲汲求之。立志如此。本司所不取也。

批調署碭山縣李宣龔稟

劍俠傳云。願學者不可傳。可傳者不願學。其今日州縣之謂矣。該令素著賢聲。兼饒文采。本司以首繁相待。自謂得人矣。乃託病堅辭。達於節帥。仿以連易播之意。遂舍京乞外之心。調署碭山。差宜弱體。似此優加體恤。爾當感激酬知。不圖再調再辭。知之者高其易退之風。不知者難免擇肥之謗。設人人如該令。本司難乎爲上矣。旣據稟求另委。江南何患無人。昔人云。張郃死。何關魏朝興廢。惟須薄加懲罰。以杜效尤。李宣龔應毋庸調署碭山。詳請停委三年。以爲任性規避者戒。此檄。

批沔縣令詳稱金來娃因姦婦苟氏之父致死本夫李檢娃稟

荀馬仁僅生一女。特招李檢娃入贅。兒婦兩當。自應慎選於先。乃能和睦於後。及檢娃不孝。又令伊女與金來娃苟合。並欲殺李而資金。及被檢娃看破。有要殺兩人之語。彼老龜者。遂商同來娃。將其婦網打致死。此亦丈人行中所僅見者也。夫女既適人。則其身已在本夫勢力範圍之內。此非可隨時改良者也。乃爲之岳者。竟欲開爲公共馬頭。許其迭相占領。姦其女者。亦遂視爲長江流域。可以彼此通商。彼本夫自有之權利。一旦姦婦欲自由。姦夫欲平權。不惟損其名譽。要亦大違公法。是以得其影響。立起衝突。憤然有革命流血之思想。而其岳與本夫本有密切之關係。不甘身爲犧牲。聞此風潮。立成反對。逞其野蠻手段。必欲達其目的而止。而本夫李檢娃。遂立斃杖下矣。姦婦李苟氏供稱。通姦屬實。謀殺不預。猶恐狡供避就。仰再研訊確情。按擬招解。仍候督憲暨臬司陝道批示。檄。

代定與公批城固令五門堰稟

稟冊閱悉。該縣五門堰要工。歲派民錢五六千串。深爲苦累。經現署新疆庫車同知前署城固令張開鑑。於同治三年以辦公餘款。置田二百畝。嗣又添爲三百餘畝。議定每年租利。不准提用。俟本大利厚。歲息積至三四千串。方可撥歸堰工。該民即可永除攤派。良法美意。深屬可嘉。前由張丞塞外具稟請飭查辦。當由封令稟稱。開辦之初。係邑紳王吉經手。同治九年以後。歸紳富盧覲光管理。旋由侯令會同查核歷年賬目契約。輾轉不清。虧短甚鉅。因盧紳不服。致周守親查。因周守所議未妥。批飭侯令再往查算。茲據造冊會稟前來。其情形業已洞明。而辦法尙多姑息。如所稱現存官田。及發商存款。實足三萬串之數。以歲息八釐計之。可得錢二千四百串。此項息錢。今年之子。卽爲來歲之母。由母生子。由子生孫。孳乳循環。有加無已。以本部院計之。果能經理得宜。不過六七年。卽可子大於母。來稟謂須十餘年。周守前稟謂須二十年。殊不可解。果能如本部院所言。得錢卽放。收租卽糶。輾轉居積。何待多年。如本錢真過六萬。歲息卽近六千。堰民可以永除科斂。茲據稟稱。擬以歲息二千餘串。全數撥歸堰用。

尙不足賑工一半之需。小民仍須攤派。殊立法本意。仰仍開諭堰民。前此爲劣紳所誤。悠悠垂三十年。事固如此。幸尙有基可爲。姑再茹痛數年。爲一勞永逸之計。試此見小惠不遠。甚非策也。此次經本部院飭查嚴辦。期於必成。臣等不懲前無以毖後。此事雖由王吉奸貪。虛紳昏昧。而歷任印官所司何事。於邑中如此大政。聽其把持二十餘年。毫不過問。是該令人人木偶。故該紳底腹便漁。本部因遙度情。不俱劣紳乾沒。悉歷任之官吏丁差。無不仰食隨規。得中樂。張承厚商令管者欲提堰費三百串作川資。卽此可見一斑矣。若執既言不善之說。則來者何所警畏。仰布政司查取同治九年以後城固縣印信各官印各記。或一或二次。此後如有擅提堰款者。勿論公用私挪。一經查出。卽照原銀錢糧之例。立即撤參。以爲玩泄者戒。封令未經稟請。擅動堰費一千串作春振。殊屬荒。前稟自認。詳。此稟又云窒礙。擬卽請作罷論等語。是該令提用之初。本有審還之意。現值認真查辦之際。應令如數賠交。以警專擅。但念二十年來之城固令。無一人問及此事。自封令到後。探聽臚言。更

易紳董。盧王二人之弊竇。甫能和盤托出。地畝從此核實。存款從此有着。是該令雖有擅提之咎。亦有經理之功。功過相抵。姑免賠還。以彰公道。至王吉係四川誑誤人員。經管六七年。漫無查考。至衆議不容。乃欺盧覲光昏庸易制。姑令接管。又使其黨陳新銘廁身局內。潛肆把持。來稟猶謂有始事之勞。查張丞以餘款置田。並非王吉捐辦。受事之初。既多含混。交代以後。又欠清釐。查算之時。復敢刁阻。而且遺書塞外。熒惑張丞。種種奸欺。無功有過。其假冒雖無實蹟。而陳新銘係其私人。正其引用。陳姓所虧之錢。卽與王吉所虧無異。稟稱陳姓故絕。應令已故王吉之家屬。查照原虧數目。代爲賠補。以警奸貪。而濟要款。盧覲光既係該縣富紳。接管此等要工鉅款。宜何如潔己奉公。乃定章歲一結帳。俾衆周知。而盧紳二十年來。從未清算一次。及封令任內。被人指控。改派堰紳清算。猶敢隱匿簿籍。把持抗阻。平日所置局中田產。有有田無約者。有有約無田者。又將生息活錢。私行借給徐鴻儀黃奮志等。至八百餘串。其並未存放取息。自行挪用。酌量減讓以後。尙有一千七百餘串之多。營私誤公。實堪痛恨。而猶

抗不遵。收出狂悖之詞。妄稱冤抑。來稟猶謂其人素長厚。長厚者固如是乎。又謂事爲陳新銘所誤。究非日蝕公款。譬如該令等虧短錢糧。誘係丁幕所爲。遂可置身事外乎。須知此取官固全爲壞民而設。壞費多增一分之息。壞民卽少出一分之錢。數千串之息。早一日成功。卽數千戶之民。早一日免累。梓桑膏血。盡在王吉盧觀光兩人之手。而延誤至此。使壞民歷年所出水錢。數逾十萬串以外。窮源溯本。盧王二紳之咎。萬死何辭。據理而論。盧紳虧短之項。應令按本計利。照數持出。方爲公允。乃除息錢不計外。俟令減讓一次。周守又減讓一次。僅令持出一千五百串了事。不知該守令等。何愛此一人之糊塗。而不念數千家二十年之痛苦。今由本部院斷定。盧紳雖死。應令其家屬數繳出吞沒壞費錢一千七百串。不得短交分文。至陳新銘董海門二人虧短錢五百六十四串。該二人照皆故絕。然陳姓係王吉私人。虧款已令王姓代賠。董姓係盧觀光所用。卽着盧姓代賠。務令盧王兩家交足虧短壞費五百六十四串而後已。如敢抗違。由該令提屬嚴追。決不寬貸。此項堰本。經此番追查以後。本愈大而

息愈豐。務須切諭新首趙呂兩生。不得蹈彼覆轍。亦不得視爲畏途。須知盧王二紳之得咎。係屬自取。地方諒有公評。官長並非豁刻。本地公事。必須本地正紳實心經理。明任勞怨。實則暗積陰功。如果辦有成效。本部院敬禮之不暇。豈肯摧辱挑別耶。此後遵照原議。必須積至息錢四五千串。足敷一年堰費。不再攤派堰民而後已。蓋小民凡短之見。每貪近利而昧遠圖。而爲民父母之心。當計成功而籌全局。仰布政司分別移行該管道府轉飭城固縣查照。更訂章程。二年一易首事。一算賬目。除冊報本道本府外。並造清冊二分。賚申本部院及布政司衙門查考。該縣遇有更替。卽將田賦局照倉庫之例。列入交代項下。移交後任接收。並由該管堰紳出結備查。以後地方無論何項公事。不得動發商之本。田賦局內。亦不得存無息之錢。凡更換堰紳。查照向例。由閤縣公舉。由該令關訂。隆其禮貌。方可責其成功。理財用人。誼當如此。現在封令丁憂。本任李令從前在官時漫不經心。業經記過示警。此後務須矢慎矢勤。力成善舉。以副委任。切切。餘照所稟辦理。仍候督部堂批示。繳冊存。

代定興公批富平焦令到任稟

據稟要政四條。曰營別糧。曰查荒地。曰疏舊渠。曰戢客民。具見乃心民瘼。力求整頓。深堪嘉悅。惟功不可以速成。法必籌其至善。以本部院計之。該縣入手之初。當先曉諭土客之地。曩者客民領墾荒地。客頭赴縣報名。或數十畝。或百餘畝。縣署並無案據。客民亦無執照。但由里長指給一處。卽相率開墾。迨年滿升科。里長索若干之糧。客民則稱短若干之地。紛爭呈控。無月無之。今宜責成各里之里書里長客頭等。會同書役。將各該客民領墾之地。清查一次。其地實有若干。納糧若干。註明紅冊。填給執照。使該客民永爲己業。再有狡黠刁抗者。卽重懲遞籍。如此則糧賦均平。而上客之爭。息其大半矣。其次則查隱匿。該縣腴地。鮮有不開墾者。而報荒之糧。尙有一萬六千兩之多。其爲漏征無疑。此項漏征之銀。大半爲里書糧差及紳民之豪強者。朋分其利。而窮民小戶。或轉賠納無地之糧。此事之最不均者也。該令有意清查。誠爲當務之急。然但云匿報有

罰。告發有賞。辦法尙欠妥善。此令一出。凡倖賞者挾嫌者。皆借告發之名。逞私熒聽。必有無辜受累者。甚不可也。欲辦此事。惟有既往者從寬。現在者核實。該令前此到任日淺。此次亦恩信未深。未可輕言舉辦。須於平日周歷村堡。勤見紳耆。俟情形透熟。官民相信。然後擇紳士中之明白公正。能服人。能了事者。或十餘人。或七八人。分赴各鄉。督同各里書。先查荒地。實有若干。再查熟糧。實征若干。兩相擠對。隱匿自出。再查此一鄉中隱匿之糧。在於何里。此一里中在於何甲。此一甲中在於何戶。此一戶中係屬何名。追出之後。不必苛罰。但將紅冊註明。令其如數交納。各鄉清查既畢。由各該紳開具清單交案。彙造成冊。核明實增糧賦若干。卽將此項溢出之糧。抵向來賠納之賦。凡有糧無地者。概予豁免。如此則政不煩。而民不累矣。至石川兩岸之坍糧。誠爲民累。但上下數十里。查勘非易。須斟酌行之。若疏通舊渠。乃民間自然之利。亟宜舉行。至稱以客查客。擬四鄰各派客頭一人云云。此人實難其選。又稱於無事時。分派壯役數十人下鄉巡查。則大不可。約束客民。向有保甲章程。凡客民住居何里。卽附於是。

里之後，編爲一冊，各歸各甲長管束。士著客頭，互相鉗制，方爲安叶。今若以客查客，則悉其徇私，以役查客，則必致滋擾。大凡有家屬有地畝之客民，必不敢公然爲匪，其或單身無眷屬，面生無認識，及一切賣雜樂唱小戲者，遇其入境，卽行驅逐，倘或滋事，卽行遞解。如此則良莠分明，主客安謐矣。總之，該令見義勇爲，樂善不倦，乃本部院所深信者。惟每作一事，必須徹始徹終，籌畫盡善，方可施行。本部院所言，特其大略。至於臨幾因應，非畫宮於堵所能賅也。該令如有所見，仍可隨時稟請示遵，此檄。

代定輿公批已革武舉阮大德上控山陽沈令呈詞

此案前據山陽縣沈令稟報，武舉阮大德私鑄小錢，姦佔郝義娃之妻郝方氏等情到院，批飭該州提審。久未定讞，該革弁阮大德屢次遣抱赴省，以挾嫌誣陷等情具控，節經明白批飭。茲復以前情稟控行轅，細核此案全卷，該革弁恃武舉之勢，橫行鄉里，藐抗官府，事所必有。決非安分之徒，其私鑄小錢，姦佔民

妻。皆所優爲之事。沈令所稟。未必全涉誣枉。惟其中疏忽紕繆。種種可愕。不啻授人口實。延今二年。愈審愈無把握者。則沈令自貽伊阻也。溯查光緒十五年七月任長清。獲魏仁貴之後。既據供出與阮大德何文學合本私鑄小錢。僱用黃機匠看火等語。該令不於此時。立赴阮家踏看形跡。起獲爐罐等件。乃仁貴於七月七日獲案。延至十月廿八日始行往勘。俾阮大德等得以彌縫無跡。似此疏漏迂緩。已覺令人焦憤。魏仁貴身苟不死。阮大德何敢不承。乃該令漫不經心。致魏仁貴服毒自盡。該革弁之得以狡展。實由於此。彼時黃機匠逃矣。魏仁貴死矣。幸而何文學到案。是此案一點真命脈。得以取供定讞者。全在此一人身上。該令案關切己。宜何如加意防維。乃正當批州提審之時。遽以何文學在逃詳報。實屬荒謬已極。據羅令查明。稟稱何文學之父何祿元。賄囑書差。縱令逃逸。而何祿元始終並未到案。書差到州後。全行翻供。案情愈覺不實。以致阮大德恃無對證。堅稱魏仁貴之死。該令毒之。何文學之逃。該令縱之。雖係仇口怨言。豈無自取之道。阮大德又稱郝方氏之奔控。悉由該令主使。查閱州

卷。郝方氏有劉二管辦之供。及該氏起解。又稱有縣署王老爺與伴婦一同相送。是該令縱非主謀唆陷。亦屬不避嫌疑。夫以身繫圍扉罪當大辟之犯。幸而無憑無證。可冀僥倖得生。此雖空想庸音。亦必輾轉求脫。而况桀黠之尤。如阮大德者乎。今此案延宕已久。拖累多人。殊屬不成事體。仰該州李牧嚴飭沈令。勒限一箇月。將已獲復逃之何文。黃機匠。及未獲之郝義娃。一併拏案。與該革弁質證明確。以關其口。而照尋。得早成信讞。一面先提何祿元。及書差曹德義等質究。何文學究係因何逃匿。再查州卷。十六年三月初一日。有何文學之父何祿貴。以串供朦陷等情。控請賀丞轉詳。賀丞批飭未准。何祿貴是。否卽何祿元所控各情。是否阮大德暗中唆使。此亦案內關竅。尤應確切訊明。至樊希聲。國順。是否教供轎夫劉老么。有無其人。該革弁之鄰右及木瓦匠人等。是否知其私鑄於前。拆改房屋於後。凡阮大德前後所控各情。均應澈底查究。以免該革弁逞刁藉口。其逸犯限滿無獲。卽着照例揭參。勿稍徇縱。切切。詞發仍繳。

批徐光福呈詞

爾在皋蘭幫夥。掏吞李思恭號銀二千七百餘兩。復勾串談姓。帖送掌櫃謝天順到縣。致謝姓瘦斃囹圄。喪良作孽。十死不足蔽辜。嗣經皋蘭縣於光緒十年。移解到臬。斷令變產還銀一千四百兩。官經七任。責比累年。刁抗冥頑。分釐未結。茲又據稱李思恭亦於去冬病故。是爾既欠銀債。又欠命債。豈獨不容於官府。抑亦觸怒於鬼神。猶自謂拖累無期。試問誰拖累累乎。本應提案嚴追。以懲奸騙。姑念班廳幽繫。已逾十年。仰原差查明李思恭是否身故。其家尙有何人。徐光福是否家產盡絕。其母妻是否已死。詞內所列田姓任姓。是否曾經管和。其資束是否曾經應允。一一詳悉稟案。聽候核奪。

批姜升稟詞

王如卿父子貪詐狡譎。爾主受累不淺。現在如卿遠遁。家具虛懸。致街房不能

出貨。查雷姓既與王姓合夥。王姓雖逃。雷姓尙有一半在內。何妨承領接做。倘畏如卿回家攪局。案經官斷。何畏宵人。仰卽商同雷姓。擇日開門。按月起租。將來如卿回陝。或交還家具。或算給錢文。均無不可。如雷姓必不承領。卽着工房協同香長地方。等。卽目前往該鋪。點明家具。粘貼封條。相鋪公房地方。將各具移放其內。封鎖嚴固。俟本主王姓回家。認領街房。卽日贍交業主。聽其租賃。仍將各家具估定價值。開列清單存案。以免王如卿將來混攪。快班出案。着一同前去。限兩日內。遵掛妥理。具覆勿違。

批陳裴氏催呈

查閱全卷。且怒且笑。爾子陳德福。娶劉世芳之女爲妻。旋卽物故。爾媳劉氏。年僅二十。嬌婦再醮。爾所不禁。爾心貪性很。欲將劉氏帶回河東原籍。多賣銀錢。劉世芳父女情切。聞信阻擋。理所當然。爾遂架詞控案。嗣經前任酌斷。娘婆兩家。商同主婚。改嫁財禮。歸爾獨得。可謂便宜之至。隨由劉世芳與爾商定。憑媒

馬春榮說合。寫立婚據。受錢六十串。嫁與王姓。不意爾奸貪潑悍。事後一口味賴。堅稱劉氏再嫁。爾未與聞其事。必欲索還孀婦。爾之本意。非錢多不能了事。非索人不能加錢。幸遇前縣仁明。任爾說長卽長。說短卽短。將劉世芳父子管押兩年之久。刑比二十餘次。斷令將王姓財禮退回。已醮有孕之王門劉氏。交爾收領。事雖未行。前縣於爾可謂仁至義盡矣。爾猶恃其潑悍。一控府憲。兩控藩轅。及批訊過堂。膽敢用剃刀僞抹。恐嚇縣官。前縣寬仁。毫不加責。且將劉世芳責打。平爾之氣。雖因鬧堂抹頸。詳請遞籍。而至今未行。去年臘月初十二。四等日。猶送將世芳之子劉老虎刑責。限日交出王劉氏。俾爾具領。詳判兩歧。不解何故。查劉世芳以養女弱門。遭離多故。其女劉氏。墜亡姑悍。歸靠爺娘。天理人情。亦國法之所不禁。且劉氏未經再醮。令其奉姑守節。猶可說也。業已嫁與王姓。且有孕矣。而爾必欲奪回。官亦屢令交出。不惟強索劉家之女。並且強奪王家之孕。誰非父母。誰無兒女。糊塗顛倒。天理何存。閱卷至此。真令天下父母心。不重生女重生男矣。今遇本縣到任。是爾運退之日。豈惟人不能交。卽財

禮六十串亦不能歸爾獨得。仰原差即日送審。聽候明斷。

批封兆慶稟詞

爾封兆慶領資買賣。本利俱無。搆訟以來。避不到案。實屬奸狡已極。楊永慶前堂供稱大事由爾與張錫齡作主。今又謂爾係外行資東。另用內行數人。此數人者。何姓何名。現在何方。豈能以顛預之詞。推卸乾淨。至楊永慶爲干氏積年東夥。任聽封兆慶等奸弊自出。不能救正。以至潰敗決裂。而不可止。亦屬咎無可辭。均俟堂訊究懲。勿庸妄造。

批善耶氏呈詞

爾夫身故乏嗣。爾遵遺囑。於光緒十五年正月。同親族議立夫見次子善及財爲嗣。喪事未辦。先將衣服銅錢六十四串。概行搬去。爾身非木偶。何以任其吞據。不惟不行阻擋。而且同院鄰當面點交。殊出情理之外。及夫喪入土。嗣子假

言迎養。意存逼嫁。於十五年秋間。趕爾母女出門。事到如今。已歷三年之久。爾何竟隱忍不控。此三年中。爾母女兩人。又在何處棲身。憑何度日。情詞種種支離。萬難憑信。姑候飭差協約。問明院鄰族長。公同詳約稟案。以憑核奪。

批李學世呈詞

爾寄存銅錢三十一串於賀文興店內。賀姓身死妻嫁。僅給爾爛被十五床了事。反將爾送與巡官。責打二十軍棍。果如所呈。情殊冤抑。惟據稱賀姓死後。曾經坊鄉各約說合。賀李氏再醮之日。如數總給。及李氏另嫁。爾查知不依。坊約等言猶在耳。何能一口同音。代爲挺抗。若謂受該婦賄賂。能有幾何。豈能人人爲之出力。而且巡官打人。亦須問明是非。爾如此有理。反受軍棍。恐無此糊塗巡官。必係爾藉事訛詐。致觸衆怒。事後猶不悛改。希圖控累多人。不准併飭。

批屈自有呈詞

屈自遠乃爾姪胞叔。爾則堂叔也。屈自成在外生理。欲爲其子回房。函致胞弟。可矣。何必請爾經營花燭。且自遠果將姪媳藏匿。爾姪屈知賢何以不控。要爾出言控管。其中恐有挾嫌誣陷之處。姑候喚案訊奪。

批色欽圖息詞

余李氏未嘗控縣。輒以焦公一理事代書。不寫呈等詞。越訴府轅。既經上發。豈可私銷。仰原差於兩日內送審。訊明懲創。所懇息銷之處。不准。遵結發還。

批張仁誠呈詞

爾爾爾等。張義爲身故。本爾等。出山。我媳張蔭氏及姪孫等。既於小峪河。將伊母子四人一併尋獲。卽應領歸故里。以慰爾嫂之望。乃不待嫂命。竟將此度嫁賣。實屬貪妄已極。茲據稱尙長寬得妻後。財禮分文未給。反指爾爲拐騙。其中定有別情。姑候喚案察訊。

批司書黨恂稟詞

該書既在公門。豈得不知規矩。稟中直呼趙委主之名。膽妄已極。惟據稱情實難甘。姑准覆集訊究。

批薛純科呈詞

查各里設立新甲。係長安創辦。咸寧仿行。稟曰層憲批准。前縣出示遵行在案。不得謂之違規取巧。當十五年創立之初。爾等何以不卽具稟。經今三載。乃以遺累爲詞。何其言之晚也。不准。

批糧書魏先庚稟詞

現據章曲十甲糧正。以額外勒索等情。控爾等到案。據稱向規前六後四。僅出票錢七串。今年忽索九串云云。所爭不過兩串之微。而亦來案嘵嘵互訟。愚民

無知。可恕。爾等身爲典史。亦如此不知大體。愧乎不愧。不准。特飭。

批陳氏呈詞

招夫養子。最爲敝俗。爾以孤孀。招根遂兒爲夫。原圖養贍。乃一無所得。反將所蓄之二百八十串錢。盡爲所耗。近則錢盡而人亦不至。且以娶有元配爲詞。揆厥事情。恐左阿婆。非媒妁也。乃牽頭也。爾與根遂兒。非嫁娶也。乃苟合也。以苟合始。以離異終。男女兩人。混帳已極。候喚案一併重責。以爲不要臉者戒。

批劉全倫呈詞

爾妹身故。妹夫王昌寅遣人報喪。原俟爾看明棺殮。爾卽出外。爾家豈無一人前往看視。今爲殮理之後。僅以未見屍身。臆譖身死不明。來案率瀆。殊不知王昌寅不來通知。則曲在彼。通知而爾不往看。是於得信之始。早存訛賴之心。實屬混帳已極。不准。

批張陳氏呈詞

近來姦拐掠賣之案。不一而足。爾將十五歲姪媳改英。於正月十日。任憑黃彪接往武老四家。已屬防閑不密。及屢接屢推。猶不急行根究。直待誘匿月餘。爾大伯來搬姪媳。尋鬧不依。始行控案。恐武老四之拐匿。未必非爾縱之使然。况武老四以販賣人口之人。而稱與爾夫至好。是爾夫婦亦非好人可知。候逮案嚴究不貸。

批夏根丁呈詞

爾父子借人銀錢未還。爾父身故。高恆豐不索前欠。又復許給錢文。俾爾治喪。爾乃以怨報德。停門倒賬。及高姓控案。又復捏訴搶拏錢土重情。實屬昧良無理。前經堂訊。斷令具限還銀。兩月以來。不曾了事。反稱原告違處抗陷。可怒可笑。候提案比追。

批劉選潤稟詞

爾欠廉泉湧本利銀一千五百餘兩。於去年十一月經前任堂訊，斷令具限清償。茲據稽十二年四月，漢口直興和來陝收賬，爾與廉泉湧掌櫃王之憲商通，由伊再墊銀一千二百兩，與直興和清賬，將爾鋪所有價值五千金之貨，歸王之憲與爾共同價賣。所賣之銀，收項後收借項，並借收齊。餘貨仍歸於爾。果有此事，前堂何不供明。現廉泉湧呈稱，不過二千七百兩。爾何以慨將五千兩之貨，交伊出售。十三年年底墊款收齊之後，十五年正月，爾又將餘質查點一次，除賣若干，由王之憲短少若干，俱註賬內。各執一本。既有此賬，前堂何不呈驗。十三年以後所賣之銀，應收入借款一兩二兩，皆當於借券中註明。何得僅於賬內書寫，而券中並無收銀字樣。爾十六年，由口外回省，王之憲已經身故，廉泉湧亦已停門。爾尚有數千金之貨，在其鋪內，豈得不急速追查。乃一直延至十七年冬月初四始於請呈中提及此事，而堂訊時又未供及。顯

係捏情支推。希圖騙賴。况賬債之事。全憑約據。杜廉泉持票收債。何謂冤誣。兩造互控。全憑質證。爾所引之王之憲。係一死人。顯徵虛僞。爾以貢生領人貲本。折耗無存。又復虧欠外借。延不清理。猶敢飾詞。瀆請。冀得拖延。無恥喪良。衣冠不齒。着原差押令三日之內。與廉泉湧全數清償。如再抗延。帶案重責。押追詳革枷號不貸。

批田雲稟詞

李思恭雖死。妻子尙存。徐光福欠人之錢。豈容白罷。既據稱任姓田姓。曾經管和。着卽來案保領徐光福出外。與李思恭妻子書立誓約。將來稍能自存。卽陸續清償前欠。如敢昧良。准李思恭之子控案責押比追不貸。

批李逢泰稟詞

宰殺耕牛。本干例禁。據稟請飭各坊鄉保傳諭各鋪。不准炖買牛肉。具見重農

愛畜之意。合亟允行。俟卽日出示。責成各街約查明城內現開牛肉館共若干家。勒令改賣他物。取結存案。如敢故犯。卽將該鋪封禁房屋。家具人官。並仰該紳率包諭各鄉養牛之家。勿得圖財輕賣。凡遇買牛之人。必先問明姓名住址。在各該管保約處報明。各該保約。每月月底開具清單。來縣彙報一次。以便稽查。如有賣給屠戶。及白牛館者。一經查出。買者賣者。一併枷責示衆。並追價入官。仍俟會同長安一齊出示嚴禁。仰卽知照。

批復勝公屏店稟詞

前據東西兩行木匠互控到案。訊得東行二十餘家。專做門窗箱櫃。支應考試卷箱。及本署日行差務。西行二十餘家。專做棹椅等件。幫爾等屏店支差。亦支本署日行差務。自去年八月西行福太恆等十家。公舉張公議當行頭。遂不支縣署流差。經東行劉世堂李仁義等控案。前堂親訊。西行向規不做箱櫃。而去年賣出卷箱不少。向規不做門扇。而李魁盛現做黃華館門扇八合。而又旋供

旋狡。聲稱並未做卷箱門扇。亦向不支流差。經本縣將李復盛張公議等。重責示懲。斷令西行二十餘家。准其做賣油漆棹椅。照常幫助六家屏店支行。並准其做賣箱櫃門窗。亦幫劉世堂等二十餘家支行。至劉世堂等二十家。仍照向規。除做門扇箱櫃外。只准做白胚棹椅。不准油漆紅貨。如做紅貨。准西行及屏店指名控告。而東行李仁義不來稟案。私奪李魁盛門窗。亦屬藐官任性。并予答責。飭令兩造各具遵結在案。本縣自謂斷結此案。不偏不倚。一秉大公。乃三合公復勝公兩屏店。不問情由。冒昧稟稱西行向幫屏店。不得再幫東行。本縣知其糊塗。傳案面諭。謂西行斷令兩幫。並非專幫東行。不幫屏店。千言萬語。反復開導。而復盛公形同瘦狗。始終迷謬。竟敢聲稱西行不應具結。夫西行具結。乃本縣命之也。三合公控東行。卽是控本縣。本縣生性。見良善如春溫。遇刁健如火烈。以彼么麼蟲豸。而敢於如此膽大妄言。若不重懲。何以服衆。是以立予枷責。尙擬封其店面。以儆愚頑。今據爾等悔過。呈懇前來。本縣不爲己甚。准卽疏枷釋放。照常生理支差。並將前斷緣由。明白曉示。以後凡有興訟者。有理儘

管盡責。無理少來取鬧。其各據遵勿忽。

批魏喜稟詞

趙平是本縣前在咸寧時總役。人頗老成可用。條爾物故。爲之惻然。其舅康財。故後。本縣曾諭趙平周卹其家。今趙平亦故。趙平家中尙有何人。能否過活。仰爾等不時顧卹。以盡同班之誼。切切此諭。

批姜廣智呈詞

據呈。自然。此案將至中糾同袁八兒等十餘人。至八仙菴混鬧。菴主劉元機。業經控准。飭捕嚴拿。乃元機不候集訊。亦率數十人。至普濟宮拿人。以暴易暴。莫知其非。均屬不守清規。藐官玩法。候一併集案究懲。火鎗呈驗。

批時清春呈詞

據稱爾岳父在日。商量娶妾。而爾不肯。荒謬已極。試問娶妾求嗣。理之正也。爾必欲令其絕嗣。是何居心。至稱嗣子孫作良。是爾代買。有何憑據。孫作良毀業不孝。何人見證。爾岳三女三壻。獨爾一人。始則不准娶妾。又不准要外戚爲嗣。今又唆逐螟蛉之子。致爾連衿二人。俱懷不平。爾猶敢昧良告案以後。誇爾丈母來案出首。實屬不法已極。候集案重懲不貸。

批張富均呈詞

廖起富前月在此過堂。察其言貌。非肆行竊害者。所呈恐係虛誣。且行竊打架。無憑無證。到案何從定斷。姑候飭差。協約查明。稟覆候奪。

批閻俊稟詞

如果差役不准爾保外。則爾此稟。差役亦可攔截。不令投遞矣。查此案初十日過堂。六日以來。並無保狀呈案。何從開釋。而輒歸罪。差役原告。爾試打聽本縣

押人。俱受原差原告指使乎。似此糊塗逞刁。實難輕縱。着提案親訊比追。

批屈喜稟詞

此稟糊塗已極。宋幫全之十五畝地。乃斷歸關廟者也。此外二十餘畝熟地。又四十餘畝荒地。究係何村何人之業。果爲王炳等霸奪乎。抑他人耕種乎。着明白稟覆。

批復盛合稟詞

前據馬永恆周全順王同心等。具控炭牙黨振海斗秤不公到縣。當經親訊。當堂較準斗秤。並無弊端。據馬永恆鋪夥曹老七供稱。已丑辛卯兩科。已蒙上憲奏准免行。而黨振海依舊私抽炭斤兩科以來。供積嵐石各炭乙百數十萬斤。等語。當經本縣詰以已丑科免行。大張告示。各行周知。何獨爾炭行毫無聞見。任其抽收。且已丑科初改章程。受其欺罔。猶可說也。至辛卯科又隔三年。免行。

已久何得仍聽抽收。且積炭至一百數十萬斤。如其未賣。勢必堆積如山。究在何處存放。如其已賣。此項炭價不少。黨振海一人獨吞。何以無人告發。曹七等理曲詞窮。狡稱伊係抽籌。尙未收炭。夫執籌以取炭。猶憑票以取錢也。旣已免行。黨振海豈能執無用之籌。取已免之炭。就令向索。誰能予之。詐稱未免。又誰信之。如其強收。誰不控告。曹七等率意妄指。顯係挾嫌捏誣。當予分別責懲。斷令黨振海以後抽收行用炭斤。只准向賣家抽取。不得取之買家。至於斗秤。尙無弊端。私抽科場炭斤。毫無憑據。均無庸議。兩造允服具結完案。詎曹七等受責不甘。嗾令王同心以抗斷不遵等情。覆控黨姓到案。而曹七陰出馬永恆周全順之名。遞稟於保甲局。聲稱黨振海於免行之後。私收炭斤至三十餘萬之多。情願捐入冬季粥廠應用。並請局憲提案訊追等語。無論本無此事。卽有此項炭斤。亦非周馬兩家之物。何能懷他人之慨。由伊二人報捐。而且縣案已結。稟請保甲局提案。尤屬奇聞。似此膽大糊塗。若不加以創懲。本縣何以治民服衆。是以將曹七重責管押。今爾等旣以案外之人。代爲乞恩。本縣恐爾等不知

其詳。是以將案情明白批示。並非有恨馬永恆。亦非偏厚於黨振海也。如果該炭牙真有私抽料場行炭情事。本縣豈惟將炭斤全數充公。定將該炭牙重責斥革。招人另充。爾等既係同行。仰卽詳細查明黨振海究竟有無抽收已丑辛卯兩科行炭情事。如其已收。屯於何所。如其已賣。售於何人。曹七在縣面緝一百數十萬斤。在局又稱三十餘萬斤。究竟抽收若干。合銀若干。逐一查明稟復。以憑追究。如其本無此事。恐因曹七妄言。本縣據實稟覆。以憑核奪。可也。

批李忠盛呈詞

本縣訪得姜元統所出銀帖。在五六千串以外。實屬有心坑陷平人。罪不容誅。伊有多大家當。能將所出之帖。全數收回。爾不過一雜貨店。又有多大本錢。敢作五六千串錢之保。萬一保釋以後。爾等與姜元統一齊滾逃。持帖之家。勢必歸怨於我。爾等均屬荒謬已極。此狀不准。仍候將姜元統提案重責比追。

批李周氏呈詞

據稱曹老二父子與爾挾有嫌隙。曹悅貴窺爾十四歲之女赴地檢花。哄誘弔樹等語。究竟曹家所挾何嫌。未能指實。已屬含混。改娃年已不小。被人細綁。豈不喊叫。弔在樹上。豈無人見。一日不歸。爾何不找尋。既被細綁弔起。何又能自已脫身。爾得知此事。自應投鳴鄉約。與之評理。何以獨自尋理。致被打落門牙。而又一無見證。所呈種種支離。本應不准。惟稱爾母女現有傷痕繩跡。姑候驗明核奪。

批王炳呈詞

已於張天魁詞內批飭房差查覆矣。此案與張富均所控。係屬一事。而一歸禮房。一歸刑房。問案時豈得分爲兩事。該堂房分案。糊塗已極。張富均控案。着歸入王炳卷內。併案訊究。此飭。

批周岳氏呈詞

昨日爾弟岳鍾良當堂供稱願令王步祥取保說話。本縣面諭此案本擬親訊懲究。今爾原告自願息事。本縣亦無如何。但取保以後如有翻異不得再來控告。岳鍾良滿口答應而去。甫隔一宿爾又控請速訊究追。是直視官事爲兒戲。忽滅忽起。可恨已極。着岳鍾良來案先行重責。再提王步祥訊究。

批張天魁呈詞

爾等包穀地畝。自應本村本人就近看守。何以歷年均僱河東人代看此地。若在河東。其爲爾村越河強收無疑。爾係張天吉一家。張天吉與廖起富有隙。爾稟萬不足據。現據王炳等以違斷刁誣等情。覆控前來。候飭禮房協同原差。切實查明。該灘地畝除宋邦全佃種之十五畝。業已歸還關廟外。其餘荒熟各地。尙有七八十畝之多。究係何村何人之業。廖起富有無偷拆包穀情事。逐一查明稟覆。聽候核奪。

批義聚公呈詞

板橙一擲。頭頂成孔可矣。何至臂膊腰脅俱受重傷。大約白寶圭恃衿慳吝。犯言打架。乃是實情。昨已於席五福詞中批准驗喚。仰候傳質可也。

批翁車氏呈詞

爾夫故後。爾前房子翁慎修竟如此不肖。從前之事。姑且勿論。本年二月十四日。爾白娘屋轉回。失去衣物金珠等件。翁慎修誘爲被竊。後又毆爾成傷。爾何以聽信李三之言。遲遲不控。况爾去夏業已失竊一次。不敢向問。今歸寧自當格外小心。何以細軟金珠概放屋內。此真委肉於虎狼。寄財於盜賊也。彼之很可恨。爾之愚亦可憎。姑准喚案訊究。

批李廷裕呈詞

據稱爾與鄰槐盛王姓等夥開錢鋪。以錢三百餘串。贖取蔣姓之房。作爲鋪面。並非白往蔣姓房屋。何以蔣姓霸住號內。不服開銷。且除掏吞四百餘串不究。

外。反給與分金錢若干。恐無此理。爾因此樞氣發瘋。惡等遂與左姓改號另做。不知所謂惡者。指蔣姓乎。抑指鄭槐盛乎。爾開鋪在十四年。發狂亦在十四年。其病歷年之久。至十七年始愈。此三年中所欠外債。是何人應承。何以爾病一愈。卽來逼討。設爾病不愈。又向誰討乎。王姓與爾影做生意。何得不知其名。爾鋪是何招牌。後來改號。又是何字號。來呈一味。瘋病似猶未愈。惟稱被毆有傷。候一面驗傷。一面照指駁各節。明白稟覆。

批雷劉氏呈詞

據稱爾孫女蓮娃。被其乾娘王氏。於除夕前一日。引至伊家。賣與糧道巷金姓。查爾祖孫二人。相依爲命。正當團年之時。何以任外人引去。自除夕至今。已七十日。王氏與爾近在同城。爾又有三十歲之子。無難親身往接。若王氏藏匿支推。卽應早來控告。何以直待其價賣之後。始行控追。核閱來詞。恐係爾既賣復翻。情同放鴿。惟王氏亦決非好人。姑准一併喚案懲究。

批黨恂稟詞

趙三畏借爾錢乙百串。爾已陸續收過乙百七十七串。是以去年趙委主堂訊。斷令趙三畏再持出三十串。共成二百零七串歸結。爾乙百串之債。一本一利。綽乎有餘。爾乃恃在藩署應卯。抗不遵斷。咆哮公堂。經趙委主簿責示警。已屬寬容之至。而爾膽敢於本縣到任後。不遵格式。自書紅稟。稟中直呼趙委主之名。狂悖已極。嗣經親訊。案中情節。不過如此。一本一利。前斷極公。姑念趙三畏與爾同署辦公。債經兩世。交情不薄。鄉誼宜全。寬而又寬。令趙三畏再持出二十串。合之前斷。爲二百二十七串。俾爾具領。而爾狂悖如故。抗不遵依。不得已。扑作教刑。冀開迷罔。爾乃於斷結兩旬以後。復遞此逞刁訕上之詞。試思爾之賬項。乃係指缺當缺。大干例禁。藩憲發交之始。早已批明令本縣從嚴懲辦。本縣忠厚待人。不欲砸人飯碗。是以祇令了債。不究指當各情。今爾一再逞刁。乃是孽由自作。候詳請藩憲除卯。仍發本縣枷號示懲。滿日遞籍。永不准易名。復

充。趙三畏交案之五十串錢。爾既不具領。着發給郵竣局充公。併仰原差將黨恂交保。勿任逃逸。此飭。

批楊瀛洲呈詞

爾將房一所賃給韓光槐居住。嗣因借伊二十五金。遂將三院房錢。令其扣收抵債。查每月房錢。既有十二串之多。計還二十五兩銀債。半年即可抵清。何不早爲清算。一任韓光槐永遠代收。直至去年三月。始同鄉約張登壽照賬查算。查出韓光槐。共收房錢一百八十串之多。而又當場混狡。其居心騙賴。已可概見。乃猶置之度外。回家一年之久。所有房錢。仍聽韓光槐收用。種種情詞。均不近理。顯有捏節。姑候喚訊察究。

批李毓樹稟詞

據稟柏樹林潦池。向有圍牆門扇。嚴加扃緘。近爲坊約私行啓封。淪爲溷圈。該

處毗連鬻校。詎可納污。候勘明後。補葺垣墉。重加封禁。該管鄉地。不事埽除。而反穢亂。亦候察明懲處。

批王玉稟詞

查卷並無拆房之斷。但令梁龍兒交還石辛氏家具銀活。茲據稟稱。拴子保兒阻令不得拆房。如有此事。是石辛氏本不應拆。阻之者不爲無理。該差親承此案。何以如此糊塗。着再明白稟覆候奪。再者近來批差稟覆之案。往往遲至旬餘。無有隻字。實屬疲玩已極。此後凡有奉批稟覆者。如過三日不復。提案重責不貸。

批善邢氏呈詞

三月初六日據該氏覆控前來。批飭原差李春明白回話在案。延今九日。李春形同聾啞。絕無隻字稟覆。是該氏所稱受賄朦稟。事出有因。候卽日改差喚究。

李春亦係被告。着在案聽審。所有承喚之票，一併改差。

批每先益稟詞

爾與張致禮並已故之趙繩武同辦里甲糧務。三人公同出名。約借恭盛新銀兩。無論作何用度。自應三人公同歸結。乃見繩武物故。輒欲推之趙姓一人。果爾則每先益之名。何能平空入約。約內既有爾名。即不能置身事外。至謂爾甲管糧最少。趙張二甲糧石甚多。即應各借各銀。各完各糧。何竟不分多寡。公同約借。顯係飭詞混狡。着仍遵前斷。公同還債。毋再狡翻干咎。特飭。

批馮丑兒懇詞

車潘氏串通前房之子于占熬。將寇劉氏子媳。拐賣無蹤。大千法紀。前任訊明。僅止薄責。押追財禮。恩慈逾格。乃冥頑不靈。抗延年餘。尙有銀十五兩。不爲交案。似此藐官刁抗。實堪痛恨。爾亦案外之人。竟敢一再來案討保。輒捏寇劉氏

搶去車潘氏錢二十五串。果有此事。該氏當堂何不供明。顯係捏詞圖抗。膽妄已極。本應提懲。姑從寬批斥。着將車潘氏欠錢交案。再准保釋。特飭。

批司書程福善訴呈

據稱爾去年四月。娶馮張氏孫女毛子爲妻。旋因其孫麻雀兒年幼。喚爾夫婦搬至馮家。照料一切。本月十四日。馮張氏病故。其出繼之子馮三。卽馮景立。始則逼爾出門。繼則率衆兇毆。爾妻頭面受傷等語。查馮張氏有子有孫。何以必須外人照料。馮三雖云出繼。是其親子。何得謂之突來。爾去春定婚。媒證爲誰。馮三是爾叔岳。議婚之始。曾否與聞其事。來呈一味含糊。輒稱馮三搶爾衣箱。查爾自有房屋。何必將衣箱搬至馮宅。此時捆載出門。難保非掠人肥己。現據職員馮景立。以乘喪糾毆等情。控爾到案。業經批准驗喚。一經質訊。如鏡照形。如果真有乘喪捲物各情。本縣鐵面無私。恐爾難逃法網。爾須好好忖量。有理則來。無理息訟。爲妙。

批屈自遠呈詞

爾姪童養之媳年已長成。應令即日完婚。乃爾從中多方撓阻。其意何居。如謂其養媳已故。此係爾後妻帶來之女。爾胞兒豈能冒昧寄信。移花接木。催令完姻。捏飾顯然。前經本縣飭差傳諭。令即擇日圓房。乃膽敢捏詞來案混濇。不惟混帳。而且刁健。本應提案枷責。姑從寬明。白批斥。不准。

批王益章呈詞

爾受僱看倉。去年一年。倉正李老九等。不給口食身金。爾何以不來控案。况爾係僱工。倉糧有失。尙有倉正副在前。爾看門原爲掙錢。給錢則管。不給則不管。爾何以如此公爾忘私。竟肯自賠衣食。替人看守。况李老九等如果領糧未交。自有新倉正與之理論控追。何必爾來呈訴。控詞種種不情。姑候差飭。新舊倉正明白稟覆候奪。

批善聚禧訴呈

爾既已過繼爾叔孀爲嗣。卽爾之父母也。何以詞中仍稱叔父孀娘。此卽不
之一端。爾母控抗養擄業。雖不盡實。恐亦不盡虛也。爾母既欲在城居住。何以
又任爾打賣家具。直等賣完。始行告案。尤屬無此情理。善邢氏以母控子。以孀
送姪。本縣恐有冤誣。久而後准。而來呈輒謂爾兄癆病吐血。免喚省累。實屬膽
妄已極。細閱來呈詞氣。實非良善之人。候親訊重懲不貸。

批郭春稟詞

擋騾一案。前堂斷令該職與韓永貞各認草料錢一半。將騾領回。茲據稱共合
草料錢一百串有零。八騾一驢。半月之久。何至吃去草料。如許之多。且本縣斷
令各半持出。岳德何人。令交全數。爾亦居然如數付給。何其不遵堂判。而聽命
於差役也。公興長之貪險。韓永貞之混帳無良。本縣早已洞悉。爾知人不明。用

人不當。致有今日。既來控告。本縣自能爲爾伸理。而爾屢次請人關說。實屬糊塗已極。爾試打聽本縣。豈受請託者耶。着靜候覆集訊斷。勿庸曉瀆。岳德隨堂聽究。

批張世昌呈詞

據稱蕭永祿乘爾臥病之時。誑言將爾妻溫張氏先行搬往伊村居住。竟串爾妻父張四謎另行賣與郝七爲妾等語。爾既臥病在床。正需爾妻在房照料。何反令蕭永祿領去。爾妻亦不顧夫病。跟人就走。妻誠混帳。夫亦糊塗。揆厥事情。難保。非爾因大旱之度。自願賣休。事後重又翻悔。惟控關串拐生妻。姑准喚案澈究。再查爾身姓張。爾岳亦姓張。何以稱爾妻爲溫張氏。此亦糊塗之一端。併飭。

批王三盛呈詞

爾伯母王喬氏。雖屬再醮之婦。究係爾堂嫂之姑。媳再嫁而姑主婚。事所常有。若云爾堂嫂身懷有孕。矢志守節。果有此事。當喬氏嫁賣之時。卽當以死相拚。而卒聽其嫁賣。足見本無堅守之意。且爾係屬堂弟。渠自守節。何必苦勸爾夫。妻同管家務。况其姑在堂。房地耕牛。亦非爾堂嫂所能作主。竟慨然付爾經營。爾既受孀嫂之託。卽應謹守門戶。何以今正又復遠出。致令爾嫂守節不終。揆厥事情。必係喬氏賣媳。爾想分錢。不遂所欲。遂來控案。呈詞刁健。必係鄉間不安分之秀才所爲。此案若經本縣親訊。爾與唆訟者難逃譴責。着卽還村斂跡。勿得貪財挾忿。自貽訟累。不准特飭。

批鄧維海呈詞

爾弟娶妻。不問來歷。輒買刁拐之婦。以致本夫控案。拖累將及一年。前日王翟氏到堂。親口供明。王自振是其本夫。去年四月廿七日。被李繼昌拐往河北。賣與爾家。今經提案。情願斷歸本夫等語。供情確鑿。已飭王自振領歸完聚。爾乃

捏砌情節。妄稱王自振自鬻孀婦。此案緊要關鍵。總以出諸翟氏之口者爲憑。翟氏之供。在前。爾雖千言萬語。千媒百證。亦是枉然。拐賣之婦。照例斷歸本夫。爾之財禮。應向翟黑兒李太元討要。何得指控王自振。並誣以亂倫之事。居心實屬奸險。不准併飭。

批關廷才呈詞

賀榮夫妻打架。其母請爾妻前往解勸。而輒被毆。爾八旬之母向理。輒又被毆。爾回家趨視。則亦被毆。賀榮如此善毆。實屬罕見。候驗傷喚究。無傷不喚。

批方流女兒呈詞

爾於何年被爾堂兄趕外。未據聲明。今年三月回家。爾堂嫂既欲謀吞爾業。何又令爾回度。爾未歸之時。爾之田地。係何人承種。既歸以後。誰將爾地交還。方占熬謀種未允。仍復將爾趕外。爾之不允也。何等剛強。及任其趕外也。又何其

懦弱。所呈俱不可信。現驗得方車氏受傷非一。明係爾等朋毆。而爾反云爾堂嫂等將爾揪毆。試問爾傷在何處。本縣堂前。越狡辯。越吃虧。着靜候質究。勿瀆。

批馮景立復稟

稟詞均悉。所訴尙不盡虛。查此案票出多日。特選李才宋德兩頭役往喚。而亦臥票徇私。實屬不知自愛。着再限三日。將全案人證送上親訊。倘再踰延降卯。重責不貸。再查毛子去年與張祖石通姦搆訟。朦朧處息。案經前任親筆批銷。實屬有傷風化。此案着不准息銷。併添差田雲。將張祖石一齊拘案聽究。

批賀清玉呈詞

劉學彥前堂訊斷後。懇稱回鋪與資東商議。數日未來。想是措辦銀兩。爾何以如此急不可待。控其藐斷抗違。此事遲緩則有之。藐抗並無實據。爾十年來任其拖延。忽於數日內如此急躁。實屬年輕任性。如德勝當真不遵斷。本縣自能

懲處。不用爾着急。此飭。

批姚金昌控詞

爾既知張情是一刀匪。卽不應聽從童老五往伊家住宿。張情不在家。童五往尋。爾久待不歸。自往看戲可也。攜帶行李。擠在人叢看戲。實屬聞所未聞。爾與張情在戲檯下相遇。其時伊並未回家。何由知爾盜竊伊物。執刀便砍。既經衆人護救。又何能於耳目衆多之地。奪爾錢物。所呈種種不情。顯有諱飾。姑候驗傷核奪。

批王作涵呈詞

爾借張良卿錢四十串。據稱王敬坤使去一半。前堂並未供出。足見爾癡聾老實。至稱張良卿管事不公。本縣前堂早已看明。其人能言會語。心計甚多。因見其友鄭永義欠項無着。遂欲捉爾呆子替楊玉成歸賬。併將爾水碾文約。亦付

鄭永義收執。明明欺爾鄉裏老實頭子。不善說話。樂得估爾出錢了事。然在本縣案下。此等伎倆。卻不能行。俟其稟覆至日。本縣自有公斷。

批駱恆益呈詞

爾姐駱氏再醮侯老大爲妻。所遺之子祿兒。究係何姓。旣爲爾收養。是未隨母同適侯門。於以又冒侯姓。爾旣教養多年。又爲聘定妻室。其母子宜如何感激。何反聽侯老大挑唆。欲退婚姻。情詞均不可解。其中顯有別故。候喚案察訊。

批郭士全呈詞

孫惰拐爾姪媳。事在何日。爾姪孫郭狗盛等出外。爾郭士全並未離門。何以任其哄入滿城。毫無覺察。直待狗盛等回家。始行邀同尋究。爾姪孫狗盛等。旣能手藝傭工。爾姪媳年紀必已半老。孫惰担一拐賣名聲。能得幾何身價。所呈殊難盡信。惟近來刁拐之風甚熾。姑准喚案訊明嚴懲。

批王席珍呈詞

爾辦雷存之嫡母爲妻。既憑媒妁。又立婚書。但不知辦娶之始。其娘屋之伯叔兄弟。曾成通知。數月以來。有無來往。村約王居喜身爲官人。何敢勾引拐騙。詞稱拐騙成婚。究係與何人成婚。種種含糊。令人不解。姑候喚案察訊。婚約密呈。

批王居喜稟詞

據稱雷李氏守節撫女。其弟李振義及濮德福。何以預知其姪雷存有嫁賣之事。輒稱倘若嫁賣。卽令爾等阻回。似此支離稟詞。實屬罕見。且李振義情關手足。託爾攔阻可也。紳士濮德福。有甚相干。而亦從中插管。況雷李氏業於去冬改嫁。爾何以不阻於昔。而阻於今。現據王席珍以仗約拐騙控爾等到案。着卽候訊勿瀆。

批武雙魁呈詞

爾店收買舊貨。誤買賊贓。事所時有。王三多指爾所賣之鐵。卽伊家被竊之鐵。畢竟此鐵憑認。從前被竊。曾否報明。若憑據毫無。輒復逞兇扭毆。情殊橫暴。候驗傷喚案究懲。

批李振義呈詞

爾姊雷李氏。旣然矢志守節。去年雷存將伊賣與王席珍。伊何以甘心從順。自十一月至今。已歷半載。爾係同胞姐弟。此半年內。何以毫不過問。直至今日始知。所稱轉賣河北人販。其人是何姓名鄉地。攔回在於何處。所呈種種含糊。昨據王席珍以拐騙等情。控爾等在案。着卽候質勿瀆。

批鄭郝氏呈詞

女子之心。內夫家而外父母家。自古如此。爾從前爲外家贖地蓋房。情何厚也。今向爾弟索錢肇訟。又何薄也。惟據稱郝虎兒知契遺失。味良抗債。如果實屬。

情殊不法。詞稱毆受重傷，並不請驗，亦屬不實。候飭差協同原管郝天元等，查明從前差役毆傷及近來兇民賺管，有無其事。如其是真，卽照原議，令郝虎兒出錢三十串了事，免致姊弟興訟。在傷手足之情，萬一不知好歹，仍前挺抗，帶案訊責，勒償不貸。

批王依理晰詞

此案蔓延六年之久，首被張瑞祥卽張柄，亦已物故。而張樹卽張瑞雲，輒又舍兄控弟，與張棣纏訟不休。且前次業經馬萬和姜登有等處息。張瑞雲卽張樹遵結書押在卷，乃未逾兩月，輒稱該民身在三原，並不知情。復興訟案，控縣不准。又控府轉自十五年二月覆控。至今又逾四年。官經三換，總以賬未清算爲詞，及飭令算賬，又復延抗。本縣統閱全卷，業已洞悉其情。張瑞祥卽張柄在天忠粟店管事多年，未必全無不是。惟現在其人已死，卽有萬分過錯，亦不能執鬼魂而究之。其弟張棣向做傑盛店生意，本案外無干之人。兄終弟及，牽累至

此。卽云算賬。乃算張柄天忠店之賬。非算盛棣傑盛店之賬也。當興訟之始。張柄出天忠業已數年。其賬悉在高魏兩姓及張樹之手。匿帳與否。抗算與否。天忠店實主之。與張柄何干。與張棣更何干。至張樹控稱祖遺店帖錢文。應行公分者。均爲張柄霸吞。查係事後添出。更難准究。此案着添喚荆福壽馬萬和姜登有到案。親訊一堂了事。以絕訟蔓。爾等隨堂備質可也。

批代書成永錫墾詞

趙康姓控楊春茂。其實卽控趙張氏也。趙張氏此呈。與前案係屬一事。該氏母子互訟。詞出爾一人之手。何得另作新案。且謂該房欺壓。朦混爾身爲代書。若生性糊塗。便當斥革。若有心朦混。更應斥革。此次姑寬。以後倘再胡鬧。定卽追回戳記。不准寫呈。懍之。

批屈孫氏呈詞

爾之寡媳孤孫。被山西陳姓誘拐。何以漫無覺察。直待爾媳舅父王大成在
瀋橋。發見阻擋。始免逃脫。爾何其昏。王大成之撞遇。何其巧也。其中有無別故。
候喚案訊察。

批梁鵬霄懇詞

爾兄梁鵬展。前在西安出銀七十七兩。擅買有夫之婦。經其姑馮楊氏控案。將
馮周氏從廣綏縣開回。係孫四德等圖哄拐賣。照例斷歸本夫馮拉柱。追出
財禮銀二十三兩。暫存庫房。此案查十二月十三日。完結全案。人證分別結領
責釋。已經兩月矣。茲據稟稱。爾兄請媒娶妻。然所請之媒。卽拐犯也。爾兄不知
而娶。則爲糊塗。明知而娶。則爲串買。此等案件。財禮照例入官。本無給還之理。
但念娶妻未到。爾又孤身遠來投案。不無可憫。姑將前次存案之財禮銀三十
三兩。飭房發還。俾爾具領。其餘銀兩。訊係衆人朋分。尙有景生光王喜娃遠在
山西。不曾到案。無憑追給。仰將現存之財禮銀兩具領還家。以免訟累。此飭。

批革書李光第稟詞

查光緒十四年臘月。施縣主任內。經該房書吏李芬若等。以稟明原委等情。控經批飭爾於被革後。朦混入卯。胆玩已極云云。茲據稟稱。去年五月備銀贖回原缺等語。深堪詫異。公門應役。豈能和賣和買。該革書所備銀兩。究有若干。當年當於何人。此刻贖於誰手。既由爾等自當自贖。何必本縣賞復卯名。胆大糊塗。本應提案懲責。姑寬批斥。如再夤緣入房。定卽枷杖遞籍。不貸。

批房敬堂稟詞

查該清書既在長安刑房供役多年。何以忽然跳過咸寧。既經李芬若薦入刑房。與秦懷吉一同辦公。何以云日受凍餒。咸寧刑房既不相容。何以不回長安本缺。所稟均不可解。但凡跳槽之人。必非好貨。若經本縣親訊。恐怕爾要吃虧。姑候訊奪。

批段輝堂稟詞

以粗易細。自必短絀。惟該紳等以穀易豆之時。既有短絀。理宜先行稟官批准。然後遵行。方能免駁斥而息物議。乃事前竟自專主。致短糧十餘石之多。若非本縣詰問。則尙等始終瞞官。不知實屬荒唐已極。現值撫憲飭查義倉之時。豈容升合短少。致干嚴究。本應分別革責撤換。姑從寬宥。着卽日補足原報分數。以儆效尤。嗣後如再有擅作聰明者。定行重懲不貸。

批羅生有呈詞

爾娶妾而妻不能容。爾遂將妾轉賣錢七十串。已屬非是。倪老五辦娶爾妾。自應先交錢而後過人。何以人去而錢尙未交。何家銀等突以私販人口向訛。將爾揪毆。此係何日之事。爾何以不卽請驗。直至廿八日半路邀截。復行兇毆。爾始於半隔五日以後。來縣呈控。尙有何傷可驗乎。爾稱娶妾有媒有證。媒證究

係何人。何不指名傳質。揆厥情事。何姓所稱私販人口。恐非無因。姑候喚案嚴究。

批常天萬呈詞

上門女壻。憑媒立約。養老送終。據稱去夏進門。僅管一月。養贍是從。去秋至今。毫未管顧。爾何以一年有餘。默無一語。况約在爾手。壻在爾家。無故而求看約。其意可知。爾何竟慨然付給。以致將約燒燬。所呈不盡可信。姑候喚案察奪。

批左忠智呈詞

此案票出半年。原差張彪形同已死。爾既於本月初二日。將張至強交給張彪。何以猶不送審。以致張至玉持刀行兇。候一面驗傷。一面仰原差即日尋獲張至玉。一併送案嚴究。倘再隔兩日不送。責革改差不貸。

批惠公興呈詞

王應全既係當戶，伊買鹽頭，何必向爾借錢十五串。借錢不還，前債未消，不應又添後債。何以十七年爾又賒給鹽斤，至欠賬三百餘串之多。所呈殊屬無理，不准。

批王見鼎等稟詞

從前控路先登等糧者，十二村鄉約也。今日爲路先登明冤者，亦十二村鄉約也。一村究有幾約，何以各分門戶，詞涉兩歧。而鹿萬有一人，控詞中有名，保狀中亦有名，尤堪詫異。倉糧關係至重，路先登如無吞嚼情事，何肯具結認賠。如果路先登實係被誣，則係雲錦等法當反坐。且爾等欠糧不交，歷今十餘年之久，從前官勸差催，付之不理，何以一經路先登被押，遂各激發天良，自行投案認納。路先登既如此盛德感人，何以其外甥其門人，均在公堂直陳其弊。明係路先登認賠，以後無面見江東父老，架捏爾等名姓，詐稱實欠在民，名爲爾等補交。實則路先登暗中持出，以自掩其吞糧之醜，更難保不各村加派，借衆姓

弟子之力。填自家不滿之坑。此等鬼蜮伎倆。可欺他人。難欺本縣。今爾等既無投案。著原差喚齊原告各紳約當堂質訊。究竟路先登有無弊端。爾等從前何不辦誣。此次是誰糾約。呈詞何人書寫。一一究明。以後總須從嚴懲創一次。方足以服老奸巨猾之心。而絕後來效尤之路。懍之。此飭。

批蔣融和呈詞

現據屈源興以逞刁抗債控爾到案。業准喚訊。查此債卽爾所借。何推爾已故之兄。爾所引之中證。如王迪順。如趙五。今皆爲鬼。何足徵信。爾言陸續還過若干。誰知之而誰見之者。況借錢既有約據。後來還錢多少。下欠多少。卽應於約內注明。卽不注明。亦應有債主收條爲據。來呈無據無證。但稱爾賬可憑。此賬由爾自寫。何足爲據。核其情事。其爲昧賴無疑。候喚案嚴究。

批劉馬氏懇詞

前次爾子被捕役盤獲，得衣包一齊送案。經委主當堂訊問。爾子並不知包中衣服是何人，其爲偷竊他人之物無疑。今見奉縣格外寬容，准其保外。爾遂得離牢獄來求衣包，試思獲賊而放之，猶可說也。放賊而並以贓物與之，尙復成何事體。所請胆妄已極，糊塗已極，不准。

批劉陳氏呈詞

爾以自嫁之女。如此孝。爾娘。爾母故後，爲爾父繼娶寡婦王王氏爲室。及今不爾父身故。爾又爲之立嗣。勸令王氏守節，撫孤養贍。均由爾出。王氏住北院門。爾住驛馬市。相離不遠。聲息易通。王氏被人誘拐，打折家具。轉當房屋。豈一朝一夕之事。爾何竟毫無所聞，直待送麵人歸，始知捲逃之信。此係閏六月之事。並不來案控追。亦不詢問鄰右。王氏旣逃。嗣子卯寅，自必攜去。爾視王氏原不甚關切。卯寅兒本生父母。忽失幼子。何以亦不呈控。此皆不可解之事。况王麻子旣然拐賣人口，自應遠販他鄉，何以胆敢賣與樓北鋪戶。王氏旣然捲物

私逃。理應畏人警見。何以胆敢出街閒坐。爲爾所覩。此又不可解之事。王氏被王麻子拐賣。想是王氏告爾得知。拐時是誰起意。娶主花錢若干。是否另有媒證。王麻子現在何處。房屋當與何人。家具運往何所。爾何以不一二問明。來呈顯頊草率。無情無理。惟控關誘拐。姑准逮案嚴究。

批董得平呈詞

查閱來呈。支離已極。爾既知楊西子素行奸狡。卽不應在伊地內卜葬。及楊西子央董德科說合。兩相兌換。爾未應許。爾三叔豈有不知。乃楊董二人乘爾往新築之隙。勒逼爾叔成券。爾叔事不干己。何難等爾回家。再議乃竟遵命立約交伊。已不可解。爾叔已既交約。自應立索楊姓換地之契。乃伊契未成。爾叔旋卽進城。聽其隨便亂寫交爾母收執而去。世間辦事荒謬如爾三叔者。誠爲罕見。及爾回家。查知伊約內地數不夠。情願各還各約。楊姓恃刁不還可也。董德科有何干涉。而輒掣肘不給。楊姓既不還約。又毆爾母重傷。還要勒錢七十五

串。無情無理。罕有如爾所言者。以本縣測之。必係爾謀楊姓之地。始而兌換。繼而翻悔。以致楊姓不依。爾以約在人手。無從抽銷。遂爲此先發制人之計。下屬混帳已極。況爾母被打昏迷。而無傷可驗。尤徵誣枉。不准併飭。

批劉德溶稟詞

查段萬鎰前遞說單。本縣批斥。必係無賴訟棍所爲。該生豈未見批語耶。此稟劉四罵人。過於詳盡。若輩乃是混帳小人。何必與之性命相搏。孟子曰。不爲己甚。尙三復之。仍候集訊察斷。

批馬朝義呈詞

查馬鎮自大同罷歸。久居陝省。田業皆其自置。渠生時並未聞有弟代管家務。死後數年。亦未見爾呈控一次。乃於劉桂元與馬成祿興訟以後。忽然鑽出馬朝義。以劣姪抗養具首。明係劉桂元勾串而來。試問爾兄馬陞。由爾生母撫養。

成人。有何憑據。爾管家務。有誰兒證。家業既由爾兄嫂交付爾手。馬成祿何能奪去。當其被奪之初。爾何以不來首告。似此貧老無恥。聽人指嚇。實屬混帳之至。不准。

批李忠盛懇詞

李王氏母子及陳姓。誠然混帳。胡爲而同義濱店夥。手持號內銀兩。在寡婦家歇宿。以致擄銀興訟。此等夥計。豈可復用。茲據懇息前來。此案姑准撤銷。着傳諭同義濱東掌。將該店混帳荒唐之夥計。迅速開銷。以肅號規。而儆奸夥。此飭。

批張鳳儀呈詞

滿紙胡說。此等秀才。真堪打殺。試問自前明至光緒十四年。並無新甲之說。亦未見逼死花戶若干。爾等無故生風。變亂甲規。任意割裂。以致舊甲屢控不已。現經本縣稟明撫憲批准。十一年一輪。按糧幫費。而爾等猶敢抗違。實屬糊塗。

貌玩之。今俱爾這等不通秀才。難以理論。候提回薛維清嚴比不貸。

批盧長太呈詞

據稱爾於光緒五年拉種營產地畝。卽被糧差王耀年截納地租。估書借約。利上滾利。嗣於九年。估將爾地十二畝。書立當契。與伊折帳。復於今年八月。估將爾地三十五畝。書立賣契。與伊折帳。糧差雖兇。兇不至此。花戶雖弱。弱不至此。况營田租至輕至微。何能十餘年間。磊積至八百餘串。且五年至今。年年受傷。默無一語。今來具控。輒稱從前無人敢寫呈詞。試問此次呈詞。又係誰寫乎。惟百姓控差。證無不准。姑候喚案嚴究。如虛信懲不貸。

批鄧全盛稟詞

前經訊明。將爾等與中正剛等爭種夾河灘地人。官以絕訟蔓。地既由官另佃。糧隨地轉。何致累爾等賠糧。案經訊結。輒復架詞影射。殊屬狡詐。不准。此飭。

批蔣信周呈詞

據稱姜瑞舟詐稱大伯鬻其弟媳。實則本夫自賣其妻。復於賣斷以後。恣行訛索。實屬狡詐無恥。至稱姜瑞舟將爾喊案。並無其事。候稟傳嚴究。

批王宗秩稟詞

稟悉摺存。所請將出易之糧。趁此冬寒乏食之時。妥爲散放。事屬可行。仰卽均勻分派。仍將各村領過斗數花名。詳細摺報。以憑轉稟勿延。至修倉諸費。尙不敷錢三十七串有奇。據稱由灣子村攤墊。應如何籌還之處。仍仰妥議具覆候奪。

批郭占鰲呈詞

似爾如此顛預。實屬罕見。爾娶妻需用衣物。適爾友朱慎有。出當衣箱。卽以當

票交爾轉贖。爾竟不察衣服之長短大小合式與否。賀然以一百一十串錢。取出許多無用之衣。已堪詫異。及張戈什與爾作賀。爾所贖衣物。既不合用。自不能令行擺在外面。終戈什從何得見。以致向爾究問。爾又盡情告訴。以致串黨向訛。所呈種種支離。可笑可氣。至稱去年張姓詭稱與爾幹辦。戈什嫌去錢二十串。煙土二十兩。又穿爾緇馬褂。拿爾眼鏡套。爾上當已不止一次。何今年仍與交往。致釀訟端。且爾以渭南武生。久住省城。一無所事。惟與一羣惡物胡觥。累由自取。夫復誰尤。案已准傳。姑候集質訊究。

批馬成祿呈詞

爾之家事。本縣素知。馬朝義前次具控。早已批駁。覆呈亦未准理。茲據訴稱馬朝義勾串地戶。抗不交爾租課。實屬無恥無良。候傳案嚴究。此稟作爲原告可也。

批王永發呈詞

昨據蔣信周呈稱。去年九月。姜瑞舟將其妻惠氏。並子女四人。一齊賣給。今忽已賣復翻等語。業經准訊在案。茲閱來呈。姜瑞舟忽然變成王永發。蔣信周又變成差役蔣英。來詞含胡閃爍。定有別故。候集訊澈究。

批薛春稟詞

來春與今冬。有何分別。何以佔人房屋。須春膳而冬不膳。着諭令速膳。勿延干咎。

批王敬義稟詞

本縣叫雷振宵具保。有何不敢具保。仍照前批行。

批魏作棟等稟詞

來稟具悉。所言諸多隔膜。不中窾要。本縣向來平情斷事。無沽名見好之心。自

再蒞咸寧。因北京等理新舊甲蔓訟不休。察看情形。實有窒礙之處。遂將其中委折。詳悉稟明列憲。劃分三策。惟上台所擇。嗣奉撫憲批准。以新幫舊。永爲定章。業已通諭各里紳民一體遵照在案。本縣以署事之人。豈不知以各納各糧。各辦各差八字推抹了結。既省自己之事。又討爾等之好。豈不甚善。然處事不平。卽問心難過。況天下心知其理。而口不能言者甚多。口能言之而筆不能達者尤多。若本縣知而不言。則此中委曲。無復有達之憲聽者。而新舊甲蔓訟無了期矣。本縣原稟。原不謂舊甲是而新甲非也。其中有扼要二語。爲民上者。但當禁其浮苛。不當改其戶籍。譬如人家子弟。因伯叔當家不公。而遂改名換姓。我咸寧百姓。因官府不好。而遂改井改邑。有是理乎。總之其中利弊。前稟已盡發無遺。而爾等於撫憲批定後。猶有此稟。未免明知故昧。此在愚民百姓。佯爲不知。故意混鬧。猶可說也。爾等皆讀書明理之人。且有曾爲院長者。而亦必效小人之文過。此何說耶。稟稱未立新甲以前。糧由舊甲經管。應幫經費。今伊未曾催過新甲之糧。新甲不應幫錢云云。此明知故昧之說也。新甲除催本甲糧

石外無餘事矣。舊甲輪當糧正除本甲外，尙須經催外九甲之糧，因新甲不肯輪充糧正，故令照舊幫錢。其所以幫錢者，幫其催外九甲，非幫其催本甲也。如幫其催本甲，則須年年幫錢，不得十年始派一次矣。試問爾等真不知乎。抑佯不解乎。至稱每遇值年交卸之際，設盛饌，備鼓樂，唱大戲，彼來會此，此復還彼，等語。禪宗第一戒，是不打誑語。作呈詞亦然，不可言之過甚。過甚則人不信矣。值年交替，酒食宴會，容或有之。若謂演戲作樂，彼六十六里之糧正，大抵同時交替，焉有許多戲班，供其演唱耶。彼一甲卸事，請外九甲喫飯，派令花戶出錢。容或有之。若外九甲還一甲之席，而亦派花戶出錢，花戶豈能答應耶。總之案經憲定，一切流弊，悉予蠲除。除每糧一石派銅錢千文外，如再有浮攤一文者，准花戶指名控告。至酒食宴樂之事，若糧正自己掏錢，則亦聽之。若派花戶出錢，亦卽指名控告。本縣未有不懲辦者。爾等此稟，並非爲公事，全是爭意見。新甲由爾等所立，經撫憲批令十年幫錢一次。爾等自覺無顏，遂欲從中把持，作此若明若昧之稟詞，輕來嘗試，亦可謂枉拋心力矣。至稱懇請變通一層，來稟

詞不達意。所云合一同辦者。似仍是本縣新舊合一之說。是本縣前稟中。早爲爾等代籌。久擬憲於一策中。獨取以新幫舊一條。意謂舊甲得資。而新甲省事。卽擬經易則易知簡則易從之意。今案經批定。爾等又欲新舊合辦。實非本縣所能擅更。仰卽自赴層台籲請。本縣五日京兆。自此番明白批示以後。雖有來稟。亦不復批答。仰卽知照。

批謝桂呈詞

爾將許李氏搬往城內。敗人門風。壞人鋪事。前堂委主從寬斷結。未曾答爾一板。本縣至今憤憤。乃於結案以後。猶敢以劉彥恆誣告爲詞。瀆請追究。查張委主堂判具在。並無付爾一百零五千之古。何得自捏判詞。妄希得利。不准。

批張武林呈詞

爾外甥侯福兒。旣做和尚。與在家不同。據稱該僧去年七月身故。香長人等令

爾照應。以俗人代管雷神廟之事。已屬無理。既有爾經管。則該僧之銀錢煙土衣物。自應盡歸爾手。何以又被蓬和尚席捲一空。既被鯨吞。爾應即時控理。何以事隔一年。直待廟內教讀之王先生尋討寄物。爾始呈控。且王姓寄物於廟。並非寄放爾家。何以不尋蓬和尚。而獨尋爾。情詞種種支離。明係爾外甥故後。廟事歸蓬和尚接管。爾欲強分僧業。不遂所欲。遂來妄控。實屬貪鄙無恥。不准併飭。

批熊天祥呈詞

還錢而不抽約。殊難憑信。即使果真。亦是自貽苦累。當熊陳氏抗不給約之時。何不來縣立案。且欠錢九千有餘。僅以一根榆樹作抵。爾亦太佔便宜。統候集案質究。

批楊玉純呈詞

據稱李繼密父子乘狎亂之際。拆爾房屋。掠爾財物。並將爾地窖內該骨擲棄。果有此事。爾不共戴天。何竟聽其管息了事。是爾真全無心肝矣。前既任其處息。後即遺其訛賴。事有必至。理有固然。蔓訟十年。皆爾自貽伊戚。候查卷集案質究。

批孫永順等呈詞

此案昨經堂訊。查該村有神廟公地四畝五分。租於村人耕種。議定每年租麥八斗。自光緒八年後。史維清耕種一年。趙玉智耕種三年。均未將租麥交給廟內。自應如數照追。斷令租麥照上年之價。每斗作錢六百文。史維清欠麥八斗。着繳錢四串八百。趙玉智欠麥二石四斗。着繳錢十四串四百。趙玉智又存有公地頂子錢八串。合共繳錢二十二串四百。均歸廟內公費。至十三年地歸史維兆耕種。至今五年。應出租麥四石。合錢二十四串。據呈清單一紙。開出公用賬目。是否屬實。應着會首邀同村衆核算明白。如有虛捏之處。仍應照數追出。

似此斷案，公允之至。清楚已極。乃該民等妄稱前斷尚有四十八串之多。現斷僅有二十六串之數。不知前斷係令趙玉智一人承認。現斷係趙姓史姓三人均攤。若將史維兆應繳租錢。總共合算。較前斷錢數。已屬有盈無絀。該民等反來混控。殊屬執謬。着即遵斷了案。毋庸多瀆。此飭。

批禮生王柄稟詞

覽稟惻然。准將夏季工食全數給發。並由本縣賞錢八串。以示體恤。至爾充當禮生。已數十年。此時辭退。無子無孫。何業可改。不如仍舊充當。家中有事。隨時照看可也。

批胡老四呈詞

爾婿樊順興。如果與田三信毫無首尾。豈能屢至山西討賬。且田世瑄准爾主嫁。此言有何憑據。爾女既爲樊姓寡婦。再醮財禮。自應還樊順興之賬。何能歸

爾獨得。至稱爾培生前欠爾業錢。及借欠張老四樊林升之錢。尤屬無憑無據。任意捏造開銷。候添喚張老四樊林升到案質究。至田三信是否卽開小押當之田維一。本縣就案問案。其餘不管。

批雷樹滋兒

爾兄雷耀升。因何事避嫌。不辭二百餘里之遙。攜眷前來投親。並帶衣箱等物。到李善長家居住。嗣後事既了結。爾兄何不卽偕爾嫂張氏同歸。竟聽李善長留住。迄今數月之久。屢接不回。謂李善長居心不測。猶可說也。而爾嫂亦堅不肯歸。竟忘夫婦之情。殊不可解。其中恐有別情。姑候喚訊察究。

批整屋縣民趙琦稟詞

去年整屋煙稅一事。縣官兩任被撤。皆由爾等刁抗之故。上台赫怒。逮案嚴懲。發咸看管。本縣並非承審之員。何能爲爾開脫。仰卽自赴府轅一懇可也。

批杜蘭馨稟詞

據稟有情無理。並無不合。惟據陶瑤稟稱。爾名爲設一專行。實則水烟卸載。以後該十三家。卽別分銷售。果爾則一行與十三行何異。何取此專行名目耶。總之爾與十三家。本屬一氣。陶瑤孤立無親。平日招攬客貨。各憑本事。原不得行忌妒。但爾以一人出面。而令十三家暗裏藏身。是陶瑤以一人而敵十四家。生意幾何而不壞也。本縣判事。一秉大公。取巧藏奸。難逃洞鑒。仰卽恪遵原斷。只准爾家專行卸賣水烟。十三家雜貨行欲賣水烟。須向專行轉販。如敢仍前暗中使壞。本縣必追杜蘭信之帖。照例塗銷。勿謂言之不預也。凜之。

批封建擬呈詞

據稱爾姪媳封馮氏。孀居撫子。曾經憑約。將地畝家具糧食等項。開單點交其父馮情照營。及爾近來探視。馮氏竟同房主張省兒。逐離馮情。由省兒代爲招

夫。擄奪產業。不認叔父等語。試問房主與父執親。馮氏變心不認堂叔。事所或有。至於謀逐其父。在馮氏固無此情理。而馮情又其能甘心。何以不來喊控。且離間骨肉。誣合兩業。皆不可告人之事。省兒何竟自認不諱。詞稱忽聞云云。聞自何人代爲招夫。夫爲何人。馮氏既反眼不認。又何能隨爾回家。爾將其母子搬回。地畝又交誰管。所呈種種支離。其爲訛誣。十有八九。着照指駁各節。明白呈覆候奪。此呈不准。

批王太期呈詞

鄉有勞民。控官懲治。義也。念其母老。保外自新。仁也。該生行事。殊可嘉尙。准如所懇銷案。田魁兒卽日省釋可也。

批王秩宗稟詞

寨門工作。自不可緩。現值糧價日高。該生等擬於韓森倉所儲五百石豌豆之

內。借糶五十石。以其價爲修寨之用。俟年成好糧價平之日。加息倍還等語。此事一舉兩得。自屬可行。仰卽聯名出具借糶結狀存案。仍將糶錢若干。修費若干。隨時報縣備查。予限一年。每石加二還倉。不得過延。致干詰責。仍候轉稟本府查考。此飭。

批朱鑑等息詞

二女同居。志不相得。最易吵鬧。今以地兌房。妯娌分爲兩院。可謂善於調處。票銷。遵結存。

批耿林升呈詞

爾妻嫁爾一十五年。生有一女。恩義不爲不深。何以突遇素不相識之高姓。卽攜女跟隨而去。高姓既有心刁拐。自應挈之遠颺。何以仍住城內。均不可解。旣稱交約看守。着捕頭段喜卽日帶案聽究。

批王趙氏呈詞

據稱夫弟平應兆，身係二門人，與四門承嗣，兼與葉姓承祧，以一身佔三家之產，而猶覬爾長門之業，情殊貪霸，惟稱奪去爾夫所管絕門業產，所謂絕門者，究係何門，王應兆係屬二門，其子王平兒，卽二門之子，何以云爾要平兒與二門承嗣，並由爾爲之娶妻生子，所呈殊不可解，且訟事全憑質證，爾云人皆畏惡，不敢作證，將來上堂，豈能憑爾一面之詞，爾弟婦毆爾，可有傷痕，罵爾有誰聽見，來呈一味含糊，而且爾控應兆，卽令其子平兒作抱，爾以嫂控叔，彼卽以子告父，尤屬奇聞，仰再遵照指駁各節，明白具覆候奪。

批劉德勝稟詞

據稟各情，足見爾善於處事，而且用心周到，防患未然，深屬可嘉，俟交銀到案，飭令賀閻氏母子具領，領狀註明永不滋訟字樣，決不貽爾後累，爾之交狀，但

寫遵斷幫給賀閻氏銀兩若干。與還債不同。且賀閻氏母子亦係舊家。何至訛索。爾但放心交銀可也。

批馮景立催呈

此案延擱多日。本縣以宋德老成懂事。諭令始終其事。而亦疲玩至此。可恨已極。着本月總捕頭王珍王乾限本日拘拿柳進有到案審訊。宋德老而無用。着降卯十名。停票一月。此飭。

批王葆恆稟詞

查各寺方丈。向由僧綱司或叢林方丈公舉給諭飭充。從無紳士公舉。而彼教不與聞者。該紳等既稱空義堪勝興善寺方丈之任。仰即商同各叢林方丈。公同聯名舉報。以符向例。而免後言。此飭。

批耿風林懇詞

爾父耿學愷，貪業悔繼，涎媳誘姦，卒致爾出繼之弟耿東林死於非命。而又迭次上控，訟累多人，罪孽重重，人神共嫉。今果喪心病狂，得此瘋魔之證，例應鎖繫空房，著即邀同備村鄰地爾家族長來案具保，照章鎖繫。此飭。

批楊成稟詞

既飭房差算賬，自應將賬簿存房，即時查算。何因天晚耽延，竟聽孫萬珍將賬持去。在孫萬珍固屬狡避，而房差亦形同死人。限原差於一日內將賬取回，算清送審。如延重責不貸。

批鄭學賢懇詞

爾等係本縣子民，豈肯絕爾生路。但此項鹽包，久不經爾搬運，積重難返。事理之常，茲據覆懇前來，並稱爾村置有鹽船墳地，糧由爾等賠交。既云稟官，應有諭帖。既稱墳地，應有碑記。仰持確據呈案查驗，勿得空言干咎。切切。

批田三信稟詞

胡老四初次嫁女。早已得受樊順興之財禮。此刻樊胡氏再醮田雲爲妻。乃樊家之寡婦。並非胡家之閨女。所有財禮錢文。自應與樊順興還債。不得付之胡家。此案卽着田雲驗明合同信函。將財禮百五十串。眼同田三信。撥給藍培信收受。下餘欠項。或藍培信情讓。或田三信補交。總以抽回借約了清債項爲主。胡老四只准得追往錢二十串。其餘不得動用一文。如再貪橫。帶案重責不貸。

批吏房經承褚彝訓稟詞

署內辦公。不可無老成督率。該書在房二十餘年。豪無貽誤。實屬該房得力之人。今因目力不佳。懇祈除卯。尤徵退讓之意。惟該書係屬舊人。原不必躬親瑣事。此後在房辦事。惟須綜其大綱。指教後進。間有要務。備我諮詢。旣無損於高年。亦有益於公事。該書宜體本縣求舊之意。勿再固辭。此諭。

批常懷吉呈詞

爾子當此歸與余等第等稟控小押當一案業准喚究茲據呈稱係屬竊名等語此必因本縣前日派喚王莊臨等到案質訊爾恐聞罪莊臨或即莊臨喚爾具呈以爲上堂狡賴地步此等伎倆不必在本縣案前賣弄着斂迹回村勿庸管此閒事爾子不來也是淡事本縣也不一定喚伊

批姬樊氏呈詞

爾子姬姓羊等經賣童控告准予傳案質究爾既寄信往喚何以杳無回音爲母者不能自喚其子而請本縣關提真是怪事準備文移關到案訊結至姬賈氏前經其父懇請在家養病暫緩送歸業經批准仰卽知照

批劉錦堂呈詞

爾招李凌娃爲壻。言明養老送終。及完婚後。抗不管顧。爾何以不憑中說話。十四年搬家。偷走回晉。爾何以不控請移提。既已偷走回籍。何以去秋爾妻物故。又云李凌娃。避不管理。亦不令爾女奔喪。似乎爾女爾壻。又在省城也者。來詞糊塗已極。姑候喚案察究。

批侯大祥呈詞

崔鍾雲與爾何仇。無緣無故。將爾夫妻毒毆。而且一同歇坐之婦女。與路旁拖勸之好人。皆要證也。而皆不知姓名。所列干證米老三。又不曾見其打槌。控情離奇。本不能准。姑候驗傷察奪。

批樊浦呈詞

以爾叔之業。還爾叔之債。事本甚公。惟稱吏缺業已分過。有分關可憑。查爾叔在日。缺係爾叔所做。故後方歸於爾。今所謂分過者。若分於爾叔在生之日。則

缺係借故。不應淨做。若分於身故之後。又憑誰律。而歸於爾乎。總之房產。爾友之業也。爾友叔爾之業也。爾不做此缺。即應代還此錢。若將房產抵債。更缺歸爾。將來爾弟長大。憑何過度。似爾如此。良實堪痛恨。候覆集訊懲。

批貢生陳銘揚稟

現據生員余藻等以違批徇庇等情。控爾到案。據稱小押當勢難停門。碑記異日仆毀等語。均出自該貢生之口。然則重利剝民。應如是耶。紳耆相驗。應立碑。然據稟。稟文稱小押當已停。碑皆仆毀。稟詞各執。孰是孰非。仰再明白稟覆候奪。

批張正心呈詞

爾身爲武生。將髮妻認作胞妹。託王丙兒等媒賣。以致被騙。被棍打。被刀戳。幾乎斃命。爾妻於去年十月二十七日夜被王丙兒李德喜慶鳳三人拐去。至臘

底始賣與大荔劉姓。此兩月中三男一女。不知如何鬼混。推其致此之中。皆由爾賣休而起。爾實罪不容誅。因爾受傷。幾乎成廢。是以屢次堂訊。倖免斥責。今案已問定。王丙兒等照例問擬。併取爾年貌詳革衣衿。乃猶遞此不通之詞。希圖斷錢給領。實屬醉生夢死。無恥已極。試問爾妻已回。卽或追出財禮。亦應歸劉姓承受。與爾何干。不准併飭。

批余藻稟詞

本縣屢次體恤紳民。不欲令其公堂涉訟。而無知之徒。猶復如此刁抗。實屬目無法紀。亦且太無天良。但思田維彥。么麼一鄉約耳。本縣硃諭所至。何敢如此抗違。恐是爾兩人不願息銷。故作此言。以激本縣之怒。亦未可知。着原差馳赴該鎮。查明田維彥有無刁阻情事。速將小押當封閉。石碑搗碎。如有敢於抗拒者。卽鎖拿來案。立斃杖下。以儆刁頑。爾等昨日領去紅諭封條。着卽繳銷可也。

批田維彥稟詞

昨據余藻稟稱爾爾田維彥將石碑匿藏家中。又稱紅諭是假等語。本縣知其故作此言。激我之怒。是以飭差下鄉查看。如果爾等抗拒是真。卽行拘案。今既將碎碑呈案。小押當遵諭封門。是余藻捏造虛言。果不出我所料。爾既未刁阻。何事籤拘。現在案已息銷。仰卽還村安業。亦勿庸與余炳麟結怨。凡存心不良。造言生事者。自有顯報也。知之。

批張王氏呈詞

據稱光緒十一年。爾與夫弟張新輝新龍等。分居各度。爾母子分到庭房一間。被新輝佔住不騰。屢被毆辱等語。查十一年至今。該氏母子。如果露處無依。何能忍至八年之久。如其有房可住。又何爭此一間庭房。惟稱新輝等罵毆欺凌。衆人皆畏惡不管。是否屬實。姑准喚訊察究。分關審呈。

批何宗基稟詞

三字經云。教不嚴。師之惰。爾教出這等學生。想是爲師不嚴之報。昨據王王氏控爾到案。業准喚訊。候集質可也。

批劉得功呈詞

爾當初瞎了眼睛。用此惡夥。乃是自討苦吃。伊如今關了鋪門。白騙東家。亦是自討苦吃。何也。本縣凡遇惡夥吞東之案。無不逮案倍懲者。何元德將爾之醬園吞嚼罄盡。而自己開一醬園。無恥喪良。實堪痛恨。候喚訊嚴懲。

批丁鶴鳴呈詞

據稱權自詳盜去磁器客騾頭。既經盜去。何以又肯送還。既云畏法送還。何以又敢明目張膽。訛錢二串五百文。而且爾等明知其爲竊賊。於其索詐。不行斥禁。反坐視該客茹痛給錢。錢給矣。客去矣。始行背地嗔斥。尤屬無情無理。至稱客在途中存亡未保。爾何以知之。迨後兩相犯言。卽稱其形同叛逆。尤爲荒謬。

萬狀。且既稱執棍明毆。何以爾僅止右手背微傷。查閱稟詞。種種支離捏飾。顯係恃矜欺人。捏控貽累。不准併飭。

批何元德呈詞

劉得功初八日一呈。不提前案。朦朧具控。殊屬不合。查十四年劉得功之祖炳文。以欺東挾霸等情。告爾到案。委員訊明。令爾及王盛兒交帳出舖。旋據劉炳文稱。爾與爾丈人种喜。串通捏帳。扭股把持。雖經前縣批駁。究未具結銷案。查爾領做劉姓醬園生意。未及一載。歇業關門。而卽在其對門。另立醬園一座。嫌疑之際。謂非暗移劉東家具貨物。其誰信之。案既票傳。候添喚李乾盛种喜到案併究。

批原差馬升稟

兩墳之間。爲地有幾。他人既恐傷墳。任荒不種。李得元獨無人心乎。何以偏偏

要種。着勒令李得元。將中間一縷依舊留出。不准耕犁。致傷墳脈。如違責押不貸。

批薛樹德呈詞

爾獲賊而不送官。自用鞋底擊打。以致王滿良發瘋大鬧。無論真瘋假瘋。既係瘋子打人。那管老少。而爾外甥趙作有。竟推其七旬祖母上前。與瘋子交戰。實屬糊塗昏謬。惟王滿良如係真瘋。自應逢人亂打。何以專在趙作有一家糟踐。是粧瘋洩忿。亦屬顯然。候驗傷喚案。分別究懲。

批王永清呈詞

爾在天成粟店放麥三石。定價每斗九百二十文。牙人李三。硬行作主。每斗減價十八文。耀去。事後即屈允。已不近情。而又不給麥錢。遲之久而後將錢招兌。與推車之王大漢。王大漢亦不給錢。遲之又久而後招兌。與姜元統。爾賣麥時。

既已本中折本。及要錢時。又復灣上轉灣。爾亦聽入支使。毫不爭執。及今大漢潛逃。老姜反臉。始經人圍管。令伊還一半。爾讓一半。核其情事。李三姜姓。王大漢。何其橫霸。爾何其愚懦。管事人何其偏袒。種種無情無理。膽敢呈控。現據姜姓以拾害逞凶等情。控爾到案。業准喚究。候訊明嚴懲。

批姜元統呈詞

據稱王永清欠爾豌豆錢八串餘文。將王大漢欠伊之十八串錢招兌給爾。除扣收欠帳外。餘錢記存。爾彼時即應令其將王大漢喚到同面兌明。方爲確實。乃王大漢並未見面。永清突於事後訛索記錢。恃酒凶鬧。在永清無賴之尤。事所時有。天成店與爾同行買賣。何亦助桀爲虐。所呈殊難盡信。詞稱爾夥屈姓受傷。姑驗明喚究。

批孫成稟詞

薛茹兩家涉訟。與爾等何干。往來一月有餘。爲之圈管。本縣查知爾等從中詐錢六十串。實屬無法無天。試問房班得錢十三串之外。下餘之錢。作何用度。李忠恕本係遞籍革書。乃潛匿省城。專以指官撞騙爲事。孫成身充鄉約。而亦通同作弊。遇事生風。若不嚴懲。良民受害。伊於何底。前日委員堂訊。限令繳出贓款。爾二人已經具結。忽於事後捏詞詭推。希圖脫騙。輒稱爾等管事先已墊錢十八串文。天下那有如此好人。既有此事。前堂何不供出。甘心具結繳贓。似此奸狡百出。萬難寬縱。着原差馬魁協同南路捕頭屈喜。將李忠恕孫成鎖拿來案。聽候親訊懲辦。

批革書郭寶珠稟詞

此案去年經前任訊明。崔仙洲作證。爾欠銀屬實。斷令銀還。迄今將及一年。任抗延。猶敢捏情瀆稟。爾既知劉繩武不孝。與之絕交。何又屢次向其告借。至稱伊嘗用爾銀六兩。立有親筆字據。去年過堂時。何不呈驗。所稟種種支離。爾

以房書舞弊被革。不知斂跡。猶敢肆其矯誣。實屬膽妄。候集案訊懲。再查此案。正月出稟。三月劉姓稟催。而原差邱才臥票不理。亦無隻字稟案。實屬蠹役之尤。邱才卽日示革。此案改差馮喜速集送審。

批毋升稟詞

此案僅有四人。任裁縫尙富槐均係要被。此兩人不到。則仍止一原一被過堂。仰將任裁縫卽日鎖拿來案。尙身爲總役。此等小案。傳喚不來。愧乎不愧。如兩日內任姓不到。定卽重責降罪勿悔。

批吏房褚世榮息詞

所處甚當。古人云。一死一生。乃見交情。秦氏夫故乏嗣。同房辦公者。自應管顧。但秦氏不應訛鬧耳。此後准如所稟。量予津貼。卽行銷案可也。

批李忠恕懇詞

爾存心不良。自貽咎累。先遭天譴。復受官刑。本應枷杖遞籍。姑念爾家難方殷。不爲已甚。着俟明日隨堂疏枷保釋。限一月內搬回臨潼。勿許逗遛滋事。所繳之錢。着茹義豐來案具領可也。

批孫作良呈

本縣於無良無恥奸險詐僞之民。亦可謂盡法懲治矣。時清春何人。膽敢在本縣治下。離人骨肉。謀人產業。如果所呈。恨不立即杖斃。候一面喚究。一面仰爾叔孫紹成明白稟晰候奪。

批鄭學賢呈詞

濱河灘地。與水旱田畝不同。負鹽者由船登岸。豈得不留一條出路至卸鹽碼頭。頭隨時變易。亦是常情。豈得責令定泊老岸。况爾等種地。亦不宜種至水邊。若禾稼與水相連。水漲卽淹。徒然損人而不利己。今由本縣酌斷。瀕河三丈以內。

准作挖鹽出路。三丈以外，不准踐踏，仰卽遵諭奉行。勿再紛爭取咎。此飭。

批王劉氏呈詞

爾既在城乞食。何又能延請訟師作此呈詞。此案前已驗明。因王五元在逃未獲。未卽斷結。查爾媳之死。死於王五家。並非死於祧萬利家。爾等因王貧姚富。王去姚存。遂欲姚萬利出錢了事。此妄想也。爾媳氣忿輕生。置衰姑幼子於不顧。實屬不孝不慈。死由自盡。與人何尤。姑候萬利尋獲五元到案之日。秉公斷結可也。

批蔡傑亮呈詞

爾兄以異姓承嗣。已屬不合。爾兄已故。並非承繼之人。輒得爾外祖之業。無怪牛姓族人涎業謀逐也。爾外祖何年身故。爾兄弟經管幾年。爾兄又何年身故。有無嫂姪。房地在爾手內。諒非一朝一夕。牛智法何以早不說話。着逐一明白。

稟覆候奪。

批徐正煥呈詞

爾父前在徐桂芬之一畝二分地內。借取三分。作爲場面。嗣遂欲將徐振常所讓之六分地與之兌換。自十五年興訟以後。因徐桂芬回話不清。蒙混斷結。爾父子既將桂芬之一畝二分水地。硬佔六分。又將頂低之六分地。硬佔一半。爾六分地變作九分。欺人太甚。不講天良。本縣驗明地圖。斷令各經各業。爾父子照契耕種。牛蘭所賣六分之地。其原借之場面地畝。退給徐桂芬管業。今據呈稱。爾父僅呈出讓地六分之契。尙有夥買六分地之合同。不知本縣早已訊明。牛蘭之六分地。先夥買。後情讓。本係一事。爾乃分作兩起。希圖影射。實屬狡滑已極。候覆集訊懲。

批劉芝蘭呈詞

謀館不得，卽向本縣求充代書，可謂奇怪。本縣案下，代書若寫呈欠通，或情詞失實，均須挨打，爾乃教書先生，豈宜爲此，所請應毋庸議。

批尙德呈詞

戊辰年黃前縣任內之案，迄今二十五年，原告則二子俱故，被告則其父早亡，覽卷愀然，准予喚訊察斷可也。

批復盛和呈詞

爾等以香蠟鋪查炭廠之事，誠然隔行，然苟有百數十萬之炭積存該廠，自必共見共聞，曹老七稟請保甲局提案追繳充公，此豈空言無據之事，爾等旣爲伊作保，何不詢明曹七，將黨姓私抽之炭，指證明確，本縣豈惟寬曹七之罪，並且賞曹七之功，如果信口胡言，希圖誣控洩忿，亦不妨白認妄言，並無此事，本縣忠厚待人，不爲己甚，亦必曲予寬容，若欲以顛預之詞，朦朧保釋，以爲各炭

鋪覆控地步。爾等抬頭。試看本縣豈上當者耶。總之曹七等在保甲局所控抽炭數十萬斤。或有或無。說一句明白話來。爾等說得明白。本縣亦斷得爽快。卽速稟覆候奪。

批李榮春稟詞

徐毓坤既因案被革。何又能詭留監照。攪亂里局。似此等無恥棍徒。皆因爾等平日碰面容留。以致肆無忌憚。着捕頭卽日持籤前往里局。將徐毓坤傳案管押候訊。勿任逃遁。

批邢連記呈詞

爾前呈批准驗喚。延今日。未見傷單。是所稱凶毆。已不足信。而猶以被告漏網爲詞。本縣每核票稿。喚否自有權衡。豈能由爾支使。不准。併飭該原告母子。是否受傷。速驗具覆。

批陞慶店懇詞

李新全該欠爾等血本錢文。爾等自應理討。討而不還。憑人說話可也。來縣控訴亦可也。何以甘負搶奪之名。收此破爛之貨。其橫可恨。其愚更可恨。前堂薄責。輒枷。因爾等商賈無知。從寬示儆。茲據呈懇。姑准取具妥保。出押交還各物。如李新全自願以貨抵債。本縣亦不勒交也。着原差經管照批遵行。

批蘇壽武呈詞

馬丁氏再離於爾。節經爾養其子女。葬埋其姑。此事想必屬實。然以故絕之家。由爾外人出錢。理所費能有幾何。乃竟胡亂開消。聲稱一共用去五百餘串。爾雖財多如海。何能如此胡花。明係捏造空帳。意欲謀騙馬家十餘畝田地。居心行事。陰險已極。况帶養人家子女。卒致其人禪祀絕滅。而猶圖人產業。鬼神有知。其能令爾安享耶。候集案訊斷懲處。

批郭天舍呈詞

敬神演戲，非辦公也。公送戲台材料，究非公事可比。郭永吉弟兄二人，不送戲台，卽被稟控，究竟應辦何罪。本縣實所不知。仰卽自行婉勸郭姓出錢運送，勿得牽訟切切。

批李昭春呈詞

本縣於土客相爭之事，最能持平。凡客民刁劣，土著被欺，本縣必痛加繩治。甚或驅逐回籍。此客民陳志遠，向與土著張元智，看守樹株佃住其房。去年樹爲王禿子所竊，訟於焦前縣案下，斷令張元智弟兄三人，將所借陳志遠錢文，一併還清。陳致遠另搬房屋，具結在案。乃張元智欠款雖清，心懷不平。又因陳志遠，以客民來此數年，增地將及一頃，尤懷妬嫉。遂因陳志遠新蓋豬圈，賴稱伐伊柳樹，投知何生輝、張德智等，尋向陳智遠議罰大戲一台。夫使偷樹果真，亦

應稟官懲究，不得私自議罰。今猪圈木料，是否卽張元智柳樹，並未根究明確。輒行罰錢，何以服人。因陳志遠不服，輒卽縱令村人張得羣等，各持器械，打入陳家，幾致該母子自戕墮命。此等風氣，若不懲創，將來釀禍何窮。是以本縣將張元智等暫押，俟傳張德羣等到案澈究。茲據懇息前來，自爲省事起見，姑准息銷。惟了案以後，倘再以主欺客，致釀事端，惟爾等是問。張元智等仍候隨堂薄責訓釋可也。結存。

批抱告王連陞稟詞

爾主自不小心，將箱篋概留城外，自己宿於城內。次早回店，箱上之鎖如故，而衣物已失多件，情節不無可疑。然竟指爲店主所偷，有誰見證。况出店之時，並未開箱逐件點交。此番失物，安知非未投店以前被人竊去耶。本縣身爲民牧，稟報竊案，誼無不准。惟請將該店東夥一併提案嚴追，殊屬荒謬已極。爾主在店失物，卽請追店主。若在衙署失物，必請追東家矣。語云：捉賊見賊，究竟你的

師爺。着見店家偷竊否。着明白稟復。此稟不准。

批總役李才稟

准其除卯。宋德在班年久。現經身故。家中有無子孫。着李才稟復。再李才所稟牛篤信一案。至今未送。亦不稟復。殊不可解。亦着當堂回話。

批李才稟

本縣初意。若宋德有子在班。卽予入卯。今旣稱貿易營生。卽無庸議。昨批飭二事。何以僅復其一。牛篤信一案。何日送審。着再稟復。

批天興順稟詞

錢鋪屢屢倒閉。大爲地方之害。是以本兩縣面稟列憲。飭爾錢行連環具保有保結者。官爲作主。榜示軍民。無保結者。若民間在其鋪內換取錢票。一經倒閉。

乃是伊戚自貽。本兩縣概不管理。如是則所有生意。盡歸出結之家。民間不致吃虧。儲錢行愈加獲利。豈非彼此有益。而猶恐差傳過堂。致滋擾累。特令錢行頭傳集十二家香長。在三晉會館面諭各情。本兩縣體恤商情。自謂對得爾住。當由各香長稟稱回鋪商議。初二回話等語。延今十日。乃以此等糊塗草率之詞。搪塞稟案。世間不識好歹之人。有如爾等者乎。本兩縣既經回明上憲。創辦此事。勢在必行。詎禁中止。候差傳各香長及所有錢行出票之家。一併來案聽候堂諭飭遵。該房速具稟稿印行。

批徐毓坤稟詞

據稱竇榮坤等在局舞弊。爾以公正惹嫌等語。果如所言。邑中正紳不少。何無一人說話。獨爾以革監出頭。查爾光緒七年。糾衆阻鬧縣倉。經前撫憲馮嚴批斥革。當時卽因事不干己。刁狀枉告。致罹譴責。前鑒非遙。現又無符可恃。仍敢擅鬧里局。實屬怙惡不悛。大爲民害。是與籤喚管押。茲據稟陳各節。卽使句句

皆真。與爾有何干涉。而况無憑無證。肆意爾言。爾當貢監已革之後。猶敢如此多事。不知當日獲符在身。如何跋扈。似此猖狂無恥。猶復強附斯文。自稱佾生。試問貢監俱革。佾生算甚官銜也。想借此搪門抵戶。俟過堂之日。先行答責。再問本案。

批原差李升稟詞

先將傅蘊熙送審。一面移文味經書院。查取余炳麟。卽余作哲又名余藻。是否在涇。如係虛言。足見情虛畏審。卽移學查取年貌斥革衣頂。以警刁劣。此飭。

批蘇壽武呈詞

馬秋分一娃娃耳。搭學讀書。何至用錢八十串。藥費棺木。何至用錢一百一十餘串。秋分之妹病故。又何至用錢八十串。一誑帳屢次瀆陳。有何益處。候集案懲處。

批王生財懇詞

爾包做橋工未成而罷。反將趙勤積等誣控府轅。捏稱欠爾工錢。奪爾椽槓。經本縣查明。爾使用工錢。有贏無絀。器具存堵女壽家。並未借用。修橋時在工多人。食用油麵等物。全係賒賬。事後均係趙勤積等代爾清還。爾前堂猶敢信口狡譎。是以本縣諭令中被人等。將收錢各鋪戶喚到質明。使爾無話可說。然後痛加扑責。茲據悔懇前來。本縣生平最恨刁狡之輩。然極能容悔過之人。此案姑准息銷。若出具永不翻控甘結存案。如再翻控逞刁。惟有打煞而已。

批方流女子呈詞

方陳氏所得絕業。係代還絕戶之帳。是以業歸於彼。族衆無言。今爾受方振江等唆使。硬行索還。是方陳氏自還欠項。而爾坐收絕產。有是理乎。前堂委主。念爾貧苦。婉勸方陳氏量撥莊基地畝。俾爾糊口。乃格外垂憐。乃因分撥稍遲。輒

又興訟實屬不知好歹。若自央胡應長等向方陳氏婉勸撥交。此呈不准。

批張朱氏呈詞

爾姪張家麟。借其子宗兒過繼爾已故之子爲名。將爾家產分去大半。二女係爾親生。僅共得土房一院。情殊可憐。而猶慮及張家麟異日生變。懇請立案前來。世間無兒之苦。一至於此。可爲嘆息。此稟着准其發房存案。萬一將來張家麟欺訛爾女。准其來案指控。定將宗兒離異歸宗。另立賢嗣。以爲貪財昧良者戒。如其無事。此稟備而不可用也。

批郭永鳳稟詞

所稟民瘼攸關。自應准其查算。並借取長安里局每月出入帳簿逐細查對。以昭核實。惟事關縣脂膏。何以獨該武舉等六人出頭說話。應會同六十六里紳耆素有聲望者。公同赴局。秉公商酌。方足饜人望而服人心。今翟鳳裕等以

小小童生竟爾聯名遞稟。欲行查算。爾等後生小子。並不讀書上進。輒欲干預。局內錢。萬一能存一符。更不知如何多事。現值該局結帳之時。着局總李榮。等請同邑中。輩如孫紳。燕澧。陳紳。銘揚等。素爲本縣所敬禮者。依照該武。童重生所稟各節。逐細鈎稽。務期剔除弊端。斟酌盡善。覆候核奪。爲童生者。不准干預。此飭。

批路先登稟

據稱同章倉糧出放人工日食。准在息糧項下動用。今年該生仍以存麥五石。交王宗福。變價開銷。竟爲賭棍路培堂等奪去。如果屬實。何不早爲控究。至稱該倉原派一百五十石。因爾師王仲章徇情減少。僅收百二十石零。倉務係該生專責。乃因迫於師命。任聽各戶短交。是徇私情而害公事。何怪人嘖有煩言。耶。着候集訊實究。

批李樂善稟餉

據稟頗見俠腸。張玉及張明福又名張良卿。着即日拘究。以釋衆怒。

批唐瑞琳呈詞

接閱呈詞。不禁髮指。張玉離人骨肉。復肆搥毆。猶敢砌詞來案瀆控。本縣察其支離。批候查驗。茲據呈控。中證具存。候即日喚案嚴究。

批張明福卽張良卿呈詞

唐劉氏係爾姨祖。其子瑞琳不孝。首送可也。何必請爾訓飭。爾在唐家代人訓子。如果瑞琳不服。當面爭鬧可也。何以爾尙在伊家未回。瑞琳卽出外糾人。將爾子欄路凶毆。爾在車家巷回家。並無多路。何須爾子往接。所呈種種支離。姑候驗傷再奪。

批黃仁貴訴詞

據訴已悉。所貴乎添喚者。取其能證明此案也。黃自盈與原告黃自和同胞兄弟。上堂取供。自必兩詞如一。爾之請添。但圖拖累。無關案情。不准。

批鄭繩武呈詞

所呈糊塗已極。爾有猪十一頭。共價一百八十四串。賣給張屠。劉全益即於十一隻之內。挑去大猪一只。作價十六串。是張屠應交錢一百六十八串。該屠如不情願。不許挑買可也。何以准其挑買。輒又短給錢文。來呈但稱抗給大猪之價。查大猪爲劉姓所買。只可向劉姓要錢。何以云彼此推抗。着明白稟覆候奪。

批曹七稟詞

爾既具悔呈。自認懷疑妄控。而又謂辛卯正科。黨振海仍陸續抽炭。陸續消售。則是兩屆科場。各行具免。獨爾炭行不免。黨振海何能如是大膽。爾炭鋪數十百家。何竟甘受其欺。究竟抽炭若干。售錢肥己若干。此可查算而得者也。着再

會同王同心周全順等。算清私抽炭帳。每鋪每月各出炭若干。數年之內。共抽若干。但須確實有據。係假稱科場抽收者。明白稟復。本縣審訊得實。定將黨振海斥革嚴辦。如仍係隨口妄指。毫無憑據。爾其凜之。本日將曹七提出面問一切。

批耶任氏呈詞

招夫養姑。本屬無理之事。據稱爾夫耶正全被賊擄去。奉爾姑之命。邀同親族。招王志魁爲夫。迄今二十餘年。忽於此月初十日。被無服族人耶正彥強割秋禾。刀傷王志魁脖項等語。查爾已嫁王志魁。不惟志魁係屬外人。卽爾亦不得爲耶家之婦。而乃住耶氏之房。種耶氏之地。本事之不平者也。爭田被毆。不爲無因。現據耶興泰呈控前來。姑候驗喚察訊。

批耶興泰呈詞

任氏呈稱伊夫被擄。子又夭傷。乃奉姑命。招配王志魁等語。茲據稱志魁入門。爾堂弟淋雨兒尙在。被其折磨逃死。如果屬實。太無天理。但志魁誘佔任氏。霸奪耶氏產業。已經二十餘年。其進門之始。爾堂叔祖母尙在。何以早不斥阻。直到於今。始以平墳霸業具控。何其晚也。任氏控爾刃傷其夫。是否屬實。候勘喚訊究。

批邊葆謙稟詞

此案迭據唐瑞琳李樂善呈控到案。業准喚訊懲究。查瑞琳遭人倫之變。命在須臾。若非爾仗義執言。幾致釀成鉅案。彼時仁心勃發。原無納交要譽之心。然有此陰功。決其必登黃榜。本縣深爲嘉悅。至此案癥結。業已洞明。不日集訊。自有明斷。仰該差迅速送審。以快人心。

批薛林桂呈詞

此案王炳麻萬貴爭地互控。爾與薛榮係屬同胞兄弟。兄幫王炳。弟幫萬貴。已覺離奇。現據爾胞兄薛榮呈稱。爾年幼無知。被麻萬貴勾通串稟等語。茲據覆稟。詞益支離。薛榮云將爾喚回管教。爾已認錯。然則此稟又從何來。豈麻萬貴等所爲耶。候查明懲處。

批陳濤稟詞

昨日十二村鄉約聯名具稟。爲路先登訴冤。今日十二村鄉約。又聯名具稟。稱路先登可惡。各說各話。何所適從。姑候集訊察奪。

批劉德禮呈詞

昨據王悅仁呈稱。爾弟於五月朔刀傷其子王福來。賄和寢事。八月十六日。伊妻往爾家催令醫傷。被爾等抓傷陰戶。血流兩腿。復以辣麵塗之。此等非刑。孫皓赫運勃勃之所不爲也。昨已疑其不實。批飭驗傷訊究。茲據互控。孰實孰虛。

候一併驗訊察奪。

批薛榮晰詞

此一案。前則兩村結怨。今又同室操戈。可爲嘆息。候覆訊分別嚴懲。

批原差楊升稟

所爭不過一串也。值得打場官司。着處令敬元堂將帳勾消。以爲不必再請丁明山看病。

批抱告席升稟

據稱李榮到鳳翔經廳署中。詐稱爲爾主詹經歷買騾。需二八錢四十餘串。適值爾主出門拜客。遂由爾等將存署公款錢。如數撥付等語。所稟殊屬荒謬。爾等朝夕伺候。主人買騾與否。豈有不知之理。明明未買。而竟撥給騾價。情理所

無。况拜客不過片刻卽歸。何妨等爾主回署請示。乃竟急不可待。立時撥兌。亦屬情理所無。公項錢文。存放何處。何以爾等要撥就撥。爾主回來。並不告知。直待數日以後。爾主自行查出不依。爾等始代爲作保。况李榮撞騙公項。累爾受責。理應恨之怨之。不應保之。且李榮旣騙於前。何難再騙於後。爾等撥錢已誤。作保更誤。所稟太覺不情。至稱撞門入室。毆爾成傷。摔毀器物。姑候驗明察奪。

批孫甲祿息詞

本縣出票拘拿不孝之人。而閻永渠膽敢糾人毆差奪犯。此何等罪。而爾等敢於處息。實屬無法無天。同惡相濟。利息不准。違結擲還。仍一面勒拘單金德韓居居等到案重責不貸。

批張泉呈詞

爾弟張玉住居掛麵營杜姓院內。其妻歸寧。張玉現在。不患無人居守。何必將

家具衣物搬至孔尼姑廟內。如果寄物屬實，又有趙阿婆知證，爾弟死後，爾理應往取。知尼姑竊亂，儘可理直氣壯，與之爭論。何以屢次央人婉說，若甚怕此尼姑也者。况爾弟媳係原來寄物之人，何不身自往索。所呈殊不可解。姑候飭差協同原管鄉約查明理處具覆。

批楊王氏呈詞

據稱爾於同法九年，出錢十串，與爾姪楊逢春夥賣烟棒。楊逢春知其有利，令爾勿管。爾雖不管，每年利息，爾不要則不付，向討則少付。爾亦不說話。近數年來，索性一文不付。爾亦遠隱忍數年，仍不說話。直待伊年年砍伐墳樹，不准爾用。爾始併案控告。何其遲也。再查兩家合本不過二十串錢，輒稱楊逢春買田頃餘，起房三院，皆鱗吞烟棒餘利所致。尤不近情。姑候飭差協約查明稟覆候奪。

批總捕蘇興稟詞

該賊鎖押候訊。該役等各記功一次。凡兩次記功者。頭役則提前三名。如向在第十者。升爲第七。散役則准其入卯。以示鼓勵。若破獲本縣及鄰封巨案。由本縣捐廉給賞。該房知照。

批李榮春息詞

此事本縣早已洞悉。係余作哲卽余炳麟又名余藻一人從中播弄所致。現既經該生等懇息。傳有常馬天祥均着勿庸質審。惟余作哲悖師務訟。舞弊抗傳。爲害閭閻。有玷黌校。候卽日詳請斥革。以爲不守臥碑者戒。結存。

批王璜呈詞

大凡當賣房業。皆一面成券。一面交銀。價銀交足。然後令其營業。周任氏等以二百金當爾住房。賺契到手。僅給十兩而止。究竟爾之住宅。現在誰手。未據聲明。如果彼未交銀。爾先交房。爾似不至如此糊塗大意。如彼僅持空契。而爾並

未賸房。則尙並無吃虧之處。何必告狀。着明白稟覆候奪。

批周之翰呈詞

爾與周克讓同堂兄弟。因賣墳樹興訟。已將爾弟克讓答責示儆。斷令交爾樹價一半。並令買主香紙祭墳。業經具結完案。而爾猶以爲未足。必欲將周克讓拖累案下。爾既讀書明理。豈不知君子不爲己甚。施之路人且不可。况同堂共祖之人乎。據稱克讓下堂後。卽將爾侮罵毆打。如果屬實。何又肯具結畫押。前日本縣堂諭。渠若抗不交錢。准爾覆稟喚比。今乃甫具遵結。旋肇訟端。試問克讓賣樹之罪。業已答責。爾還要將他怎樣。伊本窮極無賴。爾必欲其當下交錢。豈惟勢所難能。且恐逼出他事。卽安分回家。着原差傳諭周克讓遵斷了結。倘再令母妻胡鬧。提案重懲不貸。

批白友元等稟詞

據稟已悉。所擬局章五條。亦甚妥適。候卽日張貼局門。永遠遵照辦理。徐毓坤既知悔過。又經該紳等公同具保。似猶可與爲善。着卽銷案開釋可也。結存。

批馬票氏呈詞

鄧彪傷痕。本縣業已驗明。實係下器毆打。並非自撞。查前次爾表叔文得勝。與劉桂元在縣質審。余委主諭令將節年帳簿呈案。聽候查閱。乃於原差鄧彪持票傳喚之時。文得勝膽敢毆差撕票。實屬無法無天。及本縣簽差拘訊。復又澆爾同鄉官前來請託。爾丈夫不過是一無賴少年。有何聲勢。而其表叔丈人。竟敢毆差抗傳。偷人人效尤。本縣從此不必出票矣。此案着勒限三日。傳文得勝到案質究。以遏貌玩之風。兼絕請託之路。本縣鐵面無私。其在案內者。凜之慎之。其案外無干。好說人情者。尤宜凜之慎之。此飭。

批巡役陳升稟詞

據稱該廟棺罩被竊。既然只有兩副棺材。何以有五個棺罩。且本縣亦未見報單。難保非該役妄言。姑候該失主稟報再奪。

批胡楊氏呈詞

省城重地。那有此等事情。紅牛與爾隣居。欠爾錢文不還。反半夜撞門。將爾同院婦人擄。走說得太不近情。同院婦人是何姓氏。有無夫男。擄往何處。何無一人喊控。來詞既不遵式。又不列抱礙難准理。姑着本坊鄉約查明稟覆候奪。

批西盛昌呈詞

此案緊要關鍵。在已卯科場免行以後。是否爾炭牙尙抽支科之炭。其未免之前。多抽若干。既免以後。少抽若干。此有一定者也。着兩造將已卯前三年後三年各帳簿檢齊呈案。發房核對。分別粘籤。開單呈閱。以憑訊斷勿延。

批崔義成呈詞

有人幫爾作此呈詞。爾非孤懦可知。白友娃既然知懼。肯出錢麥。其非十分橫暴可知。據稱爾已了之事。因本縣查票出得不是。以致白友娃翻悔。然則爾何苦前來告狀耶。候質勿瀆。

批趙魁等息詞

天下可憐人。無過於無日者。張雙鳳賃住張瞎子之房。抗不給租。實屬昧良欺瞽。可恨已極。今經爾等處息。雖保後來不復抗騙。本縣之意。總以另招房客。追交欠租爲是。仰卽傳諭張雙鳳。如再欺負瞎子。提案重責管押不貸。

批原差杜奎稟詞

前因李含輝稟詞草率。令人看不明白。是以令爾往查。今閱來稟。草率尤甚。所稱現有分書。書中何語。各執一詞。所執何詞。李含輝向在何處。何日回來。其庭房究係何人之業。一味顛預籠統。實屬糊塗已極。此案着改差趙太照依指駁。

各節。詳細查明稟覆候奪。杜奎如此無用。着銷去總捕名目。停票一月示儆。

批余宋氏懇詞

爾子余炳麟。係本縣兼署長安時縣試取進之人。乃自入學以來。甚不自愛。健訟詭人。實屬青衿之蠹。據稱因避王莊臨之禍。致貽抗傳之愆。爾子豈畏王莊臨者耶。近來莊臨老矣。無足深求。爾子年少忘爲。若充極其量。其惡甚莊臨十倍。本縣之詳革爾子。不過奪其所恃。使不敢恣意妄行。則無甚大之愆。自不致有甚奇之禍。正是成全爾子之意。茲據該氏懇恩前來。姑將詳稿緩行。存卷待發。萬一將來再滋事端。或被告訐。卽不必另查年貌。立即褫革。凜之凜之。

批札郎阿稟詞

此房在該馬甲先世。卽已迷失。每月與爾撥給地基錢二串八百文。銀三錢。多年相安無異。直至今年興訟。以後經鄉約等從中說話。以兩造各執一詞。雖有

契約別無中證。且皆係乃祖乃父遠年之事。無從定斷。處令照舊各收各租。到案後。屢經訪查研訊。仍無確據。在該馬甲誠非訛賴之人。然魚李兩家。食利數世。驟奪其業。情豈能甘。是以本縣再三開導。斷令照舊收租三年。以補魚李兩家歷年修理之費。三年以後。業歸爾得。不與魚李兩家相干。自謂從權判斷之中。實具苦心調停之意。兩造俱已具結。以爲此事可了矣。乃月餘以後。復以倭姓不允爲詞。意欲魚李兩家立時退業。此則本縣所不識也。查此房迷失數十年。爾並不知。而堂斷三年。爾竟急不可待。况三年之中。仍然有租可收。並非一無所得。仰卽遵照前斷。寢息訟端。所懇覆訊之處。應不准行。

批陳景堂呈詞

大凡夤夜抬門者。或姦或盜。必有所圖。趙禿娃將爾大門抬開。丟上幾塊石頭。在爾院內。不惟毫無道理。抑亦太無趣味。所呈殊不近情。恐有挾嫌牽累情事。不准。

批何大賓等息詞

胞姪與胞叔。竟敢互相揪打。彼此受傷。實屬十名犯義。法所難容。既經稟喚。豈有息之理。來呈殊不懂事。候本縣查明懲處。原稟暫銷。

批福順祥呈詞

此案關鍵。不外算清帳目。秉公核斷。查馬恆等前次曾在保甲局遞稟。此次算帳。非有公正紳士。眼同核對。不足以示大公。着原差押同兩造前赴該局。會同局紳調齊已卯科前後三年帳簿。悉心核算明白。開單呈案。以憑斷結。切切。

批耿萬傑呈詞

爾與郭老二郎。勇至賊。光緒三年。爾借給麥粉兩石。理之當然。迄今十有六年。忽以索討犯言。具控到案。從前美意。今反成仇。至親不宜如此。姑候飭差協約。

詢明劉自純。如果實有借麥情事。着令郭老二酌量清還。勿庸傳喚滋累。

批黃元豐呈詞

李兌懇喚爾子。爾又懇免喚爾子。添喚伊母。試問伊母上堂。助爾乎。助其子乎。兩造均屬挾私逞忿。可恨之至。候集質究懲。

批楊陳氏卽金陳氏呈詞

楊升業已革役。並非有錢不給。金升是爾親生。爾不要伊養贍。惟一味訛定。故夫前房之子。迫令出錢。否則訛定縣官爲爾斷案。此等貪潑之婦。實屬可恨已極。着斂跡回家。隨同金升過度。倘再恃婦妄爲。定提金升重責不貸。

批糧差陳升稟詞

毋升旣革。何以能霸局糧事。該役未革以前。爾已甘心墊賠。乃於旣革以後。爲

人井下石之計。實屬無良已極。從前之事。着不必追究。從今以後。該里之糧。歸爾催。如果毋升插管。准其扭稟懲究。

批紀興福呈詞

昨據紀大元控稱該民間設油房。業與村衆商明安樑設碾。突被李振潭等率衆阻擋。截斷油樑等語。如果油樑礙村脈。禁阻可也。竟將其油樑毀壞。是何居心。候勘明分別懲究。

批復興周等稟詞

新成合等既已將帳墊齊。多一事不如省一事。應卽免其稟喚。但稱公估局漏寫帳項。係屬相公筆誤。並非該鋪舞弊。此言其將誰欺。試問苟無弊端。則爾等議罰者何事。伊等墊齊者何項乎。新成合全盛祥。着卽交卸公估局事。以後永遠不准該二鋪管理。以儆效尤。卽示諭各錢行知之。

批札郎阿稟詞

據稟。願將魚李兩家三年租銀立時墊付。以免異日訛賴。具見慮忠深遠。作事爽快。深屬可嘉。仰該房核明魚李兩姓每月各收租若干。三年共應得租若干。限三日開單稟覆候奪。

批姚劉氏呈詞

楊大護刃斃爾夫。其子楊坤柱並未在場。楊大護平日寵妾滅妻。將坤柱母子趕出在外。乃因大護逃逸。遂將坤柱管押七年之久。此暗無天日之事也。本縣回明層憲。將坤柱保釋。仍將刁唆大護凶鬧之妾室童氏管押官媒。大護若回。定卽拿案問抵。卽終久不獲。亦有楊童氏在此項案。何必冤枉楊坤柱乎。仰卽斂跡回村。勿再嘵瀆干咎。

批咸陽五經博士姬柄稟詞

姬柄因聚衆抗糧提府審訊密押縣廳

案山上發，恩自上出，本縣不管。

批趙城壁量詞

道光十五年之債，事隔五十餘年，人隔三世，始行控討，實屬遲延已極。楊榮蔭既肯交錢五十串，此亦便宜之至，而爾猶不抽約，意欲按年算利，則本利需錢七百餘串，楊姓豈肯持出。本縣豈能斷給，卽卽尋回原官，照前次所處，交錢五十串抽約了事，勿得貪妄滋累，此飭。

批糧差趙金稟詞

准其喚究，惟國家正供，任其歷年抗納，爲糧差者甘心賠墊，雖有截票，亦不請追，恐無此等情理。近來差稟，總將百姓說得凶惡萬狀，本縣豈能聽爾一面之詞乎。此飭。

批原差劉枝稟

爾謂毋三益扯票，毋二益又說爾自己扯票，事無見證，姑緩究追，仰將全案人證限三日內先行送審。本縣一見，自然明白。

批鄭登雲稟詞

爾錢既交案，管他領與不領，爾亦可謂好遞稟帖矣。着斂跡回家，勿再嘵嘵。

批查清琮呈詞

藍田傳喚之人，與本縣何干。爾既已將人找着，又有保人可問，何以懇我施恩作主。試問所施何恩，所作何主。似此無緣無故，來案尋事，實屬荒謬已極。不准。

批姬柄稟詞

爾有稟詞，何處不可呈遞。偏偏尋着本縣，試問爾咸陽案件，與我何干。仍不准。

批趙永科呈詞

爾既借銀屬實，何所謂誣。劉振漢等截傷猪隻，以致打架涉訟，累由自取，何謂無辜。案經復控批准親訊，着卽候質勿瀆。

批富商劉德勝等公稟

卷查各該富商領運各公款銀兩至十三萬之多，誠宜停止續發。以恤商困，經前藩憲陶批，准所有續發款項一律改發鄰封，自應遵照辦理。惟此次已故中衡常宅貪贖銀八百兩，事屬孤寡待哺之資，若發給鄰封，未免取攜不便。是以本兩縣從權勸導，名爲領運，實則暗積陰功。其續發候審所之本銀三百兩，准卽停發。候本縣援據前案稟請改發鄰封，至前已領運候審所銀兩，着卽照常生息，勿庸提出七百之數，轉干駁節。總之，該商只要停止後來，不必推辭前項。其領運常宅一款，只此一遺，後不爲例。案經本縣批定，該商等放心可也。

批車潘氏懇詞

查閱全卷。爾將寇劉氏之媳寇孟氏誘匿爾家。被寇劉氏尋見具控。爾亦以無故滋害。告孟老二到案。當構訟之始。孟氏固儼然在爾家中也。若遇本縣審理此案。立將爾及孟氏傳到訊明後。將孟氏交其姑劉氏領回。自然無事。乃前縣不傳孟氏。連過數堂。要爾及于占熬。自將孟氏交出。爾窺前縣可欺。竟於興訟以後。將孟氏得財嫁賣。至今不知去向。閱卷至此。令人焦憤。嗣經前任斷銀三十兩。交寇劉氏另聘媳婦。而爾挺抗年餘。尙餘一半未交。前因嫁女覓保出押。本縣予限十日。今已將兩月。輒思捏病倖免。試問爾之女兒女婿。美滿成雙。人家的兒子媳婦。死生永訣。良心何在。天理何容。着原差即日帶案聽究。如延重比。

批李選青稟詞

爾冒充生員。出題考試。兩日不能交卷。可醜已極。茲據懇稱。所控各情。情甘不究。請卽銷案等語。此案爾於爾姪孫李甲午扶柩回籍數月以後。突然具控。新

太和等有李姓銀五百餘兩。如有此事。爾到省之時。卽應向問。何以將布疋家具。與新太和等攤抵欠帳。并令甲午向各處叩頭承情。承情以後。輒復翻控。其爲賄串裴治作證。托幫。顯而易見。本應嚴懲。誣控。姑念悔懇前來。從寬准其具結釋放。如再訛詐無恥。定卽重責。遞籍不貸。

批孫雲錦稟詞

此案前堂諭令兩造同赴里局。會同公正紳耆。查算明確。再爲復訊。乃延今兩月。杳無回音。以本縣揣之。必係路先登實有虧空。各該紳礙於情面。難於稟覆。而路先登亦欲以拖延爲了事。現在糧已出易。俟收回之日。暗中加派。便可彌補於無形。該倉紳身爲鄉老。宜如何公正自持。乃敢監守自盜。使各村民既已短領於前。又復加收於後。居心陰狠。作事巧滑。何怪十三村積不能平也。此案着不必里局稟復。該原差卽日送審。聽候當堂查算嚴究。

批吳則忠呈詞

前次堂訊。爾與張應魁將劉生財賣豬錢文。收到手內。自行花用。陷劉生財守候無期。是以將爾及應魁。一同押追。並無銀歸張還錢歸爾還之斷。前日應魁之子。懇將其父保外還銀二十三兩了事。當經本縣批飭張應魁應行持出之款。不止二十三兩。如此明白批示。爾何毫無聞見。輒稱牛替羊死。實屬糊塗已極。總之劉生財銀錢用多用少。爾等自己明白。當日是誰用去。此時卽該誰拿出。爾自與應魁在押算帳可也。

批杭殿順呈詞

案中人證。俱在本城。有何難喚。而敖得老而無恥。有意拖延。如明日午堂猶不開送。定將敖胡二役重責革役不貸。試問該役曾見毋升邸才之事乎。

批翟先登稟詞

前奉學憲發下蔣善述曹建業稟詞一扣。憲批據稱生員翟先登。有蔑倫蠹俗

情事。倘非挾嫌攻訐，便應究辦等語。批由本縣查覆。本縣深知蔣善述因賣油一案，計圖報復，不待移學細查，早已撇結。洞見正擬詳請銷案，適接來稟，條舉多端，候卽據情轉詳，以杜挾嫌誣陷之弊。爾亦不必因此永永結怨。報復無已，須知鄉情戚誼，未可參商。伊既講懇不行，爾卽可置之度外。犯而不校，作秀才者所當知也。此諭。

批李憲章稟詞

開當舖者，本銀過萬，其架上衣物，何止數千件。伊何取於爾之藍布皮袍，而負一抽換騙賴之名。所控太不近情，而且稟後年月將九字改作拾字，足見爾此稟寫就多日，遲疑不發，明係安心騙人，希圖訛詐實屬無恥已極。不准。

批葆主事稟詞

房主不要積欠房錢，只要房客膳房，主何賢而客何暴也。押令膳交，以儆貪霸。

批鄭生學呈詞

案經委主斷結，甚屬公平。本縣親訊，亦不過如此。着原差眼同兩造，將單內家具一交一收，不必覆訊。鄭生學既云並無帳簿，卽着種景盛勿庸討要。將來伊若持出，不但作爲廢紙，定倍加懲責不貸。

批孫雲錦稟詞

着該差速集送審。若三日不來，則是路先登父子實有侵吞情虛畏訊。顯而易見。本縣秉公折獄，定將該倉紳押迫不貸。速速。此飭。

批同義濱呈詞

爾以錢鋪夥計，在城收銀一百七十餘兩，猶不趕緊回鋪。反在李寡婦家中閒坐，以致素不認識之陳姓，串害擄銀。此中若無別情，關廂以內，豈能平空擄人。

銀兩至一二百之多。現據鄉約張登壽報稱，爾於二十八日二更時。在李家吵鬧。實於二十七日午後持銀到彼。然則爾已在寡婦家中過了一夜。實屬混帳已極。候喚案一齊懲處。

批劉薄春稟詞

據稱王寶官膽敢在溜橋廟內設局賭博。任驅不動。猶敢聲稱路役捕頭。均已說通。果如所呈情殊不法。查本月抽頭屈林。前此並不告假。徑自下鄉。本縣因在花衣期內。未遑責革。今姑寬一線之恩。飭其拿匪自贖。此案着予限三日。立拿王寶官到案聽究。果能如限緝獲。將功折罪。如三日不獲。重責革役。決無寬貸。此飭。

批張榮呈詞

爾不懂生意。要做生意。日不識人。而隨使用人。不到十箇月。本銀一百五十兩。

化爲烏有。反欠外帳。咎由自取。夫復何言。惟張世炳任意鯨吞。情殊可惡。候喚案訊責。

批倉紳路先登甘結

姑准結限。路先登著覓取妥實鋪戶。人糧兩保。方准出押。本縣斷結此案。並非苛責該生也。地方公事。全仗官紳合辦。若平日辛苦辦公。一經告訐。遂不留一毫體面。本縣豈肯出此。無如爾所管者義倉也。十二村民命之所係也。爾管倉十有餘年。光緒八年四月。由爾具結在案。實存糧二百零五石。乃據倉正王宗福供稱。伊十六年接管出放。實存一百五十石。當堂環質。爾於無可遁飾之中。強爲之解。大學所爲人之視己。如見肺肝。則何益矣。查該倉與爾家。僅隔一牆。鎖鑰俱存。爾手爾子。又吃煙不肖。此中情弊。不言可知。子弟侵漁。卽與爾監守自盜無異。而况飾非文過。任意開銷。殊不知具結在前。虧短在後。鯨吞之罪。百喙何辭。本縣若照例懲辦。爾罪何止詳革。姑念年老力衰。僅令賠糧了事。已屬

格外寬。現據爾與孫雲錦面質。每次出易。照例加一還倉者。爾皆十加其二。若照歷年利。積高算。爾之虧短。何止二百石之多。今本縣寬而又寬。僅照原捐數目。令爾賠出五十五石了事。爾若再事抗延。則本縣不能復存忠厚矣。自今以後。爾等身事交割清楚。着十二村紳約公同另舉妥人接充。其今年放出之百五十石。據孫雲錦等供稱。各村僅領得百二十餘石。此時姑勿深究。若明年收不足數。仍當由爾補賠。案經訊結。其各倉正副紳耆。均宜悚動。如有不堪自信者。急宜早爲彌補。現值撫憲飭查義倉之時。一經委員查出。卽有不可收拾之勢。將此批牌示後門。俾衆周知。

批喬奇芳呈詞

婆媳不和。世間常事。毛純修事不干己。爲甚挑唆楊永順之妻。與毛姓同炕過癮。而永順不惟不瞋。反引作詞證。世間那有此雅量之人。爾言殊不足信。姑候添傳俟姓究奪。

批路先登稟詞

爾目不了案。本縣亦不勉強。不日撫憲委員查倉。吊閱全卷。見爾虧空二百餘石之多。勢必勒令全賠。爾此時吝其少者。將來賠其多者。猶恐功名不保。責押難逃。在爾之意。不過欲俟本縣交卸以後。爾好設法騙賴。殊不知後任亦復精明嚴正。豈容爾取巧朦朧。况爾家號素封。並非無力者可比。茲據稟懇。着先將賠糧十五石交倉。下餘四十石。限本月十五日一律交齊。如再抗延。所不詳革押追者。有如礮目。似該生之狡猾無恥。若不施辣手。何以服衆。凜之。

批褚世榮等稟詞

六房公稟併歷年控案。均悉。王自新魯秦川同房辦公。挾仇屢訐。爾六房亦屢次奉批查處。自焦前縣任內。王自新復卯以後。與魯書互訐不休。稟至十餘次。最後批令過堂澈究。而卒未質訊一次。案遂以拖爲結。亦可笑矣。此次因魯秦

用以下旬班期。強承中旬。陳長興之案。王自新復控到案。遂又觸動前嫌。彼此對訐。批飭爾等查處。茲閱公稟。情詞仍屬顛頂。此案欲斷訟蔓。別無他法。將王魯二人。一齊斥革。招承另充。自然無事。惟念砸人飯碗。枵腹堪憐。不欲爲此已甚之事。持平而論。魯秦川之罪。不過取一日之巧。多承一案而已。王自新之罪。串通倒閉錢鋪。私開鋪門。搬取財物。似此荒唐散法。自應斥革。永不復充。而爾各房護黨徇私。趁焦前縣到任之初。懇請復卯。此事若遇本縣。試問爾等敢來嘗試否。果如爾等所言。王自新別無私弊。但因子病。稍稍稟覆。則施前任革之已過矣。何又責押乎。此等糊塗革書。不惟復卯。居然仍作經承。無怪魯秦川不服也。若謂其年逾五十。應該復卯。然則七八十歲之人。殺人放火。俱可不問耶。此案若經本縣親訊。定將王自新當堂示革。既革。王自新無仍用魯秦川之理。此所謂兩敗俱傷也。爾等濫保蠹書。致滋訟蔓。而又無能處息。亦應按名重責。以爲徇私濫保者戒。今姑且從寬此飭。如該二書具結。永息訟蔓。則本縣亦免其深究。若必欲過堂。則革條板子。椿椿現成。爾等自去打算。再查承案日期。何

土魯三人。分上中下三旬。看似公允。然下旬尙有小建。以滿年計之。魯書應吃虧六七日。則仍未爲公允也。今宜逐月輪換。如臘月係何上王中魯下。正月則王上魯中何下。二月則魯上何中王下。以此類推。周而復始。自無爭競推諉之弊。其陳長興一案。現尙未結。着婦王自新承辦。以後倘再胡鬧。一齊重責斥革不貸。

批唐德正呈詞

據稱爾子去年三月。代韓城立順魁。在張許兒店內買煙二箱。合銀三十九兩。及貨到韓城開視。全被水濕。詞爾于臘月過韓。將三箱水煙。擇好者賣與立順魁。得銀二十三兩。其餘水濕者。共剩二百觔。與張許兒退回。許兒不認。將爾拉至十字口游街。又將爾關入黑房。本利索銀四十四兩。交清以後。方才釋放。爾掌櫃言爾喪德。將爾開銷等語。情詞支離已極。爾代人買貨。理應開箱看視。然後價買。何得在省圖圖買寄到韓。始知水濕。然則所謂水濕者。安知非半路之

中。被雨被水乎。爾從前與張許兒議定煙價二十九兩。嗣僅交二十三兩。無怪許兒不受。爾若非對人不住。何以拉爾游街。爾竟一言不發。張許兒索銀四十兩。不足爲奇。所奇者爾交過二十三兩之外。身邊恰帶銀二十一兩。致被許兒奪去。恰合四十四兩之數。那有如此巧事。爾既受盡委曲。爾掌櫃理應代抱不平。何反言爾喪德。將爾開銷。既然掌櫃說爾喪德。爾之喪德無疑矣。如果爾銀被奪。又復曬鍋。爾自應懇記沖天。立時控告。何以去年除夕放出黑房。今正月初六開銷出號。爾竟隱忍十三箇月。直到今。方來控案。此等無情無理無憑無據之詞。竟欲本縣爲爾伸理冤枉。實屬昏憤萬分。跡類瘋癲。不准特飭。

批雲瑞茂呈詞

呈詞作得甚好。想係東關學中朋友所爲。候即日傳案訊究。流水帳簿呈閱。

批富金魁稟詞

爾與戴富德同帶私貨，闖卡漏釐，同至省垣，同宿三益店。戴富德詐稱銀兩被竊，本縣到店勘驗之時，爾與譚范諸人幫同作證，一行五人同至南局滋鬧。前經本縣堂訊，爾稱與戴弁在新疆一同動身，嗣經本縣上稟，將戴富德管押審辦。爾等既屬同伴，理應候質。本縣格外從寬，並未將爾管押。是爾自己惹事，屢次在撫轅稟瀆，致被發縣看管。今乃捏稱爾與戴姓並不認識，先後進店。此言將誰欺乎？即今戴富德騙賴一案，與爾無涉，而私貨充公，一定之理。來稟不惟懇釋，並請發還偷漏釐稅之貨，實屬糊塗已極。爾如自知闖卡之罪，甘願將貨充公，本縣猶可照范鵬卿之例，代爾乞恩，俾爾先行回籍。若爾必欲將私貨索回，則是癡心妄想。任爾赴各衙門控訴，本縣不管。

批倪鳳林懇詞

爾倪鳳林，于本縣轉奉本府發交充公米石，輒敢擅自給主領去，似此膽大糊塗，恨不立斃杖下。前已將該行查封，重責勒賠，並回明列憲，諭令從重懲辦。在

案查該行係趙曹裕所開。而監守自盜者。倪鳳林也。今若封門追帖。則本主無辜受禍。而罪人無以示懲。惟有將倪鳳林照例問擬。該行用人不當。着繳出原存米石。發粥廠賑濟飢民。俟交齊後。准其照常生理。此呈竟欲不賠不罰。一答完事。實屬荒謬已極。不准。

批李元亭呈詞

據稱劉圓陽是該菴戒子。輒敢不守清規。酗酒務訟。該道贈以戒尺。理所當然。圓陽猶敢捏控本師。實屬彼教之蠹。其凶橫咆哮。實與蔣至中無異。何以該菴清淨之地。屢出此等凶徒。案經稟傳。着靜候質究。

批雷昌五稟詞

據稱該職與謝寶珊素好。去歲謝寶珊貸該號銀三百兩。轉借與長安胡縣主。伊因不便向胡主取利。懇該號代爲出名執票。延今一載。胡公已故。他債全清。

而謝寶珊名下之三百兩，竟欲以五十金了事等語。謝姓如果貸該號無利之銀，放胡宅有息之債，此項有著，則利息歸伊。此項無著，則吃虧在爾。未免過於取巧。惟一面之詞，礙難遽信。須吊查該號帳簿。去臘初七日，是否與謝寶珊出銀三百兩。其歷年以來，謝姓與該號來往存銀若干，取銀若干。此外有無別項手交。現在有無存款。着檢齊簿據呈案核奪。爾等既然相識有年，得了卽了。若必過堂質對，顏面攸關，其各勿貽後悔。此飭。

批翁慎修懇詞

生員翁慎修。着卽日釋放。出押。以業抵債。張林亦不得強勒逼討。似此錢債細故。該生又係衣冠後裔。庠序青衿。何必一再押追。至傷體面。况翁家盛時。張林之沾光借潤。亦必實有其事。今何得如此認真勒索。本縣每遇帳債之事。別有權衡。如于慎德之事。乃是奸伙欺東。必不可恕者也。張林之案。可了則了。不能爲該民比責生員。勒追欠項也。爾其回家措還此債。亦不可因本縣從寬釋。

遂謀自罷知之。

批趙運庫呈詞

來呈恐不盡實。劉生魁向爾贖地。既然有心騙賴。爾當契是假。自然一錢不給。何以又給錢。三出地方。劉生金事無干。何以肯幫同將爾纏細。既然伊二人將爾綁至關廟。撞鐘變案。自係同人評理之意。何以鄉約一到。劉生金即行逃跑。伊既如此畏人。何必撞鐘。爾約姓甚名誰。何以不列作干證。所呈種種不情。着明白另呈覆條。

批李廣運呈詞

據稱爾弟媳鄭氏。婚居。被丁憂生員鄭世俊。出媒。朦娶。名妻實妾等語。查鄭世俊與爾近在隣村。伊有妻與否。爾豈不知。居喪與否。又豈不曉。乃事前圖財嫁賣。及其辦娶以後。乃控其不應指正作妾。又控其不應服中娶妾。前則明知故

昧。後乃尋隙生奸。又稱恐其娘屋知情不依。則是爾主婚之時。竟未通知該氏娘屋。尤徵貪財擅賣。究竟財禮錢百三十串。爾已得多少。一味朦朧。顯係挾弟媳作餌。前以一嫁爲放鴿之謀。後以一控爲還珠之計。實屬狡詐無恥。所呈不准。

批張富海稟詞

查撫憲批定章程。凡分立新甲者。每遇舊甲輪當值年糧正之期。准分出之新甲。按糧幫費。有糧一石者。幫銅錢一串文。若不當十甲糧正。則自完自糧。何能派費。本縣前此稟詞。何等明白剴切。茲據呈稱。凡設新甲者。每石之糧。每年幫舊甲銅錢一串文。本縣向無此示。撫憲亦無此批。何得由爾等臆造。勒令新甲每年幫錢。實屬膽大糊塗。不准。併飭。

批王宗秩稟詞

稟摺均悉。該紳等辦理倉務，井井有條。糧則顆粒無私，帳則一清如水。至稱每年餘積項下，共存錢二百串零，欲買地十餘畝，以付倉夫口食。每年可節省錢四十餘串。辦法尤爲精妥，准如所議立案施行。至該紳等管倉一十四年，稟祈告退，查倉務關係綦重。王先生老成諳練，本縣方倚以辦公。此後但坐總其成，不必過勞筋力。其總約倉正，均能實心辦事，深屬可嘉。均勿庸固辭。本縣自問，尙是可與爲善之官。該紳等宜盡指臂之助，勿遽引身事外也。結存。

批錢行天興順等稟詞

據稟懇飭閭行五六十家錢鋪，公開一局。此在小本經營者，自然願意。而本錢較大者，必不屑與之同夥。此人情之常也。爾等均非辦事之才，純是一團私意。而且道謀數月之久，漫無章程，何能集事。此事本錢愈多愈好，東家愈少愈好。若東家至五六十人之多，倘各出主意，勢必僨事無疑。若僅數人作主，其餘出股而不參謀，又必大說閒話。前據永樂豐等面稱，情願十家八家，本錢較厚。彼

此相信者，夥開一局，此法最妙。本縣業已面允，爾等何堅持已見，必欲閤行夥開，實屬糊塗已極，不准。

批醫生王參稟詞

該醫生不惟好名，而且好利。前次與本縣同赴南山祈雨，業已洞見其心，而且是己非人，矜誇荒誕，粧神見鬼，語類瘋魔。得雨以後，對衆誇稱，各大憲向該醫生磕頭道謝，事爲上憲所聞，是以二次祈雨，不用該醫生襄事，乃猶不知斂跡。輒借修翠微山宮殿爲名，稟請轉詳藩憲，諭令募化各坊，果然如此。該醫生勢必借事招搖，勒捐鋪戶，其弊不可勝言。總之善人美名也，然自稱善人，決非善類。該醫生如果實心還願，自以醫藥餘貲，酬神可也。若假官府之勢，化衆信弟子之錢，自表其求雨之功，而陰遂其賺錢之計，該醫生計誠得矣。本縣其能許之乎。本縣體恤民艱，不肯令出一錢，其順直塔捐，方且自出千金，邀免民間捐項。而該醫生乃以五臟廟空虛之故，輒欲募化重修，實屬荒唐已極，不准。

批義生成稟詞

昨奉撫憲面諭，嚴拿趙縣承到案，訊其餘銀一萬數千兩之帳。此帳從何處算出，如其是實，爾等雖藏捐炭五萬觔亦難了事。如係趙縣承捏造，則伊罪有應得，爾等照常生理可也。現在該縣承逃跑無蹤，應俟獲案後覆集對質。此案暫銷。

批翁慎修稟詞

張林係爾故父之義兒，爾父生前買伊千餘金之古董，僅欠尾數六十金未完。而爾兩次被押，茲又以原價六十一金之當業五畝抵還此債。張林輒敢三次固拒，不肯收。如果屬實，似此混帳東西，實屬可惡。准如所懇，將契交案，飭令張林具領可也。

批牛映宿稟詞

楊夢珍前因避案，詐稱已赴河南，茲又潛住省城營謀長安門政，似此奸猾混帳，豈可姑容，候拘案嚴究不貸。

批閔順榮呈詞

卷查該里里書陳海江病故，爾與任先周五爭此缺，經前任斷明，去年事歸爾辦，今年任姓接充，極爲公允，爾何必定要戀棧，不將底簿清交，自貽訟累，着卽遵斷交卸，勿再抗延飾瀆，切切。

批石玉蓮呈詞

此事不須爭競，亦不必過堂，秀才不准充集頭，此正理也。趙緝武以被革之人，夤緣復充，於理亦屬不順，爾二人均不得當集頭，候差飭閔鎮鋪戶人等公舉，妥人到案，以憑點驗，飭充，卽知照。

批姚林娃呈詞

爾弟姚道兒。如果並未犯案。華州州主。豈能平空責押。必係鬥毆逞凶。鄭州主。始予懲儆。爾欲爲弟乞恩。亦宜自赴華州籲懇。乃以隔屬之案。率請本縣移提。實屬糊塗已極。不准。

批張青選呈詞

所稟奇怪已極。該房經書既係文生春。而翟敬忠以散作經。文生春何以默無一語。爾於十三年被翟姓串唆經承。將爾稟革。必有取革之道。不然。經承被唆。豈縣官亦可串唆耶。主縣主准爾復卯。名在第二。而翟姓將卯名前後倒置。王縣主何以毫無覺察。爾又有何畏懼。不行稟許。所稟均不可解。仰文生春及各房經書查明原委。秉公稟覆。並察明張青選從前因何被革。如何復卯。檢卷夾呈。聽候察斷。

批毛河英呈詞

禿牛兒等七人誘拐爾妻。何人看見。何人告爾。爾暮出早歸。不過一夜工夫。何竟拐逃無跡。爾不卽時喊稟。延今十餘日之久。始行控究。尤不可解。着指出見證姓名。以憑傳質。此狀不准。

批趙清明呈詞

本縣爲政。首嚴保甲。據稱該社盜賊公行。實堪痛恨。候卽日示諭各約各村。守望相助。多設更夫。各備梆鑼。一家有警。各家相救。一社有警。各社趨救。捉獲盜賊。不得擅殺。細送到官究辦。若挾嫌誣良。亦必反坐。仍候通飭各路役小心協同巡緝。以遏盜風。而安善良。該房速具示稿送核。勿延。

批高守賢呈詞

據稱爾在省城賣麥。撞遇素識之羅德娃。有莞豆七石。僱爾車裝運。嗣將莞豆卸寄爾家。言明交價取豆。乃羅德娃除不給車價外。反估爾將豆自送伊家。不

汝則將爾驢頭立時打死。詎爾於糧廳案下，又被廳差拴鎖，訛去錢文不少等語。所控太覺支離。爾爲人連累，自應徑運伊家，交豆取價。何以卸寄爾家，致滋謬誤。爾不交豆，卽打死爾驢。德娃雖橫，何至於此。伊控爾於糧廳，曾否過堂。如何判斷。來呈一味含糊。無錢則鎖，出錢則放。廳差如此凶橫，畢竟糧廳知道否。如糧廳不知，爾何不就近喊控。所呈萬不足憑。姑候移請糧廳查覆再奪。

批張希相呈詞

查此案因詹李氏控其夫堂兄詹元孝而起。詹李氏以青年嬌婦，自應在家守節。爾兄張希禎以大姨夫留其已寡之小姨同住，詹元孝等發話，理之正也。爾兄遂以串謀搶賣重情，挺身爲詹李氏抱告。及到案質明，元孝等並無串搶情事。嚴前任斷令詹李氏回詹門，撫孤守節，並不究爾兄不避嫌疑，誣告闖管之罪。可謂寬矣。乃爾兄於斷結以後，仍將寡姨詹李氏久留在家，抗不送還。復唆使凶鬧，以致詹元孝以違斷抗交，覆控到案。爾兄之人面獸心，尙不止措留小

姨一事也。詹李氏之娘屋叔祖李來寬。因此案留滯縣城。爾兄潛往其家。見其閨女。始而調戲。繼而恐嚇。以致來寬十五歲之女。自投水甕而死。經來寬十歲幼孫。哭告其祖。正來縣具控。問而爾兄適被詹元孝覆控。准喚。八月初五日。行至洒河口。大雨如注。爾兄過渡之際。滑跌落水。屍首打撈無蹤。此乃天報淫人。神差鬼使。本縣閱卷至此。不禁拍案稱快。乃爾於希禎身受天誅以後。復捏以串差勒逼重情。屢控不已。意在拖累訛詐。不知全卷具在。豈能由爾胡說。現在詹元孝早已出買在外。詹鼓係雙目失明。况爾兄死後。經前任連審兩堂。實係自行落水。與人無尤。何得喪良妄控。本縣辦案。一秉至公。決不能爲淫人而累好人。仰卽斂迹回村。聽候一詳了事。

批詹爾敬呈詞

義倉向歸紳管。鎖鑰俱付倉紳。該紳於前年經孝義鎮舊倉紳士明等舉報接充。偏閱全卷。該紳並無辭退之稟。何以此稟輒稱因麥霉變。並未接管。又稱去

年赴韓城學任。將鑰匙隨稟呈縣。該紳既未接管。何以鑰匙在爾手中。至將鑰呈縣。本屬無此辦法。當經前任批斥發還。何得佯云不知何故。將鑰復交職家。所稟種種紕繆。惟既已作官。自宜交代。去年十月具報趙萬祿接充倉正。何以至今尙未接手。難保非因倉糧霉壞。故事推延。候差飭趙萬祿會同倉副王璧。及前倉紳王明等。將倉糧逐細點驗接收。來案具結。該倉原捐若干。現存若干。曾否出易。已出易者是否收回。現存者有無霉變。均於結內申明。勿稍緣飾。現奉撫憲飭查義倉之時。倉糧顆粒爲重。若該紳交代不清。一經委員到縣清查。本縣鐵面無私。定將該教官稟請撤任回籍清算。凜之。

批李樹鵬呈詞

已結之案。原告李張氏並未覆控。爾以前案無名之人。既經插證於前。又復生波於後。張氏與興財以姐弟而兼叔嫂。乃云屢次刁賣。致該氏躲避爾家。其爲爾招留唆訟。顯而易見。查張氏四十以外之老婦。能賣幾何。興財雖貪。豈能出

此。至稱佔據二門遺業。查興財之父。卽爾之三伯父。旣已得業於先。爾又情讓於繼。此時尙有何說。着卽安分回家。毋得多管閑事。此後如李張氏來案覆控。不是爾唆。也是爾唆。定將爾提懲不貸。凜之。

批譚新福呈詞

所控情節荒謬。據稱徐天才與爾因挾訟嫌。使徐明理迭次偷爾田禾。爾旣實知其人。真有其事。何以嘿不控案。爾去歲收穫包穀十餘石在家。徐天才因垂涎不過。迭偷三次不成。遂借代討徐石平兩串錢爲由。糾令五六人各執大籠。將爾包穀全行担去。爾因夫妻俱病。飢寒交迫。致未控案。村中有糧者多。伊何以獨涎爾之包穀。偷盜三次。每次俱被爾看見乎。如已看見。何不捉住。何不聲喊。如未眼見。何以確知其爲徐姓。至糾人入室。形同強搶。伊又何必借討債爲名。來者五六人。不過挑去五六石。何以云十餘石包穀全數担空。且去歲之事。並不聲明何月何日。信口胡謔。一無見證。旣稱被毆。不能行步。何以不請驗傷。

賣女之錢絡三十串。被伊等搜去。有王傅二姓兒證。天下豈有搶人財物。白晝公行。毫不避人之理。爾等客民在此。動輒以無情無理之詞。牽累本地良民。實堪痛恨。本縣案前。豈能由爾胡說。不准。

批馬守先呈詞

此等家務事。在本縣案前。一看卽明。一斷卽了。勿庸多瀆。現經爾嬸馬詹氏上控發縣。候卽日差傳兩造。並馬明壽郭敬信等到案。復訊定斷。

批賈萬有呈詞

據呈各情。支離已極。爾於十七年往美原傭工。家丟老妻少媳。被王學義王法才王七娃三人將爾媳拐去作妻。此是何年何月之事。此三人中。究與誰人作妻。美原離此不遠。爾何以毫無聞見。爾妻亦不具控。直至去年十一月。爾從美原回家向理。王學義等毆爾夫婦重傷。經街衆眼見扶回。如果屬實。何不登時

控請驗究。又隔四個月之久。始行控案。實出情理之外。况王學義等近在隣村。無故擄人媳婦。保約不發一語。公婆隱忍經年。拐子三人。坐擁拐妻。毫無懼怯。反敢打人。尤出情理之外。不准。

批瞽目趙紹愷呈詞

爾是一瞎子。借人眼鏡何用。及將鏡遺失。賠錢三串。理之正也。嗣將鏡尋回。退歸原主。索還所賠錢文。趙姓不還錢。亦不要鏡。此亦不得謂之無理。乃趙姓始則不要此鏡。繼又向爾借鏡。爾錢未到手。何甘心以鏡付之。及伊將鏡打破。不惟不賠錢。反將爾五分地畝。出當史姓爲業。世間那有此等無理之事。嗣經管人趙坤乾等管處。眼鏡與地。一共令伊出錢十串。而趙姓不遵。所呈太覺不情。未便率准貽累。着卽尋回原管說話可也。

批糧差黨升等稟詞

捕衙之事。豈能由爾等把持。如果爾等辦事得力。捕衙又何必另招他役。查爾等四糧四捕。該廳徇留毛德一人辦事。足見得力則留。不得力則換。捕廳未嘗不公。該廳既已招役另充。爾等自應退讓。何反謂田升堅霸不捨。所稟糊塗已極。倘再爭競。提案責革不貸。至稱革役田英卽田升冒名漁利。此事有關捕衙考成。該廳豈能任其頂冒。自壞聲名。着爾等不必多管。此飭。

批詹曹氏呈詞

爾子詹炳蔚。以三十餘歲之壯男。家有妻妾。擅在川省哄娶十一歲幼女苗二。女子爲妻。並誘哄其父母回陝。詐稱撥給地畝。供給三年養贍。後竟食言。反敢於十六年秋。誣其岳父苗德潤誘女竊物私逃等情。具控趙前縣案下。旋據苗德潤投稱。其幼女日在詹家。父女從不見面。何從誘逃。案延兩月。苗德潤老年悲憤。竟爾身亡。炳蔚挾其投訴之嫌。訟累無底。益將其女凌虐。其岳母苗倪氏。屢有控詞。前縣卒未集訊。是年十月。其叔岳苗德興。訟累又故。爾子將人全家。

誘來。眼見因訟迭傷二命。僅存孀婦在室。稍有人心者。宜如何抱歉不安。乃竟延訟不休。益將苗女作踐。是年臘月。苗二女子又故。爾子以屢控有案之逃妾。無端身死。並不通知娘屋。亦不稟官作主。竟自將屍棺殮。是苗倪氏指爲打死。豈曰無因。借使病斃無傷。何難報官請驗。以杜娘屋之口。既未報官。又不令其母眼同入殮。其爲有傷可知。爾子因苗家迭亡三命。乃以五十金付苗倪氏私和。不問其允與不允。竟令趙新科等朦遞息結。其恃富欺貧。恃符延訟。但破除些須銀子。卽將人累死打死。亦可白罷無事。似此淫惡滔天。閱卷不勝切齒。嗣經苗倪氏屢次呈控。以十六年七月之案。延至十八年十一月初五日。始經嚴前任初次過堂。爾子停妻再娶。誑娶幼女。誣告拐逃。累人訟斃。幼妻虐死。私殮死和。捏遞息結。種種罪惡。概行寬宥不問。但令念半子之分。加給岳母銀三十兩。從此永斷葛藤。可謂便宜之至。而爾子又復吝抗。一毛不拔。以致延累三年。案歸本縣審訊。若照例嚴辦。案關一家三命。應令爾子抵償。方昭平允。姑念寬縱於先。而苗德潤夫婦重財輕女。亦屬伊戚自貽。姑從寬斷。結令再出銀百兩。

爲苗倪氏母子養贍，詳革衣頂，薄示創懲，已屬僥倖之至，而爾生此混帳不法之子，不自引罪，猶敢恃姑恃老，出頭乞恩，實屬糊塗已極，不准。

批李芝懣呈詞

案關賭博，本無息銷之理，姑念秦狡兒等現尙在逃，暫准銷案，仍着王靳二人，伺其回家，網送來縣，以憑究治，如敢庇縱，本縣耳目甚廣，查出重究不貸。

批袁讓兒呈詞

案關上控，又准移提，豈能始終不往，臨潼縣主仁明英亮，爾果被誣累，不難立脫虞羅，着卽放心前往，此呈一併移送袁讓兒夫婦着散行。

批張傅氏呈詞

爾前次控詞，業已詳細批明，乃又糊塗具控，實屬可恨，爾自己引狼入室，仗恃

混帳不堪之郭成兒，與爾大伯作對，認爲丈母女婿，在公堂上被此稱呼。爾如今說是假的，其誰肯信？在爾糊塗奸詐，宜乎有此報應。惟郭成兒離人骨肉，受人爭訟，始而將無作有，騙誘女人，繼而弄假成真，糾搶幼女。前任斷錢四十串，爾又不要，伊始終不費一錢，初爲騙子，繼爲搶犯，繼又強姦。最後經官判斷，居然名正言順之夫婦。天理人情國法，似覺件件有虧，姑准覆訊究斷。

批寇彥順呈詞

據稱爾子書院兒，於光緒四年，憑媒馬天長，童養馮天德之女饌娃爲妻。光緒五年，被楊五世接去，匹配其子楊更生。今年今月初一日，爾遇見饌娃，遂卽領回等語。查五年至今，事隔十五年之久，爾媳當年旣被楊五世誑去不歸，爾何不稟官拏究？况楊五世旣稱是饌娃乾父，卽是爾之乾親家，平日必有來往，方能以養媳付伊接去，並非無名無姓拐逃無蹤者可比。爾當時何不立刻向理，而云查找無蹤，今忽於十五年之後，將人之媳婦，賴稱爾之媳婦，無憑無證，強

搶回家。現據楊更升以奪妻霸女等情。控准喚究。爾猶敢以如此荒唐之言。來案混瀆。仰該管捕班。即將寇彥順鎖押班管。候傳齊人證。嚴訊重懲。

批李百俊呈詞

爾兄嫂俱故。僅留胞姪一人。爲叔父者。應如何愛之教之。乃平日並不管教。任其比匪爲羣。今又以懼累爲詞。首乞拘究。爾姪果係刀匪。該村官人何不稟究。獨爾一人大義滅親。竟欲本縣當刀匪辦理。是爾兄嫂雙亡。意猶不足。必欲斬草除根。置爾姪於死地。似此居心。豺狼不若。所稟不准。仍將爾姪李瑞生交付與爾。如有爲非作歹情事。唯爾是問。

批王新興呈詞

爾女幼字李世德之子爲婚。迄今十年。男女俱大。合當婚娶。爾如無嫌貧愛富情事。李世德何至控爾於下邳廳。案既經控廳。何以事延數月。迄未過堂。而李

世德反糾人搶親。殊不可解。且財禮二十四兩。先給七兩。下欠十七兩。李世德騙賴肥己可也。何以甘令段鳳賢分肥。區區十七金。不以娶親。而以興訟。不給親家。反給外人。世間那有此理。姑候飭差協約查明理處覆奪。

批劉成玉呈詞

所控諸惡少。姓甚名誰。共有幾人。截伐誰家樹木。收去何人菜子。不清不楚。顯預具控。令人不解。候一面示禁。一面明白稟覆。以憑緝究。

批張忠孝呈詞

本縣服官十年。從未斥革一衿。自蒞渭南。學校中健訟逞刁。累年不息者。實屬不少。大爲風俗之害。是以擇尤詳革。以儆其餘。牛光漢之昏愚險狠。挾嫌誣告。蔓訟五年之久。本應照例反坐。特從寬宥。僅革衣衿。豈非便宜之至。案經通詳。應俟列憲批示。至日飭遵。所請免革保釋之處。殊屬冒昧。不准。

批邢世昌呈詞

纏訟不休，實屬可恨。據稱爾另度堂兄邢鼈兒生前。於光緒十年。搬往洛村。依其胞姐居住。十七年。鼈兒物故。迄今三年。並無訟端。今忽控稱鼈兒臨終。向邢魁置囑託後事。如果邢姓本家可靠。鼈兒何必搬往外村。既與其姐結鄰。臨死之時。豈肯不託胞姐。而託本家兄弟。至稱鼈兒病中。屢向邢家要醫藥錢。查鼈兒有房有地。有錢有麥。何至無錢吃藥。且邢姓人多。究係向何人要錢。遺糧陷賠。又係誰家賠墊。彼賠糧者。何以三年不言。獨爾屢控不一控。實屬涎業無恥。仍不准。

批徐勞子呈詞

爾爲公正新炭廠裝炭兩船。從禹門口送到渭南。言明船價四十四兩七錢三分。究係與何人面議。曾否憑行寫立船票。沿途給爾銀十八兩七串。又係何人

付給既稱明言在先。何能抗價不給至二十三兩之多。况兩隻小船。裝炭幾何。何以腳價至數十兩之貴。所呈語沙含糊。又無情理。爾在該號向索水脚。反被凶毆。而又無一人見證。尤徵虛飾。傷痕驗明甚屬輕微。難保非爾自種。姑候飭差協約查明覆奪。

批徐更娃呈詞

控情支離。爾與徐彥錫各賣涼粉。兩不相干。伊妒忌爾生意好。賺錢多。打爾可也。何必使其悍妻打爾老母。候驗明傷痕再奪。

批田益正呈詞

爾表叔田文煥。如果擇爾爲嗣。何得不同親族。而僅憑川省之鹽商。爾於三月十三日控案。因本縣批索嗣單。爾詭稱存放川省。三月二十日呈詞。尙未言專人往取。今甫過端午。忽稱川中嗣單已來。查爾之所謂嗣單。不過一張空紙。並

無親族見證，不拘何人何時，俱可僞造。何足爲憑。候訊明懲責。

批史智全呈詞

爾外祖張某，在洵陽縣貿易發財。道光二十七年，將鋪內本錢，與五姪一女各裁三百串。爾家是否持有憑據。光緒十五年算帳，獲利二萬餘串。爾母既係資東，歷年應分利錢三四千串。究竟爾家分過若干。何不聲敘。如其未分。何以早不控究。延今數十年後，始以外祖靈柩未回，牽連具控。顯係無事尋事，覬產圖訛。爾如賴作資東，則生意現在洵陽，應赴洵陽控告。如爲外祖歸骨起見，則張家之事，與爾姓史的何干。不准。

批嚴禮斌呈詞

爾指控四人，已傳其半。而爾必欲一齊到案受累。又復續添二人。且令嚴國子等幫同稔准。本縣傳案。豈能由爾支使。着靜候訊懲。

批馬明壽呈詞

據訴已悉。馬詹氏及馬聚會。既在省城。爾卽回家安業。勿庸羈候。再查上控原告未到。該役將馬壽一人傳案。實屬糊塗已極。記責百板。票銷。

批王汪氏呈詞

陳王氏等構訟一案。經鄉約畢元珍等。兩次懇息。批令李世祿許家聲如再往。陳王氏之門。准其約鄰網送在案。茲據控稱爾女小陳王氏。因其姑老陳王氏。與李世祿貪淫逼醮。致迫爾女於五月初六日吞煙幾死等語。查畢鄉約等初呈。謂老陳王氏。業將世祿招配。處令離門另度。陳參將產業。歸子媳小陳王氏承受。第二呈又稱李世祿逃遠無蹤。老陳王氏再三央告。仍與子媳同度等語。今閱來呈。李世祿仍在陳家。幾乎釀命。畢元珍等何以毫無聞見。抑係受賄扶同。亟應澈究。以懲淫惡。候飭差查明虛實。並令懇息之畢元珍等。一同據實稟

復候奪。

批韓羅氏呈詞

情詞支離。前言不搭後語。爾稱韓紀氏因失一貓。遂直入爾家。翻箱打籠。致爾失銀五十兩。已屬不經。然則爾所控者。紀氏也。何以又云家門人等皆欲逼嫁。究竟逼爾者。係屬何人。且爾控家門人等可也。又與爾母臨終時爲爾僱一老婦何干。一派胡言。令人不明不白。惟有不准而已。

批樊一心兒呈詞

此景星高之詞也。星高謀婚唆訟。皆在本縣未到任之前。現雖斂跡。而樊薛之訟已成矣。若靜候質究。

批姜福旺呈詞

據訴已悉。爾等從前貪其酒食。率爾爲媒。今見本縣法嚴。遞詞脫卸。惟事屬既往。不必深究。爾但證明其事可也。

批孟如智呈詞

爾死有餘辜。尙敢賄房壓稿五日。以爲飾病免解地步。着卽日起解前往。倘再飾延。卽將該房書一併移解大荔不貸。

批劉吉升呈詞

污穢極矣。耳不忍聞。爾竟不愧不怍。一控再控。實屬無恥之徒。案已稟傳。姑准添劉廷亨質訊。

批嚴居魁呈詞

據稱嚴繼財有地六畝。先當給舉人李建照。嗣於光緒十七年八月作價一百

四十四串賣爾爲業。爾已同中向李姓交錢贖地。投稅印約。播種麥禾無異。李建照突於十八年麥季聽其外甥嚴遵得唆使。先收麥禾後退當價等語。所控殊屬支離。李建照如果請案不捨。從前卽不應放贖。既放贖則非霸業可知。且舅舅收人之麥。未必分給外甥。嚴遵德何苦唆使。既然十八年強收惡霸。爾何以隱忍二年。不行呈控。此二年之糧。是誰完納。既云先收麥後交價。畢竟於何日交錢。爾曾否收受。來呈於緊要關鍵。一味含糊。顯有不實不盡。不准。

批張張氏呈詞

爾子外買。爾亦出外針工。家留少媳幼孫。託誰照管。憑何過度。六月六日。被趙書娃將爾媳。爾孫。一齊拐去。此是何人看見。何人何日。叫爾回家。爾與人做活。自必離家不遠。何以初六拐人。遲至二十三日。始行呈控。而又毫無中證。信口開河。畢竟書娃先姦後拐。有誰作證。着明白另呈覆奪。

批李興呈詞

現在各班毫無規矩，各自忿爭，實屬不成事體。總役郭升關茸無能，閤班鼎沸。大糧有誤，咎將誰歸。候堂訊從嚴懲斷。

批賀傅氏呈詞

爾身爲繼母，目視僱工黃玉慶將爾前房之子賀德隆繩勒牙咬，不行救阻，反於爾子控准以後，代黃玉慶訴冤，飾傷首逆，實屬毒過豺狼，廉恥道喪。候逮案嚴懲。

批楊春金呈詞

爾等此案，非將帳算清，不能斷結，而兩造各執，爾請之人，伊言不公。伊請之人，爾言不公。似此任意紛紜，兩造均應重責。總之不能由伊，亦不能由爾。仰該房迅速查算，開單送審勿延。

批權世彥呈詞

爾伯父於同治七年將銀三百兩借給閔定娃之父。迄今二十六年。從未向討。直待爾伯伊父一齊亡故。多年以後。爾始出頭收帳。已屬情理不敷。閔定娃因爾向索。遠年陳帳。要看約據。亦是人情。爾與爾伯從前曾否分家。爾伯故後。豈無子嗣。何以此債歸爾討要。均未聲明。尤屬含混。爾因討債不償。反被辱罵。以致告狀。查爾但知討帳。而不持約。要人還帳。而不許看約。閔定娃罵得甚是。所控不准。

批馬張氏呈詞

控詞殊不近情。豈有刀匪持刀砍人。而又自將刀械交與會首之理。既云砍傷爾子。又砍東溝一人。其人爲誰。何以不來喊控。姑候驗傷再奪。

批趙紅棗呈詞

據稱爾妻十六年被拐。十七年五月尋見。具控准喚未訊。延今兩年有餘。始行

復呈實出情理之外。卷查十七年六月十九日。曾經前任堂訊。王金所娶鄭任氏。並非爾妻。訊明斷結在案。何得埋藏前斷。仍稱爾妻被拐。無恥之徒。着卽驅逐出境。勿任胡鬧。

批南德呈詞

班廳公用什物。何以係爾一人所置。有何憑據。高春既係公差。何能將王亂兒砍斃。既係被控拿辦之人。何以仍充副總。爾既奉票緝凶。何不立拿送案。所稟糊塗已極。候訊究。

批臨潼差役黃林稟詞

現據黑李村時進財控爾等與李彥緒。六月三十黎明時。踏門入室。失去銅錢兩串。帖子五串。並毆傷多人。有鄉地李忠益等力阻可證。並奪單鞭一根等語。爾既隔屬傳人。何以不來案稟請添差。實屬昏狂已極。候驗傷嚴究。

批雷思敬晰詞

爾向爾兄要錢不給，遂使董強兒拉爾兄牛隻，旋經鄧彥春管息等語，爾強拉兒牛，已屬昏謬，今又釀出董鄧打搥之事，罪魁實由於爾。昨據董獅子訴稱，爾已將牛賣給黃悅德，價錢八串，嗣又將牛給還爾兄，董姓錢牛兩空，而爾淨得八串，是爾爲案中要絀，何能懇免，着到案候訊嚴懲。

批趙定甲呈詞

爾有煙土，不吃不賣，各處寄放，已屬無理。爾既知李升子父子兄弟，素行不軌，何以將土寄放伊家，據稱伊央爾盤槽，爾向伊寄土，盤槽事畢，卽應將土取回，何以又遲數日始往取，致被賴稱爲賊偷去，卽使屬實，亦是伊戚自貽，至稱李升子等用鞭毆爾，向爾要銀，更屬無情無理，不准。

批趙春元呈詞

本年縣境，雨水調勻，綏豐有象，河北故市等處。本縣屢次經過，秋苗均屬茂密。何獨爾趙家一村。天旱數月之久，現值七月中旬。本粮正緊。定例夏災不過六月。何得於各里踴躍輸將之會。爾獨出於搖惑荒謬之言。倘爲上憲所知。定于提究。着卽趕完。國賦。勿得飾災取戾。此飭。

批孫萬益稟詞

孫建兆之妻。偷人衣物。當堂訊明。飭令歸結了事。乃猶不知羞愧。定欲復訊挨打。亦獨何心。着原差協同各官人。勒令孫建兆遵照前斷。賠償一半息事。如違帶案聽比。至孫萬鵬家有銀物鎖門而去。並不託人照管。亦屬自不小心。所稱下短銀兩紬布。是真是假。孰得而知。若再到公堂。兩造均無好處。勸爾等自行了結爲妙。

批王趙氏呈詞

爾於本年四月二十九日呈稱贅壻牛謀兒烟賭胡爲。懇祈作主。意在俾女另嫁。經本縣批飭未准在案。及成訟以後。忽稱爾女已於去臘改嫁馬玉林爲妻。牛謀兒得錢四十串等語。果有此情。何以四月二十四日呈詞並未提及。且馬玉林婚書內註媒人雷金明。及雷姓到案。則稱並不知道。種種捏飾混帳。實堪痛恨。茲已斷將爾女另行嫁賣。乃復忘廉喪恥。懇仍歸馬玉林爲妻。實屬糊塗萬分。至稱現在懷孕三月。查牛謀兒原呈稱其妻五月初六被拐。今才兩月有零。何得有馬姓三月之孕。尤徵虛飾。不准。

批王彭齡呈詞

自正月開徵。何以七月尙未破白。伊固疲延。爾亦玩誤。候喚究。

批閔希賢呈詞

控人以初呈爲定。何得陸續添砌。爾父推跌昏迷。何不請驗。不准。

批李敬信呈詞

明係爾欠租不償。劉世奇拿物抵稞。爾卽牽控二十餘人。黑夜入鋪。捲拿一空。實屬刁妄已極。試問昏黑之中。來者二十六人。爾何能一一認識。查爾資東六月物故。鋪中丟爾一人看守。似是停門光景。爾以河南客民。生意既歇。又欠人租稞未清。畢竟打算如何了局。既在此地農商兼務。已歷八年。欠外外欠。膠葛必多。何得隱匿真情。飾詞拖延。不准。

批楊正賓呈詞

爾被竊並不稟報。竟敢糾人隔縣搜賊。昏狂已極。現據曹寶兒以串差挾嫌累次訛詐呈控前來。其言不無可信。既稱賊在臨邑。着卽偕同井盛李德清赴臨潼控告。以免本縣隔屬關提。仰卽遵照。

批張李氏呈詞

爾子無端將妻捨與素不認識之王勞兒。被其內兄控案。本應斷離。而爾媳堅稱姑媳恩深。不肯另嫁。是以本縣喚爾來案。面詢定奪。着候訊。此案着明午送審。

批李克儉呈詞

准其更替。以恤衰老。而均勞逸。即仰豐源紳約人等。妥舉安人接充倉正。爾仍候接替有人。交割清楚。方可辭退。

批校祥智呈詞

李得喜夫婦如此無理。爾姐愜氣而斃。爾與爾外甥。宜何如忿恨。乃反將爾外甥街房一院。芝麻地二畝。撥伊管業。伊猶不肯干休。致爾姐身死不得安葬。可謂世間怪事。那有此理。其中必有分家不勻之處。惟李得喜竟仇及死人。亦屬可惡。候飭差協約查明情節。據實稟奪。

批周清存稟詞

爾妻子均故。童養媳王氏年已長成。自應另行擇配。其娘屋父王成。何竟棄之如遺。此女在爾家多年。雖媳猶女。仰卽妥爲議婚。勿稍草率。財禮准爾收受。如王成將來來渭。另着娶主付給追往錢文。此呈發房立案可也。

批孫建兆呈詞

爾妻做賊。衆證確鑿。爾尙不自反。反稱污名難當。實屬無恥而狡。着原差諭令按四成賠贓。如違帶比。

批王繼春呈詞

爲政無他。不過與民同好惡。今據爾九人公稟。願將李萬全李玉璽點充鄉地。事屬可行。惟稱現在鄉地李進全李克己。處事不公。否則坐視不理。究竟不公。

者何事。不理者又係何事。難保非任情憎愛。偏遞稟詞。且近來公稟。往往十數人出名。一二人來縣。其餘多係捏寫。今爾等既來具稟。着稟中有名之人。一齊到案。聽候查詢點驗。現在約地李進全等。亦來案備詢。

批石懷玉呈詞

此案以本縣揣之。紀占彪之價當此地。取其秋禾茂盛也。爾以種成之地。甘心出當與人。因家事緊迫。圖得現錢救急故也。今秋稼未收。而霍培成串爾以原價贖地。紀占彪空出一回當價。毫無利息。不肯放贖。或卽爲此。以情理而論。紀姓當地多日。未食其利。霍姓今日贖地。今日卽可收秋。世間會佔便宜者。無過霍培成矣。此案不必喚訊。卽以一批了結。地准霍培成贖去。其地內秋禾。着紀霍兩家各收一半。勿再爭訟。此飭。

批白川成呈詞

控情支離已極。爾孀嫂攜女拾花在爾家住宿。爾被王世祿喚去。遭白書官夤夜撬門進內。偷去棉花五捆。復將爾孀嫂刀去等語。查王世祿喚爾說話。何至整夜不歸。致賊人乘隙而入。二十日夜聞將人刀去。何以遲至三日後始控。此三日中。自應打聽確實。寡婦母女被搶。非若贓物可以隱藏。何以云不知去向。其中定有別情。姑候喚案究奪。

批石懷玉呈詞

此地是紀家與霍家折債之地。霍培成當給樊學春者也。既可由樊姓轉當石姓。何不可由石姓再當紀姓。如霍培成用原價六十二串取贖。而紀占彪霸抗不捨。控告可也。今霍培成並不贖地。而禁他人不得轉當是地。可謂無理取鬧。不准。

批詹爾敬呈詞

爾等新舊倉紳。向係自行交替。從前鑰匙帳簿。並非從倉房領去。此時何得向倉房交還。所稟殊屬糊塗。着自向王壁等交代。勿再冒瀆干咎。

批李王氏呈詞

爾收義子李金官。係何時所收。今若干歲。爾子帶刀逞凶。將爾房內等物。賣與何人。所拐婦女。係何人之妻。何以未來控告。李如林雷卜居相勸。成仇被毆。何以隱忍不言。既娘屋無人。何以抱告稱娘屋姪王公兒。既控稱爾子帶刀游蕩。何以該鄉地與該巡役亦無一呈稟案。所言殊覺不實。候飭役會同該鄉地巡役等。查明李金官有無滋事等情。稟明候奪。

批田升呈詞

爾等在前任手內。任意行賄。買賣班頭。朝更暮改。積成訟蔓。本縣何能屢爲爾等聽此雞蟲之訟。若再不了事。惟有一併痛打斥革而已。稟之。

批王英呈詞

雞毛傳帖，大千例禁，爾既瞥見，何不奪獲呈案，如其未見，何以知爲姜懷林等所爲。且持帖者究屬何人，帖中所言何事，着一明白稟復。

批李振忠呈詞

翁與長媳，因四房寡媳礙眼，遂同謀逼嫁，不嫁則打，究竟何事礙眼，言外之意，殊傷忠厚，惟稱爾女被毆成傷，候驗明再奪。

批楊元祥呈詞

爾作惡多端，以致雙目不見，而猶敢恃瞎作惡，此本縣決不能容者，惟既據悔懇，姑准改過自新，着卽疏枷取保，倘再肆訛誣，立卽杖斃不貸。

批劉錫嘏呈詞

此細事也。劉步合雖刁抗可惡。然管押兩月有餘。本縣於心不忍。故令其出押認糧。依爾之意。必欲其死於班管乎。若原差協同劉毓林等處息了事。勿滋蔓訟。切切。

批徐起鵬呈詞

陝西渭南縣關廟之公款。何以由爾攜至甘肅成縣出放。理不可解。且既係官錢。自應商同闔社妥爲生息。何竟由爾一人在數千里外。慨然以一百串錢借給同安德將倒之錢鋪救急。如果屬實。爾之昏謬荒唐。已該萬死。而况必無此事乎。明係爾欠關廟錢文。爾於同安德。在甘肅又有首尾未清。現在關廟向爾索錢。爾遂抓沙抵水。指同安德替爾頂缸。又串同姓無恥之徐芳徐陞菴作證。實屬愚詐已極。候訊明嚴懲。

批王進官兒呈詞

爾賣屋救貧。錢未到手。何得將賣約付給王見蘭手內。王見蘭既爲中管。自應一邊交錢。一邊交約。何以竟將賣約慨付王如林持去。以致如林執約拆屋。當其來拆之時。爾縱不在家。何竟無一人攔擋。况此事全係王見蘭之錯。未過錢而先交約。事後反推手不管。此等中人。先該打煞。爾何以不控見蘭。而專控如林。仰爾持批尋同王見蘭勒令王申兒父子出錢了事。不必終訟。

批陳忠魁呈詞

陳玉明該宋學升錢文不還。宋姓遂將爾麥價扣除作抵。已屬奇怪。及爾請人講理。宋學升反敢糾領十餘人。持械毆傷爾母。又拉爾牛。愈說愈不象話。姑候驗傷再奪。

批何發盛呈詞

據稱刀匪范元子霸姦爾之寡弟婦。業已數年。爾何以知而不言。爾弟身故乏

嗣理應在何氏門中擇繼。何以嗣子爲李桂生。范元子與何王氏。既然形同夫婦。爾爲胞兄者。尙且不管。何況桂生小小孩童。爲刀匪者。何必畏其礙眼。竟至打罵趕逐。大凡戀姦者。必是男女相悅。范元子既然霸姦多年。何又常行打鬧。何王氏既時常被打。何又忍死相從。及爾率同官人將刀匪逐離。該氏反向爾種傷潑鬧。所呈均不近情。着明白另呈覆奪。

批孔田氏呈詞

合夥生意。理應利害同當。昨已斷令倒閉錢帖。歸孔孟兩家分認收回。爾現有夫男。何得恃婦出頭妄訴。着卽斂迹回村。如有枉抑。令爾夫自來投案。

批李成德呈詞

李恆益因債拿爾貨物。共持去兩大箱一大包。究竟箱內包內。是何物事。何得顛預其詞。候集案質審。爾兄免喚。

批薛天仁呈詞

爾父母因荒餓斃。爾才八歲。公差卽拉爾要糧。查公差雖毒過豺狼。決無手拉八歲小兒要糧之理。是爾所言。一虛百虛。候原差黨升查明稟奪。

批黃章才呈詞

地係姚今祥之地。何得反云不與爾退地。爾既有錢佃地。何必定種此地。不准。

批王唐氏呈詞

爾此刻心向後夫。反訐前翁之短。所言何足爲憑。候訊究。

批劉增禮呈詞

爾高祖捐置義學義田。收族高風。令人景仰。前據劉永謙具控。劉善述霸管偷

賣各情。本縣忠厚待人。以爲人卽無良。何至掠祖宗之美。茲據爾等稟訴善述之祖劉敦敏。並無捐建義學情事。而新修縣志。竟聽善述捏弄。將爾祖糧儲公盛德美舉。移於敦敏名下。是善述之狡譎無恥。修志者之昏謬糊塗。均堪痛罵。併據該族長劉自新等具晰前來。大致與此稟相同。候傳案訊明嚴追。並將縣志改正。以爲欺祖吞公者戒。

批賀恭盛呈詞

爾將五十金之帳放給車夫劉智興之手。事隔一十五年。車夫已死。始向其姪劉南兒討要。而南兒又在臨潼界內。率請隔屬關提。實屬無理。仰自赴臨潼控告。本縣不答。

批辛田氏呈詞

辛氏家產。乃辛思敬一手所掙。辛含謙。思敬親子也。爾故夫含芝。乃另度之猶

子也。幸賴思敬收養。得以成家立業。查思敬遺囑。可謂至公無私。含查芝出門字據。亦可謂知恩感德。爾夫妻母子受人大恩。而乃佔居上房。久假不歸。使含謙等反居偏院。爾夫有知。何以對三叔思敬於地下乎。着卽迅速騰房。如違定提爾子辛秉南責押不貸。

批盧兆昌呈詞

卷查馬福來所遞訴詞。係由爾弟盧永兒手中。將馬買去。馬價爾弟收清。並非劉思輝賣爾之馬。何得云思輝暗唆。福來避案。此等細事。蔓訟五年。構訟者既任意刁誣。聽訟者亦自居聾聵。實屬可恨已極。仰原差迅速集案。分別訓懲。

批張雲錦呈詞

據稟已悉。王登科等假冒該生等姓名。來案稟請更換鄉地。實屬狂愚已極。候集案嚴懲。並着代書石權印明白回話。該生等既已晰明。着卽回館授讀。以省

波累。

批李永裕呈詞

爾身旁有如此訟師替爾寫呈，何患官司不勝，着將作呈之人，指出候奪。

批鄧樹忠呈詞

鄧王氏自願再醮，憑誰爲謀，是誰主婚，財禮百串，已交其長子澤娃。查鄧王氏既有二子，何以此錢歸長男獨得，候添傳澤娃及鄧合周質究。宋剛子乃詞中要證，免喚不准。

批田敬中呈詞

爾向百里以外之親戚告借錢文，爾妹乃年輕寡婦，何必攜之同往。九月十九，在姜家村阻雨暫住，天晴卽應起身，何以延今十七八日，仍未赴孝義探親，王

虎狼兒既糾合多人，刁搶爾妹爲妻，正所謂來者不善，何以村人一擋卽止。前月二十六日，刁搶未成，爾何以又延十日始來控案，種種俱不可解。案經准喚靜候集質。

批任三合呈詞

查爾表弟楊振坤，與其妻楊倪氏，並未到案。何以云振坤被押，倪氏與爾等同在店中。何以云忽然不見，所呈糊塗已極。着原差隨堂回話。

批趙玉茂呈詞

劉振德不能約束其妻，而反霸佔爾女。爾並非賣女與伊，何以任其霸姦三年。今始呈控，况振德前因他案過堂，實係一膿包無用之人。妻被人淫，何能淫人妻女。此呈必有主唆，候併案集究。

批方紀彥呈詞

所呈不盡可信。已故陳明元在日種地遺糧，爾等何竟甘心賠墊。至爾之己地，沖跌河內，此係何年之事。今年灘出新地六百八十多尺，何以確知卽是爾地。並不稟官作主，貿然播種，乃是自啓爭端。惟明元之子陳定兒，硬收他人種成之豆，亦屬貪橫。姑仰該房差同協約勘明復奪。

批劉長泰呈詞

高坤生假充程會元之父，無恥已極。姑念年老，准如所懇銷案。倘再敢訛詐，准會元拏送懲治，結存。

批杜正春呈詞

據稱九月二十九日，爾妻騎兒騾回家，路遇魏斗兒，亦騎兒騾一頭。兩騾互相踢敵，致斗兒受傷。於十月初二日身死，人不告爾。爾反告人，實屬糊塗混帳已極。不准。

批差役張明呈詞

前堂訊明馬登霄租種張太盛之地九畝。欠租四石。斷令將地退交。欠租免追。具結在案。茲據稟稱馬登霄一股已免。尙有張世興頂名一股未免。語涉顛預。可恨已極。究竟頂名一股。係在四石之內。抑在其外。若在四石之內。卽着照斷免交。如在四石之外。卽着酌交。似爾辦事糊塗。說話更不明白。着須備挨打。

批苟振坤呈詞

閱呈不禁失笑。爾旣力能生子。何必聽爾妻抱養他人之子。旣抱苟春生爲子。旋又另娶一妾。妾又連舉二子。以致爾妻吃醋。嗾令春生大肆鴟張。幾欲車裂庶母。囊撲二弟。何其凶也。揆其所由。都是爾自尋煩惱。俗語云。清官難斷家務事。本縣加於清官一等。生平專斷此種官司。着分別拘候喚訊。

批田韓氏呈詞

全是胡說。爾家於光緒四年買田校氏之地。遲至十餘年。尙未清丈。已屬奇怪。而田校氏已賣之地。硬將其弟田牛牛埋葬其中。爾夫婦居然答應。並許爲田。亂狗除留墳地二分。何其過於厚道。亂狗承爾如此感情。反硬索地一畝。不給。則令田均來將爾凶毆。爾一六旬老婦。竟用破柴致爾穀道流血。其意何居。原管田甲姓等。是否尙存。何以不列作干證。爾被毆時。並無一人眼見拖解。尤爲。搞恍無憑。爾子田甲子。年已三十。何用爾恃婦出頭瀆告。着伴作官媒分別驗明。該老婦脊背是否青腫。殺道是否流血。開單呈案候奪。

批賈蘭氏呈詞

呈詞愈覺支離。據稱詹元貞出錢七十串。娶爾弟婦賈曹氏。隨帶數百金進門。所花僅數十串。而得一人。又得數百金。那有如此厚利。白生花如欲謀財。何不將此數百金自行吞肥。而願以多易少。僅得財禮七十串而止。亦不近情。且此呈所言。前日堂訊。均未提及。明係訟師架捏。候添傳白生花賈落處到案復訊。

澈究。

試何振江呈詞

此呈何人所作。着明白指交。

資辛田氏呈詞

爾母子不得佔人上房。應住何處。着原差協同官人飭令辛含謙指給住宅。迅速搬移勿延。

批何振江呈詞

是誰作此不通之呈。明係危詞聳聽。尤可詫者。詞稱高忠義出錢十串。因楊魁控告。遂於初五日氣樞身亡。然則爾等均被捏告。何以不死乎。候質訊懲究。

批集頭石春祺呈詞

前堂諭令爾管東街。趙京武管西街。如果京武不管西街。鋪戶居民何無一人具控。爾言即使屬實。趙京武必謂挾嫌妄稟。意圖兼併。候飭京武好爲經理西街。倘有疏虞。惟伊是問。與爾東邊集頭無干。

批張樹正呈詞

訊悉劉套住。卽劉振德。與曹新盛張平兒等。互相纏訟在案。爾乃換一名字。作爲新案呈控。顯係受唆混狡。既稱爾姪身死不明。而又當堂供稱無傷可驗。既然無傷。有何不明之處。着卽併入前案添傳。併究嚴懲。

批王玉德呈詞

據稱爾不通書算。今年請人查算爾名下地糧。始知每年多完四畝銀銀。係王定娃與王培基串謀貽害等語。既要打官司。不可無見證。爾請人查算。究係何人。從何處查出弊端。既有此人。何以不列作干證。着明白另呈復奪。

批王長吉呈詞

爾與焦智會未曾打架，卽被戴步鰲等拖解。何以知其謀毆爾之腿臂。可謂奇談。世間討債不還。打架涉訟者多矣。爾等架未打成。何必滋訟。候差飭原管處令清償。不必妄言聳聽。

批李映藍呈詞

爾之逆子李黑狗。因案避匿。致爾受人命之累。已屬天理國法之所不容。茲逆子不歸。而惡媳復敢訕謗。爾竟無法可治。但求本縣作主分家。亦可憐矣。本擬將逆子惡婦拘案重懲。姑念爾此次並未首送。從寬斷結。卽仰爾官親張順全周繼魁李樹森等。將爾之家產。按五股劈分。爾夫婦分兩股。三子分三股。分家之後。着黑狗連妻帶子。遠遠搬開。將來爾夫婦身後所分兩股。除葬費外。均歸爾次子三子承受。不與黑狗父子相干。倘敢肆惡。着捆送來案。立時杖斃不貸。

批王張氏呈詞

爾子王順子自不成器，爾不在自己家中管束，而黑夜往王王氏家中尋鬧，如果順子與王氏姦宿，爾卽應雙捉住，以關其口。何以爾子潛逃，致該婦反打一掌。此爾自己作事顛倒，焉能怪人。况啓衅之根，全由爾子混帳，爾自應據實首送，乃此呈指控三人，並無爾子在內，尤爲糊塗荒謬。候驗明傷痕有無，先拘爾子王順子到案訊究。

批王隆盛呈詞

爾價當左克林之地四畝，租與左恆魁耕種，抗租未給，爾欲將地查回，自應由恆魁退地，何以云克林竊地不捨。自十三年至今，竟聽其竊抗七年之久。尤屬情理所無，究竟此地現在誰手，如其地在克林手內，是誰給伊經種。着明白另呈覆奪。

批王火柱呈詞

光緒四年，爾隨母下堂。業爲族祖王興太所佔。彼時爾胞叔尙在。何以不發一言。十四年，爾叔物故。十八年，爾嬖被楊代舉嫁賣。吞錢二百串。爾年已十八。何亦不發一言。直至今年，張姓等尋爾討債。始行控告。情節支離已極。究竟爾此時是否歸家。抑仍在繼父處。爾故父欠債多少。張姓究係何人。除張姓外。還有債主幾人。如何向爾尋鬧。爾叔死嬖嫁。有無同堂弟兄。着——明白具覆候奪。

批校維夏呈詞

該紳品學端粹。本縣素所器重。茲據舉報。呈正前來。自屬可信。准卽給諭。飭充可也。

批王新孝呈詞

爾姪王平安。並未借韓拉柱竹籠。拉柱之妻。何得硬賴。而且凶毆成傷。至稱竹籠係楊全娃借去。韓姓夫妻日久忘却。爾又從何處得知。所呈情節支離。姑候驗傷再奪。

批溫清泉呈詞

爾既販烟土。自應小心防守。何以上在車內。人睡車中。忽然失土三包。爾竟毫無知覺。李夢靈身爲米客。豈能中途竊物。姑候喚案澈究。

批廚人陶福堂呈詞

馬紳身爲局總。何以屢被告訐。殊不可解。仍仰鄭局總查處息事。勿落小人抱怨。切切。

批劉世述呈詞

據稱爾亦澤生先生嫡派子孫。劉氏義學義田。由澤翁發端。至其孫敦復始成其志。何以新修縣志。竟將劉氏義學。繫以敦敏之名。敦敏究係何人。是否卽爾曾祖。仰禮書前往會同劉氏族長。從澤生先生起。至現在興訟之人止。繪具宗派全圖呈案。以憑核斷。

批劉全允呈詞

據稱爾去年八月在家患病。呂逢渭使其夥李銑向爾鋪夥秦不成。謊稱與爾言明借銀百兩。秦姓遂如數付給。至今抗還等語。秦不成身爲掌櫃。未見爾面。遽信李銑謊言。慨以百金相付。此是何等荒唐。而爾反稱其忠厚謙謹。可謂悖謬。呂逢渭旣形同誑騙。爾於去年九月查知。何以事隔一年。始行呈控。明係兩家錢鋪銀錢來往。偶有積欠。爾平日畏生員之勢。不敢逼索。近見呂逢渭控其胞姪。經本縣嚴批訓飭。爾遂趁此具控。居心狡險已極。查借銀者李銑也。上當者秦不成也。爾可追秦不成。不成可追李銑。此是一定層次。何必滋訟。不准。

批吳明元呈詞

本日辛乘南在考院應課，已經本縣當面諭令贖房矣。至伊母子應搬何處，卽着爾等處令辛含謙速備住屋一所，俾得棲身此飭。

批田國俊息詞

所謂利息者，未審未結之案，官中調處息訟是也。若官已斷結，將刁告之人重責管押，聽候發落，則只可代爲乞恩，不得謂之利息。此案本縣於十月十八日當堂斷結，將何振江錢積官責押嚴辦，何須爾等具息。試問爾等不息，何振江遂不依本縣耶。此呈謬妄之至。着卽鼠竄回邨，勿得討打，遵結擲還。

批原差閻魁呈詞

胡說。那有如此巧事。五月之案，遲至十一月。甫將原被喚到，而被告又患病抬

回。既然害病，何不請驗。似爾如此疲癯，候隨堂杖斃，改差勒喚不貸。

批牛賀氏呈詞

呈詞不但支離，而且糊塗。爾有坡地一段，四年前被爾孫壻押於神廟中。爾自用錢百三十串贖回。茲被張福茂借看當約，騙局不給。意俟爾斃後得業等語。查坡地並不值錢，一段是若干畝，何以能當錢一百三十串之多。爾孫壻姓甚名誰，何以憑空當太丈母之地。爾又甘心自己持錢取贖，當約取回，自應銷燬。何以至今存留。張福茂無端借看此約，事屬詫異。爾卽應推阻，何以慨然付給。且又任其持去，而且張福茂借看，何以知是暢振雨主使。此係何年何月之事。何於今日始控。種種俱不可解。詞不列抱，照例不准。

批捕總毛德稟詞

高春本一無用之物，有伊不多，無伊不少。着降附卯末，停票一年，以警玩泄。該

班副總着前五名散役隨堂預備問話。以憑點充。

批張毓秀懇詞

田紀鳳一疊之僞。現爲齋長。諸臻妥協。來年自當仍舊。此無待稟請者也。着卽知照。

批劉明昌呈詞

王虎狼兒。見人婦女。輒卽冒充丈夫。起心刁奪。此豈尙可姑容。此案旣經爾等查明懇銷。姜毓秀及田氏兄妹。均免到案。仍仰原差安興。將王虎狼兒帶案候懲。遵結不用。

批王明芮呈詞

爾表兄嚴日法。應係自刎身死。自應卽日報驗。何以俟其弟日成殮埋以後。爾

始出頭呈控。殊屬荒謬已極。至稱爾聞知表兄因伊弟霸佔莊基。言犯自戕。爾既未親見其事。此語聞自何人。既稱投知路役。路役爲誰。何以不一同來縣稟報。呈詞諸多恍惚。候喚案嚴究不貸。

批田映森呈詞

據稱爾在祠堂設館。賀柱子乘夜糾人行竊。既稱賊有數人。爾僅孤身。何能將柱子捉住。而且呈中先稱勾黨賈來喜等。嗣又將賈來喜用紙粘貼。改爲其黨數人。足見爾控情恍惚。隨意妄指。現據賀牛氏以誣竊吊拷控爾父子前來。批准驗訊。候集案質究懲創不貸。

批楊增福呈詞

查九月九日。爾在案具呈。稱弟妻楊蔡氏貧難孀守。情願改嫁。懇請立案等語。茲忽稱差役王紀盛。賺霸爾妻蔡氏。然則九日之呈。是誰捏遞乎。候傳案嚴行

訊究代書張樹德隨堂回話。

批何生瑞呈詞

閱稟仍未清晰。該生前稟稱糶麥豆三百石之譜。究竟石數若干。並未靠實。此稟又僅稱糶錢七百五十串。究竟糶豆若干。糶麥若干。前稟稱每斗作銅錢二百五十文。豈麥豆同一價值。毫無貴賤乎。且義倉章程。只有風暵出易之事。無糶糧存錢之理。試問該生將糧糶出。存此七百餘串之錢。既不買賣。又不生息。畢竟意欲何爲。至係倉經費。看倉口食。均應在息糧項下動用。何得以糶糧正款。作爲雜項開銷。辦事殊爲荒謬。仰再遵照指示各節。遂一稟覆。併着戶房查明去年臘月旬報市估糧價。每斗值錢若干。檢卷呈案候核。

批祖秉田呈詞

爾前年辦娶寡婦雷氏。隨帶子女二人。准爾爲嗣。其子振堂。去冬被王姓刁唆。

自與屈姓爲傭，屢喚不反，今年十月，又遭素不務正之王姓串同屈忠受等，將爾妻女拐藏，偷拿銀物多件，果有此情，何以將近一月，始行呈控，拐妻唆子，都是王姓一人乎？抑兩人乎？爾妻之窩家，與爾子之僱主，都是屈姓一家乎？抑兩人乎？既稱將屈忠兒范魁娃交給路役，姑准堂訊澈究。

批工房呈詞

此案本縣早已洞悉，辛光釗捐款，先由長班收討，則爲李樹典抽吞，繼改糧差經催，則又爲王勤肥已，現經查出，猶敢硬抗不吐，惟有立斃杖下而已。

批臨潼民婦劉妥氏懇詞

斜口屬臨潼管轄，何得越境立案，不准。

批張太長呈詞

王建錡。卽張見豪。前堂供稱並非爾子。而爾又冒充親父。足徵混帳。紀明福是爾至戚。狼狽相倚。無法無天。候嚴訊懲辦。

批李廣錫呈詞

宋昌林長厚可風。而張桂銀宋體太之無良。益覺可恨。姑念原告允情。從寬釋出了事。

批潘蘭氏呈詞

羅玉洪家中過事。爾送錢一百文。羅永安未寫禮簿。爾從何處得知。爾只要自己禮到。管他寫與不寫。况一百對半錢。算得甚事。爾遂當作天大人情。向其理論。初一日打架。遲至十五始來控告。偏身青腫。何以能至縣城。失沒簪環。有誰看見。爾以年輕寡婦。爲一百錢之事。始而尋鬧。繼而刁控。爾家豈無一男子。而竟不列抱告。挺身到堂。實屬凶橫萬狀。此案不必傳訊。但令該寡婦當堂回

話，若驗無傷痕，重責發官媒管押一月，以儆刁告。

批康廷元呈詞

身爲教書先生。一味纏訟不休。實屬斯文之玷。前據原差稟稱。滿年修金二十一串。除收僅欠三串一百五十文。已撥交同義合號。任爾使用。何得一再纏訟。倘再不斂迹。定將同義合存錢罰歸書院充公。凜之。

批王振隆呈詞

據稱爾夥王壽壽。趕騾馱烟。突被張明剛糾合十餘人。刀砍爾夥。連騾帶貨。一併搶去等語。張明剛。本縣素知其人。乃百姓也。非強盜也。必係爾欠帳不還。拉騾作抵。爾遂捏砌重情。飾詞聳准。可恨已極。候驗傷差查覆奪。

批徐士鐔呈詞

該生與徐天佑同姓同縣。想係一家。該生僱夥押船赴雨金屯。忽遇徐天佑糾人上船。刁去銀兩。鎖押僱工等語。所呈太不近情。而且事在去臘。何以延今兩月始控。爾等肇衅。究在何處。既然人銀兩擄。爾船在何方。貨歸誰管。爾與徐天佑皆韓城人。雨金屯又係臨潼地方。何以事隔許久。無憑無證。在本縣案下妄控。不准。

批陳福起呈詞

查定章。稟報秋災。不過九月。而秋糧奏銷。以三月底爲限。今既無補報災歉之理。亦無展至忙後之例。查近來春雨及時。麥秋必好。仰卽設法完欠。勿得藉故推延。

批艾隆過呈詞

情詞支離萬狀。據稱爾於光緒三年。爲爾幼孫聘定陰成法之兩歲幼女爲童

養媳。去年正月圓房。至六月間陰成法接爾孫夫婦回門。中途歇店。乘爾孫睡熟。陰成法攜女夜逃。爾孫卽當還家。爾屢尋不獲。直至今年燈節後。訪得孫媳陰氏。嫁賣與下邳吳繼張爲妻。而爾並未見陰氏之面。並未知陰成法下落等語。查爾孫媳。去年六月潛逃。隔年始控。已屬不情。所謂半路歇店。係在何村何鎮。何縣所管。爾孫身非木偶。何以伊父女潛逃。毫無知覺。半夜開門。店家何不阻止。次早知覺。伊父女去猶未遠。何以不登時找尋。至於嫁給吳家。爾一則曰訪問。再則曰詢悉。究竟何人告爾得知。何以不列作見證。似此種種支離。顯係藉端訛賴。不准。

批曹瀨泉呈詞

爾尙未點驗。何云礙難辦公。究竟何人令爾辦公乎。自稱長班。尤屬謬妄。誰叫爾作長班乎。所稟混帳已極。

批原差李彥呈詞

稟詞顛預已極。查楊徐氏控稱楊雷氏同雷張氏捧損器物。自用剃刀種傷圖賴。是以命爾往查。茲稟一字不提。但稱徐氏不遵管處。實屬糊塗已極。若記責百板。另稟覆奪。

批總役黨升稟詞

爾等早不具稟。現值大糧開徵之際。忽請本縣出示。令花戶往糧鋪自納。既然糧規如此。何以歷年並未出示。獨請本縣出示。此示一出。花戶未必如期交納。而爾等糧差。皆可置身事外。從此渭南錢糧。無按卯完納之日矣。爾等衣服在本縣掌握之中。乃敢如此嘗試。實屬昧良大膽。現在比期將屆。爾有分釐比較不上。定將總役兩腿打斷。若爾差有漁利舞弊情事。亦惟爾等總役是問。

批李升稟詞

已據糧總毛德稟稱。爾前央李芝茂李芝愷向毛德懇求代辦糧務。該總役未

允。因此懷恨誣稟等語。查地丁錢糧。爲合縣要務。本縣責承各鄉糧總分里分甲。按時徵收。其催糧之人。是否得力。有無弊端。均由總役稟明分派。爾竟敢藉此一再稟控。實屬膽妄已極。姑候質訊。

批薛德祿呈詞

前次堂訊。爾弟薛德有。供出有賊竊衣物三包。放在家內。此物並非爾家之物。乃想發此意外之財。雖云取之於賊。其實與盜何異。前堂諭令將贓物三包起案。再行發落。今抗不交贓。輒請將爾弟開釋。實爾膽妄已極。不准。

批王王氏呈詞

爾乃七十五歲老婦。屢次控告子姪。自光緒十三年。至今蔓訟八年。屢結屢控。本縣細閱全卷。始則爾長子王庚申所爲也。後則庚申身死。爾孫王長生所使也。爾老邁糊塗。任聽劣孫播弄。從前偏信子言。控爾堂姪。猶可說也。繼則偏信

孫言控爾親生少子，可爲人倫奇變。無理無情。此案着山英於三日內，將王戊申、王庚辰、王長生，分別喚拘到案，聽候斷結。餘人一概免喚。

批周輿愷呈詞

天下斷無踏門入室，平空打架之理。既稱爾父子均不在家，忠義貴林等無端拿爾銅錢烟棒爾子，又從何處受傷。爾既受此委屈，何以不卽喊控，且甘心給錢六串，事在去年臘月初二，何以遲至二月初一，始行控案。所控忠義、貴林，二明耳物，金盛、禿合，均有名無姓，尤不可解。似此荒唐紕繆，何從究理。不准併飭。

批李參升呈詞

王升茂借失竊爲由，膽敢串同路役劉升，憑空至爾家捲拿衣糧各物，情殊可惡，候逮案嚴懲。

批劉周氏呈詞

劉玉成既如此無良，爾何以招留同住。傾心付託，所稱賣爾之女，奪爾之產，逼爾另度，俱係去年之事。爾何以忍受不言，甘心攜子乞食。而劉玉成將爾害到如此田地，猶不放手。夜夜從房上拋擲磚瓦，又要將爾刀賣。所呈無證無據。一派空言，究竟爾女賣給何人。吞爾三千金之產，有誰知證。又云要收爾麥，爾既有田有麥，何以日日乞討。伊要將爾刀賣遠方，此言是誰聽見。着明白另呈復奪。

批何明有呈詞

呈詞不明不白。既云楊雞娃姦佔爾妻。又云拐賣分肥。究竟爾妻現在何處。案關姦拐，爾已將雞娃扭交防營兵丁趙姓。楊生秀等何敢保釋。姑候喚案究訊。如虛倍懲。

批王德潤呈詞

劉卯兒棄妻不顧。將及一年。伊妻劉黨氏。與前夫之子飢窮難度。曾在案下稟請立案再離。批飭未准。爾係該氏房主。因恐該氏因貧自盡。呈請作主。查例載夫逃亡三年不歸者。准給執照另嫁。今卯兒去未踰年。該氏年輕力壯。足可傭工度活。何至遽萌短見。仰卽好爲勸管。代覓生活。如果卯兒三年不歸。准其立案再嫁。爾之房錢。卯兒歸來。向卯兒要。卯兒不歸。俟該氏屆期改嫁之時。從財禮中扣收可也。

批閻鳳玉呈詞

據稱正月廿六。爾往吳魁家討要麥錢。遭俞洛河挾爾斥用假縉之嫌。賴爾與吳魁妻有姦。呈毆訛詐。爾旣負屈奔控。卽不應聽其攔管。伊等旣畏控認非。何又復行訛詐。所呈殊不近情。事隔八日。是否有傷可驗。姑候驗明再奪。

批王福娃呈詞

爾稱爾父王興祿。於光緒二年奇荒之時。散糧救飢。黃玉林等欠麥不還。因討挾恨。串黨搜贓。誣爾家爲窩戶。又將爾入旬父母。推跌踏傷。此是何等冤憤。乃云因事微啞。忍。真所謂是可忍。孰不可忍矣。現據會首魏中順等聯名稟控爾父前來。豈會首亦係鈎串耶。荒年借麥。有何憑據。着臨審呈閱。王興祿免喚。不准。

批權秉彝呈詞

本縣稟明列憲。所有義倉糧石。每出易一斗。收還五升。原爲倉糧朽壞。是以對折收還。茲據稟稱。前任出易該倉麥石。將厥皮剝去另存。試問將此厥皮永遠存儲。作何了結。仰卽將好壞各麥。配搭停勻。俾民具領。勿再延挨。自貽咎累。切切。

批張國瑞呈詞

粟差陳升，畏勢圖財，延不傳案，實屬可恨已極。此案着改差二捕李金、頭捕穆魁，於廿五日傳齊人證送審，並帶革役孫魁隨堂問話。

批康大金呈詞

郭占鰲案尙未了，逃避他方，爾奉官諭充當保正，有何疑懼。如郭占鰲回村，仰爾等緝送來縣，以憑究辦。郭家子弟人等，如敢妄爲，亦准緝送嚴懲。

批劉純呈詞

閱稟具見退讓明禮，深可嘉尙。但此事已經本縣諭飭批爲倉正，雷澤庶暫爲倉副在案，未便朝令夕改。前已批明，決不令爾等受累，何必推辭。仰仍遵前諭接充，俟一年屆滿，再於常王二人中酌派一人接替，以均勞逸可也。

批張金寶呈詞

張禿謀兒。既係人牙。爾何得託妻寄子。飄然竟去。爾於十八年寄妻。二十年四月回家。妻兒俱杳。何以不立時喊控。及在華州尋得爾妻。已另嫁趙萬選爲室。何以不在該州具控。又折回渭南。向張禿謀父子索錢不足。始來控案。是爾但爲錢而不爲妻。已可概見。似此下作無恥。本不能准。惟張禿謀兒擅賣活妻如實。亦應重懲。仰役協約查明覆奪。

批侍衛宋春華呈詞

爾身爲侍衛。宜如何束身自愛。據爾供稱曩在三原。代張元傑營幹冒籍。代墊銀三十兩整。勿論替人辦事。無自己墊銀之理。即使屬實。爾令渭南人在三原跨考。而且行賂舞弊。已屬知法犯法。况爾既代付三十金。何以不使張元傑立一約據。迨事隔多年以後。忽以無證無據之款。向其索討。謂非訛詐。其誰信之。及訛而不得。竟敢糾領多人。夤夜入門。拉其牲畜。及張元傑喊追阻奪。爾竟將伊毆受鐵器傷三處。磚塊傷二處。此等行爲。與刀匪強盜何異。查爾從前在華

陰廟遊會。招集流娼。輪班值宿。一錢不給。致該鎮棍徒不平。與爾鬪毆。幾釀鉅案。似此屢爲不法。豈可姑容。着靜候詳辦。勿得妄瀆干咎。

批宋夏華懇詞

閱呈似有悔懼之意。此案雖未出詳。但職官恃符。橫行無忌。本縣早已函達上憲矣。能否免革。確爾造化。

批李見玉呈詞

爾年七十。何以有十一歲之子。既有此幼子。理應愛如珍寶。何以任聽李同寅叫去傭工。且屢喚均被阻擋。爾遂聽其措留不歸。已出情理之外。本月廿二日。李書童身死。當經同寅殮埋。是爾並未見屍。而且爾家與伊家相去五里。爾何以知是李定兒。李香兒。姐弟二人毆斃。至稱聞知往問。爾究竟聞自何人。何以不指出見證。既稱毆斃。則應指出受傷部位。具結請檢。何以不請檢驗。但請拘

究似此荒唐紕繆，顯係圖訛。現據李同寅以藉死圖詐等情呈控前來。爾之無恥無良，實堪痛恨。若卽斂迹回家，倘再誣訛，提案杖斃不貸。

批李同寅呈詞

昨據李見玉以毆斃偷埋等情，具控到案。知係藉端圖詐。茲據稱李書童始而乞討，經爾收留，繼而暴病，爾又醫治。有李文德等始終在場可證。是李見玉之喪良誣控，法宜重懲。姑念熱審之時，免其拘喚。以後李見玉倘再到爾家訛鬧，准爾喚同鄉約戶族人等，細送來案，以憑懲究可也。

批楊李氏呈詞

爾子生傷，早經驗明。嗣據該約報稱因傷身死，復經詣驗。填格核辦。併據羊娃供認，奪鎌砍毆致傷，情願抵償在案。候復集質訊明確。按律擬辦，勿庸多瀆。

批丁汝太呈詞

律例禁鹽而不禁硝。爾如所賣是硝非鹽，何以甘心將一萬餘斤之硝，任聽山西鹽勇指作私鹽，投諸渭水。自今年設局緝私以來，本縣何等告誡，令爾等囤賣小鹽之戶，改業謀生。而冥頑不靈，偷買如故。致爲巡勇拿獲。既將一萬餘斤之私鹽，全付流水，何惜此一千餘斤殘剩之鹽屑。而輒以十二吊錢，賄屬鹽勇。准爾私賣。該勇始則圖錢暫允，繼則窺賣屢訛。是爾等之荒謬糊塗，實堪痛恨。今乃以鹽冒硝，懇請本縣爲爾作主。尤爲謬妄。着將餘剩私鹽，一齊查封。仰役吊驗雙興店帳簿。如果鹽勇詐贓十二吊屬實，卽着照數吐出。如違帶案嚴究。併移江委員知照。

批孫萬林呈詞

案情離奇已極。爾子孫木娃，與孫見德等四人，在無量廟中睡宿。忽於三更時，被人越牆入內，刀砍爾子腿脚血傷，仍復越牆而逸。其時同睡之人，及住持鄒道士，何以不登時追捕。爾子受傷，並非致命之處。何以逾時卽斃。况十七歲少

子。既非圖財。又非挾怨。黑夜行凶。究因何事。候詣驗緝訊究奪。

批陳金太呈詞

查陳孝升卽陳順。聽受妻言。倚仗充當差役之勢。輒以細故飾傷捏情具控。計圖拖害平人。居心險狠已極。此案前將陳順重責鎖押。因伊又妄引陳金大作證。本縣姑且以人治人。諭令添傳復訊。實則案已訊明。陳順妻女在陳喜希麥地糟害。喜希奪籠罵阻。其妻卽撒潑種傷。陳順卽恃差妄控。所以不卽斷結者。不過要將陳順多押數日。以儆劣差耳。爾等稟稱兩造均願息訟。實屬多此一息。陳喜希及爾等均着回家安業。陳順押候復訊定奪。

批趙克全呈詞

爾等所管。本縣不甚明白。既云陳馬氏將地五分作錢二串。賣給陳袁氏。何以又令馬氏賠錢三串。此等糊塗稟詞。遞他做甚。

批王恆盛呈詞

爾與張金童有何交情，一再與伊耽揭錢麥，殊不可解。至稱初四日，爾向討要。伊不但不給，反賴爾調戲伊妻，並將爾毆傷，縱欲賴帳，何至誣姦，爾可謂自貽伊戚矣。控情支離，顯有不實，姑候驗傷再奪。

批田鳴等呈詞

黨升老成穩練，勤慎從公，乃最爲得力之人，一旦病歿，深堪憫惜。其子現年若干歲，作何生理，着查明稟覆。頭鄉各役，着於明日隨堂聽點。此飭。

批梁德呈詞

稟悉案銷，以後凡有犯案婦女，曾經過堂者，本署書差人等，一概不准接娶。違者責革離異，將此批牌示儀門，俾衆周知。

批所夫頭秦有呈詞

張升不能抬轎。強吃轎班工食。不令抬轎。卽吞煙種命。此風斷不可長。張升着不准當轎夫。並不准當所夫。卽日驅逐回家。勿許逗遛滋事。此飭。

批張張氏呈詞

此案因藺欽善謀佔張氏之業而起。張田氏聽欽善主唆。以年輕寡婦來城涉訟。居住革役孫魁家內。實屬有傷風化。張國瑞因訟身故。固屬有病。亦由樞氣使然。豈可不爲究理。現在老而不死之藺欽善雖然逃跑。而韓增德田丁丑等尙在。訟案終須斷結。方免後累。爾旣係張門老寡。自應爲顧張門。本縣斷事持平。決無刻待青孀之理。仰該差迅集送訊。一堂斷結。永息爭端。勿再縱延。並不准凌逼孀寡。速速。此飭。

批黨振呈詞

爾本非差役。本縣因爾父生前著有微勞。推恩及爾。予以卯名。乃今日入班。今日卽遞稟詞。請以田鳴爲總役。如此糊塗荒謬。殊出意想之外。着隨堂候責。

批張興呈詞

本縣用人。自有一定權衡。前日黨升病故。當堂點驗頭糧各役。詳加考核。均非總役材料。是以遲遲未決。茲乃以閤班十八人聯名公舉田鳴前來。實屬荒謬。糊塗胆妄已極。着本日隨堂候訊。若十八人中一名不到。則此稟必係田鳴捏遞。該房預備革條。靜候吩示。

批李大炳呈詞

爾於光緒十七年冬月上控閤成兒。發縣訊詳。迄今四年。從未到案一次。本縣到任兩年之久。亦未見爾呈催。查例載原告無故兩月不到。卽將案查銷。嗣如再控。卽專治以誣告之罪。此案早經本縣詳銷。爾忽於抗避四年以後。具呈請

究實屬刁玩已極。倘再瀆控拖累。定行提案重責不貸。所控不准。

批王映蘭呈詞

據稟張鳴所欠。不過二十餘串。爾歷年吞欠公項。至三千餘串之多。除交外。尙欠一千餘串。若張鳴應當比追。爾自己又當如何。着迅速變產清交。勿得取死。

批王紀合呈詞

候改差喚究。查陳升承票之案。往往臥票不傳。亦不稟復。藺欽善一案。與革役孫魁。朋比作奸。實堪痛恨。此案一面改差二鄉捕班。一面着陳升明白回話。該房預備革條伺候。

批李殿元息詞

牛來鵬與其表嫂王賈氏言犯。武生劉建烈。非親非故。事不干己。因甚將來鵬

打傷。况王賈氏之夫。既不在家。該武生不避嫌疑。往少婦家中做甚。此案不准息銷。仰該差速集送審。遵結擲還。

批趙景廉催呈詞

康永連現尙在押。若不清交。自能爲爾比責。爾自赴省應試。何必守候。但爾既志切觀光。何以昨日日本縣決科。爾不應課。着補作一藝。限初四日交卷。然後赴省可也。題爲如切如磋者十二句。

批劉致財呈詞

楊士坊抗糧毆人。誠屬有玷青衿。至爾稱丁銀被打失遺。亦係捏賴。候喚究。

批楊茂和呈詞

爾等可謂無用矣。楊四狼夫婦。在其親家李永春家中罵鬧。致永春之妻氣忿。

投井身死，楊四狼恐得威逼之罪，亦卽投井身死，兩命相抵，適得其平。兩家各自葬埋，從此其怪遂絕，而爾等輒稱李永春橫不依理，究有何理可依耶？仰原差照此批行。

批石生雲呈詞

查前任原斷，但令石春全交麥十石，錢八串。嗣於去年十月，本縣復訊，免麥二石。本年五月提案比追，將春全責押，旋於六月二十三日，由春全交麥八石，錢八串。爾等於廿八日，如數具領，有交領各狀存卷。何以事後添砌多款，瀆請追究。實屬謬妄已極，不准。

批趙建亭呈詞

爾等所說，本縣不信。着趙景廉稟覆候奪。

批趙廷祿呈詞

趙來福於毫不干己之事，挺身往鬧，持械逞凶，實屬不法已極。近來匪徒，往往於保釋以後，逞凶滋事，如張忠述、李收心等，皆罪不容誅者也。爾等今來討保，着出具切實保結，如趙來福再行滋事，定將保人一併杖斃。爾等有此胆量否。

批郭德呈詞

爾借宿茶鋪，竟致糧票被竊，店主與爾均屬形同死尸，可恨之至。姑候差緝究追。

批萬興隆呈詞

據稱熊兆福夫妻，有孀媳柳氏，於光緒十二年，憑媒立據，招爾爲夫，生養死葬。爾進門帶錢二十串，還債八十串，而輒稱共用錢數百串零，已屬自相矛盾。十八年防營馬兵何天有，將爾岳母及妻一同拐逃，訪查無蹤，查防營有一定之汛地，營兵有可指之姓名，何至事隔三年，始行具控，爾等郎西客民，冒認妻子

及賣妻復翻者，不一而足。此案恐又係訛賴，姑候差約查覆再奪。

批李吉祥呈詞

據稱李鳳林母子。因爾處事仁義。將其幼妹李香兒許給爾子。此係愛親結親。何至意圖另賣。既欲另賣。去年正月。又何必送至爾家童養。及今年六月六日。圖房廿八日。香兒回娘家邀住。爾即以拐逃具控。查女住母家。何得謂拐。李鳳林是藍田人。自回本籍。何得謂逃。呈稱勢必另賣。則未賣可知。何得以揣度無據之詞。自傷親誼。仰即自赴藍田。將香兒接回。如果措留不放。自向藍田縣就近呈控可也。

批員有合呈詞

姑准息銷。結存張子敏身爲秀才。藉他人妻死。唆鬧圖訛。實屬膠庠之蠹。倘再被告發。革責不貸。

批楊丁氏呈詞

爾娘屋豈無一人。要爾再嫁之姐出頭具控。據稱爾娘屋弟丁茂榮去夏身故。遺妻王氏與丁狗娃苟合。旋於今年四月拐逃無蹤。今始查知在蒲城白路居住等語。查山西人在蒲城住。何得來渭南具控。不准。

批杜槐枝呈詞

爾年甫二十一歲。何以爾係杜進財娶妻身故。且有曾孫二人。其爲冒充祖父無疑。不准。

批許定鈞呈詞

稟詞顛頂已極。張茂成之錢。是惠興昌用乎。抑代挪乎。若係自用。則應興昌自還。若代信興合號揭使。則應該鋪歸還。若再看明約據。將資東王彥倉及惠興

呂喚至一處。質對明確。處令還帳了事。勿任延訟。切切。

批郝梁氏呈詞

同胞姊弟。爭田興訟。風俗之薄。可爲慨然。惟該氏兩世孀居。其弟梁鱉兒。梁拐兒。不能顧卹。反敢抗租賴業。如果屬實。法當重杖究追。准喚案察斷。

批劉相棟呈詞

爾因有地無糧。呈請作主。具見良民知禮畏法。深可嘉尙。着該里糧差會同里書查明劉相棟名下。何以地多糧少。稟覆核奪。

批蔣兆麟呈詞

爾堂兄蔣兆祥。刁搶有夫之婦。與其胞弟作妻。致本夫朱春壽。三載埋冤。情堪痛恨。姑念案已完結。屢經懇釋從寬。准其取保。倘再犯法。立斃杖下不貸。

批劉雙成呈詞

據稱爾母劉尙氏，於光緒十七年，被師登雲賺哄，與伊同住，爾父因此嘔氣發瘋。不知去向。彼時爾年已二十，不爲幼小。何以早不控究。查爾係商州客民。師登雲在華州居住。均與渭南無涉。仰卽自赴華州控理。勿得混瀆。

批張世潤呈詞

據稱閻居銀於光緒十一年，借爾資東本銀五百餘兩。又稱爾資東於光緒元年得病。五年物故等語。其人已死。安能借錢與人。實屬自相矛盾。令人不解。不准。

批朱春壽呈詞

胡說。爾真可惡已極。無良已極。無厭已極。應該一頓打殺。不准。

批張思智呈詞

仍然胡說。爾前呈爾並未長支號內一文。此次呈稱支錢五十串有帳可憑。可謂自相矛盾。况猶亂以後。何得復有帳據。卽有帳據。誰其信之。至稱賀俊祖母借爾驛頭。被賊拉去。俱係年湮代遠。無憑無據之詞。從何訊斷。仍不准。

批劉楊氏呈詞

劉全德等如此凶橫。實堪痛恨。爾夫傷已驗明。着發給三黃寶蠟丸一包。好爲調治。劉全德業經逮案。押候訊究。

批劉清德呈詞

好糊塗。息詞姑准。糊塗銷案。

批李玉昌呈詞

爾究竟是老人，頗懂道理。此案所以不結者，以前堂約據未到耳。今既交案，明日一訊即結。爾子前已受責，必不再打，爾可放心。

批朱永太呈詞

莫園客是誰。被何人害死。何以未來報驗。輒自買棺私埋。事隔一年。乃因討棺材錢具控。殊屬糊塗荒謬已極。着明白另稟候奪。

批荆俊昌呈詞

爾家被竊。何以知該賊撥門之刀。是董姓肉架之刀。着明白稟覆。一面出差緝究。

批程福祿呈詞

據稱爾十四歲之子程卯娃。於七月初間。與鄒豬娃下河探水。落在深處。豬娃

不惟不救。反用扁担將爾子戳入河心。以致屍身無着等語。查爾子月餘不見。爾並不知其是生是死。今僅憑楊牛娃一面之詞。遽謂豬娃謀命。究竟豬娃與爾子有何深仇。下此毒手。牛娃現年幾歲。既然當日眼見其事。何不立刻呼救。何不登時向爾說知。乃於四十餘日以後。閒中談及。小兒亂道。何足爲憑。是推落僅傳聞之詞。溺斃又無屍可驗。何從准理。爾尙據牛娃之言。往尋豬娃之父。無憑無據。事隔多日。誣人以謀命重情。宜乎爾之挨打也。本縣案下。信口誣賴者。無不吃虧。爾復敢來嘗試。候驗明傷痕。再奪。

批雷畏三呈詞

爾既係職官。何得無端插訟。而且手持錢票。親入班廳。向差役行賄。被該役擲票大罵。即使屬實。爾可謂自輕自賤。伊可謂罵所當罵。而况據爾表弟供稱。並未被告。是爾不惟插管。且又誣訴。本縣去年因恃符扛訟者太多。稟奉撫憲批示。凡職員軍功到堂。不將執照保扎呈驗者。一經問涉虛誣。照平民一例答押。

早經出示曉諭，爾竟敢不持保扎，挺身到堂。事不干己，控無實據。實屬刁健糊塗。本應詳革究辦。姑念尙知悔悟，而且已受責押，暫開一綫之恩。免其詳辦。仰卽出具悔過切結，永不得干預訟事。欺訛鄉民，仍懇請邑中正紳具保，方予釋放。此飭。

批姜可紅呈詞

據稟將新灘之地，按畝收租，以補水冲之額。所請甚是。卽着地戶方志約等照數納租。何仕成等免其賠糧可也。結單附。

批田王氏呈詞

呈詞殊不可信。田王氏年輕婦女，何能黑夜跳過一丈餘高之牆，跟人逃走。事在七月七日，何以遲至四十餘日始來呈請立案。其中定有別情。所懇不准。仍候差飭協約訪查實情。稟覆核奪。

批馬建勳息詞

此等小事。本不宜涉訟。爾等管和。不惟省事。而且積德。可嘉之至。案銷結存。

批韓九兒呈詞

張世昌既爲爾素識。何敢黑夜明目張膽。拉騾奪物。毆爾受傷。明知爾在後跟隨。何又從容不迫。在河灘喂騾。坐待擒捉。呈詞支離萬分。候驗傷察奪。路役所獲高三娃。先行送訊。

批王明德呈詞

此案是否魏豬兒調姦釀命。原無確證。惟豬兒係從前毆人致死。擬絞減流。遇赦回籍之犯。茲又鬪毆肇衅。是以重責管押。以待覆訊。茲既據爾等查明。並無調戲各情。蔣劉氏實因窮愁自盡。業經爾等管息。姑准如懇銷案。魏豬兒倘再

犯法。定卽杖斃不貸。遵結附卷。豬兒取保。

批紀清璧呈詞

已於紀鳳清詞內批准喚究矣。惟查王紀氏。旣爲其翁王金玉所不容。逼令大歸。爾等又何必勉強送去。及其將媳賣與爛褻子。諒非一日之事。爾等豈毫無聞見。乃不控於未賣之先。而控於旣嫁之後。卽使斷歸本夫。而王紀氏已爲爛褻子所辱矣。

批徐天財呈詞

安興手下。竟用出如此惡差。實堪詫異。着派四糧毛德三捕南德。將何獅子、王文秀、雷八娃、老王等。一齊鎖拿來案聽究。限今日卽到。如遲重比。

批李殿芳呈詞

爾女會兒寄養李丁子家。去歲年荒糧貴。乃議財禮錢廿串。將會兒許與劉姓爲婚。分給丁子錢十串。將女叫回。而丁子輒又將女偷負而去。此猶是去年之事。爾何不卽時控究。直待丁子將女另賣防兵。始行呈控。皆爾自貽伊戚。防兵爲誰。何無名姓。姑准喚案究奪。

批馬思義呈詞

程馬氏。是馬康氏親女。爾是馬康氏堂孫。孰親孰疎。不待智者決矣。康氏在世。旣以地五畝與其親生之女。爾以疏屬藉繼嗣爲名。白得康氏遺業。已屬便宜。而復與姑母爭此五畝之地。實屬貪賴已極。不准。

批劉德春呈詞

據稱爾欠李丁柱錢三十串。光緒四年。忽有生員王積發卽王敬煜。向爾聲稱李家帳項。概賣與伊。爾遂在敬煜名下。認利十五六年之久。迄今丁柱年長持

約索欠。爾始知爲敬煜所欺等語。敬煜欺幼生奸。誠堪痛恨。爾之糊塗。亦屬天下無雙。爾該李姓之錢。忽然過於王姓名下。爾自應索觀原約。並當面問明丁柱母子。是否將帳賣給王姓。質對明晰。方爲有證有憑。乃毫無把握。但聽王敬煜一面之詞。慨然付十六年之欠利。爾行年六十。豈是三歲孩童。任人哄騙耶。爾尙敢請教本縣該認誰爲帳主。事到如今。爾尙明知故昧。俟到堂時。質明訓責。

批張進德呈詞

胡說。慶兒不准免。蒜子不必添。

批楊史氏呈詞

南夢娃既係本地有名有姓之人。何能青天白日。攔路強拉牛隻。詞稱周甲娃被毆。而又云不敢冒然請驗。其虛可知。查得去年南夢娃與南致奇與訟有案。

著檢卷送閱。此案候差約查明奪奪。

批王德祿呈詞

律有出妻之條。無捨妻之理。爾妻犯姦有據。退歸娘屋可也。何得捨給爛襖子爲妻。實屬異常荒謬。姑候添喚察斷。

批賈廷孝呈詞

土局所收者行商也。爾等所交者坐賈也。巴邑若無行商。該局卽不得收錢。爾等仍照舊完納月釐。若有大宗商販在巴邑收買煙土。爾等亦不得借口已完月釐。自干漏稅之罪。此飭。

批劉德海呈詞

立昌長號帳收絕戶姜振有之地三段。於光緒十一年佃爾租種。每年秋租四

石七斗，十五年被同然理號強收秋禾。彼時立昌長何以不控。後經說合。每年與同然理分租一石六斗。既稱三年來相安無異。爾何以今年又要換約。既與立昌長換約。何以又被同然理將約奪去。以致一持舊約。一持新約。均向爾要租。所呈無情無理。顯有捏飾。爾於十一年業已退地一次。此時何妨仍將地畝退回。任伊兩家去打官司。與爾無干。豈不甚妙。所請喚訊之處。應無庸議。

批馮喬氏呈詞

鄭州主訊斷公明。本縣素知。况原被告全係華民。何得將華州審結之案。歧控渭南。不准。

批趙新科呈詞

爾從前阿附詹炳蔚。朦遞息結。幾使苗倪氏冤不得伸。宜有今日兩婦人滿地打滾之報。閱呈殊覺痛恨。所控不准。

批盧漢章呈詞

據稱爾於咸豐三年，代爾姐夫揭錢，曾否持有約據。嗣於同治五年，代爾孀姐幼甥還帳數十串，有誰見證。光緒四年，爾出本錢與爾甥李豬兒，在故市開設飯店，既稱生意得利，爾何以棄之而歸。致使爾甥獨霸，迄今十有五年。忽稱豬兒買屋置業，由飯店而作財東，皆由爾十七串本錢而起。既然生意如此興隆，爾何以十餘年置之不問。似此妄言訛騙，廉恥全無，再查爾今年五十三歲，是壬寅生，咸豐癸丑，爾才十二歲，何以能代人揭錢呈詞。種種荒唐，代書張士珍公然信筆亂寫，均堪痛罵，不准。

批韓鑫稟詞

着自行赴試，以歸簡易，惟查爾去年曾經在縣起文，此次不用冊結，能否進場。爾自酌度可也。

批李春賢呈詞

么麼武生。擅用紅菓。足徵膽妄。原稟擲還。着遵式另呈候批。

批何恩壽呈詞

凡詐騙之人。其心必有所貪圖。如爾所呈。王金凌所爲何來。將爾欠伊銀十兩。移在劉姓名下。作爲財禮。謀騙爾女。婚事若成。則劉姓得妻。與金凌何干。事不成而退銀。則劉姓得銀。更於金凌有損。人雖至愚。決不至此。揆厥情事。恐係爾先受聘金。繼又翻悔。候飭差約查明覆奪。

批劉普利息詞

劣生蠹役。均在本縣洞鑿之中。本擬懲一儆百。茲旣畏法息訟。姑且省事。結存。

批白成德呈詞

此案息結，已歷七年之久，何得寒灰復燄，骨肉相殘，不准。

批張丕凝呈詞

爾嫂在生，既係爾供養，何以死在外孫張供兒家內，而供兒又復偷埋其尸，偷賣其地，所控太不近情。既稱外孫，則供兒之母，必係爾嫂之女。爾嫂失子，邀在女家，生前經其奉養，死後即便葬埋，爾窺故謀業，砌詞妄控，此事之顯而易見者，不准。

批韓鑫呈詞

爾等並不冒昧，何必過謙，既來起文送考，着卽照章申送可也。

批原差王魁稟詞

此兩婦人久知其不是東西，着帶案遞解回籍。

批程正昶呈詞

據稱光緒七年。吳玉林將關山鎮房屋一院。作價六百串。抵歸爾父爲業。立有約據。迄今十有四年。爾父子曾否將此房招租出佃。况房既歸爾。爾家自應隨時經管。何以由徐玉林招引馬隊。佔爾房屋。究竟馬隊於何時佔起。未住馬隊之先。此房作何安置。來呈一味含糊。令人不解。着明白另呈覆奪。

批景兆太呈詞

從前景星高誣控曹七兒黑夜拉畜。毫無影響。茲爾景兆太又控毛兒弟兄謀地抗價。殊難憑信。據稱伊將爾拉至悅興銀樓。硬書九十串賣約一張。及至要錢一文不交等語。查賣地必須清丈過割。不能率爾了事。錢未交清。爾何得付與約據。悅興銀樓近在西街。非鄉野地方。蠻不講理者可比。爾如不願賣田。儘可憑該銀樓說理。亦可來縣喊冤。何竟聽從於前。翻異於後。所呈種種不情。難

保非景星高挾嫌主使。候飭差查明覆奪。

批原差于興呈詞

經官驗明斷結之案。原無給錢之理。惟蘇善榮等自願幫錢。亦是積福行善。既然以錢予人。自應俾沾實惠。何得將打散酒席材木錢文。一併從此款內扣除。試問蘇芝榮係屬苦主。因何設席請客乎。寇悅德借管事爲名。從中取利。實堪痛恨。着勒令出錢二十串。交蘇芝榮具領完事。如違送案重責不貸。

批邱永惠呈詞

據稱去臘廿九日。有與爾東不睦之人。乘息訟之後。陰謀陷害。竊發爾東瑩柏。懇祈密拿等語。爾東家是誰。與爾東不睦者又是誰。何年何月。因何事構訟。又於何時息訟。來詞糊塗已極。試問伐樹之人。無姓名。無住址。從何處密拿。着明白另呈候奪。

批萬淩呈詞

爾去年控稱爾聘媳李杏兒。於臘月二十日。被劉保初接去。茲又云劉保初擇於正月十九日迎娶。既已接去。何必再迎。稟詞矛盾已極。原稟稱爾去冬過禮。送錢一百五十串。衣飾值錢三十餘串。人未過門。豈有將錢全送之理。既然財禮如此之豐。則爾家非貧寒可知。何以又云家寒。欲爲小接。不待親屬。種種俱不可解。養明白另呈候奪。一面仰差約協同兩家原媒查明稟覆。

批賀養明呈詞

稟稱賀如海藉尸訛詐。應准驗究。惟查爾弟賀黑兒。與如海之子賀冬至互毆。事在去年十一月二十四日。彼此均未控案。茲冬至於正月十六因病身死。卽使從前受傷。已遠在辜限之外。賀如海何得平空訛賴。現逢考試大典。屍父又未報案。未便輕率詣驗。仰該管捕頭迅速馳往。會同鄉約及原管人等查明賀

冬至之死。是傷是病。如尸父必不甘心。着卽來案指明受傷部位。出具誣告反坐切結。以憑詣驗。如該尸父不敢報驗。卽着埋尸了事。勿得訛詐。自干罪責。切切。

批賀如海呈詞

爾子賀冬至去冬被毆受傷。並未報驗。無案可稽。突於今正將爾子抬至賀黑兒家中。延至十六日隕命。既稱因傷口進風所致。何以但請拘究。不請詣驗。其爲藉傷圖賴。情節顯然。昨據賀養明以籍病圖詐等情。控爾到案。已批飭差約原管據實稟奪。併着爾出具實係因傷身死。誣甘反坐切結。以憑詣驗。如不敢具結。卽係誣訛。亦當重懲。以警刁風。今既來案。着卽具結呈核。再查賀養明原詞。稱冬至黑兒互毆。事在十一月二十四日。爾稱臘月八日。顯係訟師改移日期。以就保辜之限。殊不知從前並未經官驗傷。取具保辜結狀。此時爾子身死。亦斷無問抵之理。在爾只圖陷害洩忿。借尸訛錢。本縣案前。豈容爾等刁徒嘗

試耶。仰役迅照前批辦理勿遲。

批焦蔚清呈詞

昨據劉韓氏以唆媳逃外等詞控爾到案。當以情節支離。批令明白具覆。茲爾呈控云云。與該氏呈詞大相徑庭。究竟劉趙氏現在何處。去年何日同何人赴川。何以孀姑劉韓氏不管鋪事。而年輕寡媳赴川經理。着爾明白具覆候奪。

批薛元珍稟詞

此次兵差用車。每里祇派一輛。行坐價由局給發。里下縱有幫貼。何至一輛車貼錢二百串。萬一每里徵車十輛。豈不須貼二千串乎。稟詞殊屬荒唐。仰原差妥爲了結。勿得藉差漁利。

批差糧薛愷呈詞

大戶任寶臣欠糧不完，反稱任稟不懼。本縣案下，決無如此頑民。着李升派一
妥役查明該糧差花戶，因何挾嫌具稟，諭令任寶臣迅將尾欠完納了事。如薛
愷格外需索，亦卽稟案候懲。

批原差于明呈詞

向有之牆，因雨傾倒，爲何不許另築。着照向來界址修築。員義元不得刁阻。員
天祥亦不准過界。

批秦成林呈詞

張成兒現在歸宗，縱非爾子，亦是爾外甥，果然目無尊長。爾妹豈能庇護。爾身
爲母舅，打也打得，罵也罵得，何必屢次送官。徒然貽累。試問差票一出，爾能不
花一錢乎。本縣好言開導，爾自思之。傷單附卷，仍仰差約查奪。

批權秉彜稟詞

所稟甚妥。本年倉正，卽着雷振遠接辦，以後輪流充當，均勿違抗。本年修倉不敷錢文，着在局具領，仍將用過錢數，開具清單，呈案備核。

批柳蔭陶呈詞

據稟已悉。孝義城工局帳，本可不必清算。何也？從前儘收儘用，收多少卽用多少。此時若責其用帳不實，亦屬無從追究。只有寬其既往，慎其將來。惟趙紳於光緒十九年二次進局，忽將其私債二千兩，撥歸城局認還，實屬異常荒謬。此後趙某不得再與局事。德日新之帳，亦不得向局索還。卽以此批斷結此案可也。至團防一事，另諭飭趙紳呈案之帳，着存房。

批值年李彥平稟詞

車價雖無一定，然亦不能過於居奇。何至每日需錢三串五百之多。而局發之行坐各價，亦歸車夫承受。事太無理。誰肯攤錢？客民領種叛產，已經升科完

糧者。自應幫差。仰該管糧差查處覆奪。

批楊正祥呈詞

所呈荒唐已極。楊居寬與爾妻有何深仇。何至兩次糾人毒打。爾妻既被毆傷。自應控告請驗。何得竟將受傷之妻。抬至楊家過夜。又不留人看守。致被推入井內。是爾妻之死。實由爾藉傷訛詐所致。現據楊居寬以受唆移賴等情控爾到案。候詣驗明確。若無毆打傷痕。定治爾誣告之罪。

批王順官呈詞

此呈係何人寫作。何以無代書戳記。爾妹被其夫兄毆逼投井。何人看見。爾與爾母爾舅聞報往看。任喜兒等持械趕逐。爾與爾舅逃跑。何以棄爾母於不顧。致被毆傷。究竟爾母現在何處。查爾妹十三日投井。今已五日之久。是否已經棺殮。抑尙停尸待驗。均未聲明。如果尸未入棺。時當三伏。尸停五日。任氏兄弟

及該村鄉約，豈有不報請詣驗之理。如已入殮，棺豈可以輕開。現在藉屍訛詐之案，不一而足，仰役迅喚任喜兒及年有村鄉約來案具稟，原報王順官隨堂候訊。

批馬計有呈詞

爾始稱馬生春爲堂叔，繼又云兄故乏嗣，語不可解。究竟馬張氏是爾堂嬖乎。抑爾堂嫂乎。安與膽敢如此混帳，着傳案嚴懲。

批昔費呈詞

差隨糧行，旣已種地納糧，豈有不幫差之理。着諭令從公幫派，毋得固執。

批楊齊氏呈詞

據稱爾子楊長命，於五月十四被人打死，棄屍死水潭中。又云將屍黑夜私埋。

忽棄忽埋，已屬支離無理，而以殺子之仇，遲至七十餘日，始行呈控，尤屬情理所無。着差約及該村官人迅速查覆候奪。

批韓崇海呈詞

准喚究查，前次過兵，每里派車一輛，何以爾里支車六輛，語不可解。着票差先查後喚。

批孫學書呈詞

添修堡塞，置備器械，乃最要之事，亦必辦之事，何人擅敢阻撓。爾稱村富阻撓，而不指出姓名，實屬顛預已極。候出示催辦，有抗阻者，指名稟案究懲。

批石仁財稟詞

以九幫一，一定之規，但爾值年人等僱車應差，亦不得任聽車夫婪索。總之局

發行坐各價，並不虧人。里下量爲津貼則可。過多則爲浪費。如車夫居奇挾制。准值年指名稟究。其津貼之費。仰原差諭令九甲公幫可也。

批李如琦呈詞

九甲幫一各里皆然。豈能獨令爾一甲受累。着原差好爲諭飭。勿使苦樂不均。此飭。

批蔡鳳魁呈詞

爾兄物故。遺有一妻一妾。爾欲搬回同度。而程命子輒將爾兄妾蘇氏匿藏。卽使爾兄真欠命子錢文。亦不能將人作抵。其中定有別情。爾商州人。專以賣寡婦爲事。爾之往搬孀嫂。果是好意乎。抑欲賣錢肥己乎。着差約查明覆奪。

批馬坊彪呈詞

保寨貧民，按糧派費，各鎮皆然，惟寨中既有殷實之家，自宜婉勸加捐，以減貧民之累。若卽好爲勸導，集資辦理，仍將修城置械用過銀錢數目報縣存查，以免物議此飭。

批糧差王林稟詞

閔村三糧撥給田市，田市添三畝之糧，閔村卽應減三畝之糧。何以云閔村遺有空糧，若兩里齊收，豈非一糧兩納乎？究竟王立讓因何將糧提歸別里，均未聲明，若明白稟請核奪。

批左逢原呈詞

據稟已悉，所呈豌豆霉爛不堪，田藍玉等經理倉糧，聽其霉變至此，而去春各倉出放之時，並不遵半借半賑之例，急行散放，今值督收新糧之際，竟欲將此項壞糧強交新倉正副之手，實屬糊塗荒謬已極，尤可異者，李懷泌平素尙能

辦。而亦扶同田。盛玉等將壞糧說成好糧。欺哄本縣。試問本縣豈可着卽日喚案聽究。

批王福祥呈詞

爾以九十五串錢賒孫繼德烟地九畝五分。是一畝費錢十串。及收割二畝有零。僅得烟一百兩零。遂被冷雨將七畝有零之烟。一齊打壞。設席邀請地主。懇其讓價等語。爾未動刀之先。曾否付給錢文。設席之後。伊允讓若干串。概不聲敘。况爾既來賒煙。自應攜帶銀兩。何得一錢不名。貿然賒割。迨承情讓價之後。反要回籍賣地償還。此等瞞天大謊。誰人肯信。爾回籍時。將煙土質押孫家。豈不慮其抵喚。爾竟貿然寄頓。至生今日之波。是爾寄土質押之時。已預爲今日訛賴之地。爾割煙在五月廿日。中隔閏六兩月。至七月初二日。始以恃矜欺異具控。况爾此次僅交錢三十串了事。則當承讓之時。爾有煙土二百餘兩。何止賣錢六七十串。爾何不就近賣土歸還。而乃回家賣地乎。况爾未賒孫家煙土。

之先已掘有煙土一百餘兩。彼時各處煙地俱未開刀。此土從何而來。似此荒誕呈詞。膽敢來本縣案前嘗試。計圖誣累。託賴實屬混帳已極。不准。

批何樹德呈詞

投井是何等事。而可聽人唆使乎。何維平因爾不揭煙土。遂唆母投爾井內。其母亦遂遵命投井。情節荒唐已極。事在七月初四。何以遲至初九始行報案。究竟其屍是否棺殮。何維平母死不控。而又不即時報驗。均屬荒謬萬分。着差約會同查明據實稟案。以憑嚴究。

批常生馥稟詞

該職獨力捐修堡寨。甚屬可嘉。至堡中尙有有力之家。自應釀資置備軍械。其雷姓墳塋。離所築城垣。遠在四十步之外。有何妨礙。准如所稟。分別出示給諭。以速其成。

批葉長張繼三稟詞

刻下民力困窮，工程浩大，民力有所不逮，必欠資資，無盤費，富民出錢，貧民出力，有所不足，酌量公派，該生等妥慎辦理可也。

批倉紳郝守龍稟詞

據稟已悉，民食爲民天，此次決計收倉，斷無中阻者，卽迅速開倉，里下交帶，應隨時隨地收，勿稍推緩，至前次所云撥歸下幫之糧，該倉勢不能容，仍應交左故市，卽一併收儲，並合計一，共應收糧若干石，現修之倉可儲糧若干石，萬一倉少糧多，則一面收倉，一面將馬神廟之廠補修完固，以免露積，如兩廠業已足用，則馬神廟廠不修亦可，此諭。

前已明白駁斥。茲復以原詞讀控。夫借爾錢者。王正道也。事在光緒二年。爾整整二十年。不向索討。直待正道已故。乃控其弟正名抗帳不還。又稱正道借錢。係爲正名定婚。此明明栽帳於正名身上。以冀償還。爾渭南女人頗貴。十二吊錢。何能辦娶妻室。察其情節。縱非以假爲真。亦係虛生替死。仍不准。

批李順福稟詞

稟詞不甚可。崇玉來牽牛過渡。船到河心。將崇玉來滴於河內。滴字不知何解。人甫落水。自應卽速撈救。何以云入水找尋。不見形迹。情詞殊屬荒唐。現在牛在何處。玉來家屬曾否告知。均未申敘。候傳訊。

批王李氏呈詞

准喚案嚴究。查爾堵曹杏娃。乃曹殿俊之子。殿俊素非善類。此呈必係伊父子所爲。詞稱爾堵幾乎受傷。可笑之至。本縣堂前不能撒謊。爾知之乎。

批張文貴呈詞

爾可謂混帳已極。無緣無故。圖翻已結之案。妄捏銀條。多指干證。及押候添傳覆鞠。情見勢屈。乃懇求釋。似此反覆刁詐。豈可姑容。着自向李生智懇情。伊如具保。再行酌奪釋放。

批呂恆升呈詞

爾胞妹斬呂氏。首送其子福兒。爾爲外甥。乞恩可也。婉勸爾妹息事亦可也。乃稱爾妹受爾義子田庚兒。卽呂庚兒刁唆。併稱庚兒與爾妹苟且。查勒呂氏以親母控其親子。爾卽以胞兒揚胞妹之醜。以義父發義兒之奸。均屬人倫奇變。廉恥銷亡。案已飭傳。着候質訊勿瀆。

批王寶兒呈詞

異姓亂宗。照例不准。爾以商州客民。與渭南權萬鎰承嗣。本屬有干例禁。承繼五日。被逐離門。正是權萬鎰夫婦好處。而爾乃控請拘究。試問昨日爲爹娘。今日成被告。爾之糊塗混帳。亦概可知矣。此案無庸傳訊。仰役將王寶兒帶案遞回商州完事。

批買金錫呈詞

爾所賣之地與所當之地。緊緊相連。必無肥磽之異。何以賣價每畝三百文。當價每畝一串六百文。楊金娃買爾已業十九畝。只需錢五串七百。當爾活業五畝。反要錢八串。無怪其肯買而不肯當也。爾因伊不肯。以原價當地。卽來控告。殊屬迷謬已極。不准。

批劉萬智呈詞

姑准銷案。結擲還。天下豈有父子講和。互具違結之理。爾等糊塗該死。

批王炳森呈詞

據稟具見慷慨樂施，助興文教，准如所稟，將繼捐民糧地三百畝，合之前捐義田共爲六百畝，一併撥歸景賢書院，招佃取租，以資膏獎。仰卽與書院齋長及下邳鄉約指明界畔，收入院中，併飭里書將每年應納地糧，改歸景賢書院完納。該齋長等將地收清，卽將該田坐落何處，四至毗連何人，每年租錢若干，某人佃種若干畝，一併開具清單呈核，以便永遠存案可也。

批王李氏呈詞

爾身爲原告，何言王思彥累爾涉訟公庭。爾初呈稱王思會等刀砍爾婿曹振瀚，幾乎帶傷，是曹振瀚乃案中要證，何得屢次請免。王田氏訴呈內稱曹殿俊父子謀業逼嫁，而王振海又指控殿俊勢欺懦親，批准併案質究，是殿俊乃係首被，何能由爾免。試問本縣若將王振海王思彥一齊免喚，爾肯答應乎。本

縣問案，慣能洞悉。小人肺肝，爾一婦人，何能屢次呈控，誰爲謀主，早已洞明。此案着原差迅速送審，併令職員曹殿俊攜帶執照當堂呈閱，如曹殿俊父子延避不到，定將原差兩腿打斷。

批李彥稟詞

據稱會同王平西五門宗族，查得該武生有地九十七畝八分，每年僅完糧二石九斗九升零糧，不敷地等語，究竟短糧若干，該地是何等則糧，係何年短起，所短何人賠墊，着會同里書糧差確切查明稟覆，以憑訊斷，粘單存。

批高義德稟詞

據稱牛軍勇丁，在臨潼將爾稍馬戮斃，事在八月二日，爾何不登時在臨喊控，乃該軍已去三日，始請本縣作主，實屬昏慣已極，既稱稍馬已無着，將車拉回可也。

批王世孝呈詞

據稱爾故父四十無子。爾以堂姪承嗣居長。又繼王福來爲次子。後來爾嗣母連舉兩子。二曰新娃。四曰被告世杰。爾父既有親子。遂將爾與福來分居另度。是爾父在生。已將爾分析出外矣。爾父今秋身故。自應親子世杰頂埋。爾何得強爭家業。早奉父母分析。爾何得重分。所控糊塗已極。不准。

批張桂林呈詞

爾於七月二十三日。控稱本年四月族人張德齡等誣良爲盜。將爾吊拷一日。爾不立時控請驗究。反躲避在外。不敢歸家。已覺支離不實。嗣因德齡等逼令爾母逐爾歸宗不遂。竟將爾七旬邁母。毆受重傷。批飭驗傷。渺無傷單呈閱。其誣可知。乃於十餘日後。突稱爾母因傷身死。而又不請相驗。並稱爾未在家。係爾始母所言。始母爲誰。豈無姓氏。因傷身死。傷在何處。初二母死。初七始控。實

屬荒唐已極。此案前飭差約查復。着卽日詳細稟復候奪。如延重責不貸。

批魏王氏呈詞

據控王天作種種欺心。爾何以早不控究。案未控官。輒糾人前往抱帳停門。致天作捏報搶案。爾等亦屬糊塗。候傳訊嚴究。

批王天作呈詞

現據魏王氏魏朝儀。以惡夥滅東等情控爾在案。而爾輒因東家抱帳停門。捏報搶案。將張遇芳等三人指交路役拴鎖。世間豈有黑夜糾搶。白晝來縣自投羅網者乎。候訊明嚴懲。

批于興稟詞

東夥紛爭。妄報搶案。實堪痛恨。現據兩造互控前來。候卽日嚴訊澈究。指獲之

張春官等三人不必拴鎖。

批夏朱氏呈詞

爾有夫有子，俱不出頭，而爾以婦女瀆控，誣賴無疑。爾稱爾女與權中全作妾，遭伊妻權蘭氏打死。在七月廿八，何以遲至八月初十殮埋。旬餘之後始控，不准。

批王天作呈詞

爾捏報搶案，蒸又推於姜姓身上，狡惡已極，候質責。

批王汪氏呈詞

卷查老陳王氏坐堂招夫，與家奴李世祿苟合，爾女小陳王氏吞煙拚命，誓不以世祿爲翁。迨經堂訊斷，令老陳王氏隨李世祿過度，永離陳門，所有財產歸

爾女小陳氏承受。立嗣守節。何等光明正大。乃事隔兩年。爾忽欲爲爾女招夫。膽敢呈請本縣作主。若老陳氏反唇相問。何詞自解。爾等混帳糊塗。實堪痛恨。不准。

批呂春茂呈詞

爾乃田家庚也。既已歸宗。何得尙稱呂春茂。查呂恆升撫爾爲子。爾並不以爲父。盡距姑倚斬呂氏家中。與之姦好。唆令斬呂氏將子媳孫女一併趕逐在外。爾復代作抱告呈首斬福兒忤逆不孝。意欲置之死地。爾之罪惡。十死不足蔽辜。茲乃懇所呈外。攜妻歸宗。查呂恆升爲爾娶妻。花錢一百餘串。爾承嗣多年。無一日之養。今及自得一妻。逍遙復姓。天下便宜。讓爾惡人占盡。天理何在。人心何安。着將呂恆升所費之錢。從寬減爲一百串。交案飭領。然後准爾取保領妻。

批洪善娃呈詞

李德兒原控支離。經差查稟銷。茲據控稱。德兒於七月初八日。在爾妻坑上。睡臥。經爾撞推。給爾煙土一碗了事。今竟將爾妻拐逃無蹤。爾既知其有姦。猶不嚴加防範。圖賄縱淫。無恥已極。候一併拿案究懲。

批徐相寅呈詞

爾醫好劉王氏之病。得錢一串。亦不爲少。何至興訟。爾以七十六歲之老人。劉孩兒何至肆行毒毆。所控顯係訛賴。候驗傷察奪。無傷不准。傷輕亦不准。

批校維夏呈詞

該鄉正品學兼優。本縣素深敬佩。茲當舉辦團練之際。三鄉之事。深賴匡扶。據稟心疾未痊。恐誤公事等語。本縣以爲此可以靜養。而不必辭退也。現在公事喫緊。准該鄉正自擇一人。暫行代辦。以便安心調攝。病痊之日。仍助本縣辦公。兩不相妨。實爲善策。仰卽知照。南七里里正。既經該鄉正開列呈案。自係可靠。

之人，應卽給諭飭令遵照章程，迅速舉辦，並仰各鄉正速舉里正，以便諭充可也。

批王仲英稟詞

所稟乃小事耳。同學讀書，以和爲貴。爾等齋舍破漏，如果齋長不肯修理，儘可隨時告訴院長，爾等作主，否則於官課時告我，必當立飭修葺。田紀鳳在書院慶考第一，茲特稟許。其知者謂爾等因公，不知者謂爾等忌才，甚不可也。仰禮房陳儀，迅往五鳳書院勘明，如有齋舍穿漏者，立卽補葺完好，俾諸生安靜用功此飭。

批田滋榮呈詞

現據王仲英等懇換齋長，而爾等又懇留齋長。兩稟之中，均有劉炳離劉家俊曹秉離之名，殊不可解。此二人者，究竟願留耶，抑願換耶，齋長田紀鳳文字清

華本等說申述楚辭。被稟許候請儒學查明再行定局。着長班持我名帖。將兩稟送與。學閱看。

批李英呈詞

丈量之案。多矣。從未聞有古尺大而令尺小之說明。係許成林胡攪。着會同里書校明地糧確數。諭令照數完納。如違帶究。

批田紀鳳稟詞

該齋長品學素為本縣器重。異已排擊。事所時有。不必固辭。

批李宗桂呈詞

王仲英。沽踞書院。而本縣官課。從未應考。其不通可知。自己不通。而反忌人之才。竊名妄稟。此尙得覘然人面。列於士林乎。王仲英着逐出書院。永遠不准考。

課至李蔚坤書法尙好。兩年以來詩文亦有進境。本縣期其發達。乃竟與王仲英朋比。誣訐實屬不知自愛。李蔚坤姑從寬申斥。倘再不悛。鳴鼓攻之可也。

批羅榮福呈詞

爾明明訛詐。何待差查。茲不但訛親家。而且訛差役。仰爾赴省上控。本縣不管。

批常生馥呈詞

築寨誠爲要政。遷墳須順人情。候飭役協約查勘明白。與雷姓妥商辦理。至左會王家本殷實。僅僅派銀十兩。而抗不持出。致滋閭里觀望。殊屬非是。仰役催令措繳。勿再吝延干咎。

批吏房經承陳煥新呈詞

徐應堂之罪。較輕於張翟二人。茲伊懇恩入卯。本縣因散書在經承手下辦公。

須聽爾調度。方能合手。若意見不合。則反滋事端。是以令爾稟復。爾如能制此人。卽令入房幫辦。如不願。不妨明言。本縣不勉強也。

批權林冥稟詞

所處深爲公允。可嘉之至。里正得人。則一鄉受福。本縣亦可省心。准如所處息銷可也。結存。

批寇悅發呈詞

爾既在臨潼呈控。何又歧控渭南。詞稱魁順行奪爾車騾。查爾該欠公順行銀兩未清。輒借張同兒一案。任意抵塞。實屬狡詐已極。仰原差陳升協同張廷倫。勒令寇悅發將公順行銀兩交清。該行卽將車騾退還了事。至臨潼之案。未縣不管。

批呂王氏呈詞

死者非爾子也。王祥瑞招贅屬實。嗣因翁壻不睦。攜妻另度。適與爾同院居住。並不同炊。爾既非王祥瑞親生之母。而且另嫁多年。何得冒充母親。冀得卹賞之銀。又覬賣孀之利。實屬貪昏無恥。着歛迹回村。勿得妄瀆干咎。詞不列抱。顯係恃婦攬局。不准併飭。

批杜白氏呈詞

爾從前母子構訟。經本縣斷結。茲又爲武天才所騙。復行呈瀆。爾以孀婦恃木廠爲生。何得輕信天才之言。無中無據。遽令將木料出售。所呈如虛。固屬恃孀誣賴。所呈卽實。尤屬昏謬糊塗。候差查覆奪。

批何忠琦呈詞

前已批飭何致元來案聽候面訊。茲據爾等懇息前來。查何甲寅之父何如彥。於十八年被何盛兒毆斃。訊辦擬抵。而盛兒旋即遇赦釋出。以後甲寅爲父報

繼盛兒隕命，冤冤相報。曷有已時。若照例擬辦，是盛兒一命換何如彥父子兩命也。盛兒之父何致元，依處懇息。具見老成懂事，爲防後患起見。姑如所懇，暫緩詳辦。何甲寅現尙在押，卽着爾等協同何致元來案保領。如不妥速了結，本縣初稟已具，不能久待也。此簡結後，當堂另具。

批劉賓禮呈詞

爾憑媒娶寡婦朱郭氏爲妻。其弟郭益勳主婚。人未過門，何得財禮錢八十串。一齊付給。交錢以後，該氏繼父劉作新，竟將該氏另賣。致爾人財兩空。爾之禮錢，究係何人所得。不難憑媒索討。而劉炳章事外無干。何至將爾辱罵。所呈種種不情，姑候差查覆奪。

批李時英呈詞

該里正老成練達，本縣深相倚任。茲據懇稱義糧還倉各戶積疲，非差催不能

輸納候，卽日出票催收。至稱年力已衰，另舉兩賢自代，准如所懇，諭飭武副貢充臈里正，以專責成。單存卷。

批王相林呈詞

前已札飭捕衙，按照倪任給發麵斤。嗣據夾單稟覆，悉仿倪任辦理，乃接稟未幾，常澄深卽已潛逃。如果照給口糧，何至於此。近奉部文，遣犯逃亡，各該管官處分加重。尤宜悉心安插，勿任丁役凌逼滋事。候再飭該廳妥籌復奪。

批田王氏呈詞

此案經本縣面稟臈台，奉鹿制憲曾藩憲面諭，卽將田永耀打死完事。本縣因循至今，留伊活命，已屬格外加恩。爾尙敢出頭懇釋，何其迷謬。查爾夫田永耀等，刁拐良家未婚之妾，窩寄本村，輪姦月餘，罪應萬死。爾代夫還債，卽在眼前。着滾回去罷。

批張文元呈詞

爾馮光里義糧。係歸何倉存置。未據申明。查收倉原諭。准其穀豆並收。但一倉不儲兩糧。乃一定之理。仰爾與新舊倉正副妥商。如有兩倉可分。則准其加三交穀。如僅止一倉。前已收豆。斷無豆上加穀之理。仰原差會同查明。催令速交。勿延。

批蘆殿華稟詞

所稟奇怪已極。投櫃納糧。該房書並非瘋子。何必詈罵。而爾等年年甘心挨罵。直至今年始請本縣作主。究竟此項城郭。糧共納若干。每兩向來加耗若干。房書格外需索若干。來呈一概不提。實屬顛預萬分。着明白另稟。

批廩生王鳴鳳訴詞

此案卜云吉誠爲可惡。若謂賀德隆不應考試。卽不當出結具保。旣經具保。而又臨考訛錢。勒令賀德隆書立百金借約。得約在手。而又不准其終場。此等奸詐小人。實屬青衿之蠹。前於七月廿二日。集訊人證未齊。原被供詞各執。當將該廩生卜云吉管押。飭傳要證穆風清等到案復訊。乃事隔兩月有餘。賀德隆及穆風清等。延避不案。實堪痛恨。本縣查得賀德隆稱卜云吉措約訛銀。事屬有因。卜云吉供稱賀德隆捏名賀鴻機跨考涇陽。亦非虛語。賀德隆以民壯之子。應考。畏人攻訐。甘心出錢。又圖跨考。亦屬咎由自取。而爾王鳴鳳事不干己。從旁發話。均屬不安本分。有玷斯文。本應集案一併嚴懲。姑念賀德隆銀未持出。卜云吉管押七十餘日。法足蔽辜。從寬一批了事。卜云吉前已查取年貌。姑免詳革。移請儒學註劣。以後遇有考試。永遠不准作保。以爲貪詐者戒。賀德隆所立百金借約。無論現存誰手。將來持出。作爲廢紙。併准其將持票索銀之人。送案懲辦。韓有書、劉建烈、畏罪遠颺。姑免置議。爾與穆風清。亦着悔過自新。勿再多事干咎。卜云吉着卽取保出押。將此批牌示儀門。俾衆周知。此飭。

批靳日新呈詞

爾與靳生員揭訟甫完。又控一案。爾生意歇業。自應令妾人收討外債。乃信藺天榮之言。貿然用王彥合爲夥。任其四處收帳。毫不稽查。直至收吞三百餘串之多。併將爾鋪房偷當。始行控究。爾從前何竟形同孽贖乎。况家具或可偷轉。若房屋出當。必須憑中立約。試問王有善所持當約。是誰出名。是誰作中乎。姑候差約查復。主奪。

批王祥盛呈詞

爾自不小心。鋪夥均一睡如死。以致所染布疋被竊。欲以一報了事。情殊刁劣。總之既經票緝。差由本縣提比。布由爾鋪認賠。一定之理。爾遞此呈。將欲本縣賠贓乎。可謂糊塗已極。該票差亦不得臥票懈緝。如延重比不貸。

批史國富呈詞

本縣性雖燥烈，心實公平。每遇阻公取巧之人，加必責備。出言過激，時亦有之。若急公任事之人，又未嘗不傾心禮敬。前據雷震遠等稟爾坐視不理，致倉糧不能收納，當令差催速納在案。茲據稟稱該紳兄弟二人坐倉收糧，墊發口食，實屬樂善奉公，深堪嘉尚。而雷震遠必欲造謠稟訐，誠不解其何心。總之倉糧必須收齊，候飭差嚴催各花戶上緊輸納，如延枷責。該紳亦宜始終一致，勿生懈志，勿聽浮言，幫助本縣將倉糧收齊，使荒年得以有備，善莫大焉。此飭。

批劉茂盛呈詞

已飭差緝緝矣。惟查此案情節，深屬偷恍。爾弟持銀出門，豈有自不檢視之理。乃昨日供稱不知幾錠幾件，已屬荒唐。况白金是何等重貲，爾弟孤身無伴，時當昏暮，曠野獨行，豈非有意誨盜。况所指被盜之處，既無見證，又無形迹。雖腿受木器一傷，而口中塞土，並無傷痕，衣襟蒙面，亦未撕破。究竟銀子有無百兩，賊盜是否二人，悉憑口說，毫無確據。爾因爾弟昨日堂供不知銀兩是何色樣。

急遞此呈。聲稱銀子兩封。每封五十兩。一封一大錠十小錠。一封三大錠五小錠。一珠。此銀分兩。何其如此湊巧。毫無畸零塊件。爾弟以親手持銀買花之人。自云並未開看。爾亦自稱在家教書。不知鋪事。何以下堂頃刻之間。卽將錠件確數查得如此清楚乎。此案定多捏飾。候復集研究。

批羅仲冬呈詞

爾係臨潼船戶。何以在渭南告狀。觀爾呈詞。爾與楊丕新從前本有膠轕。此次拉爾船隻。定非無故。姑候差約查處復奪。

批黨振呈詞

爾可謂討厭已極。本縣念爾父充差多年。有功無過。父死及子。用爾爲頭鄉副總。乃自人班以來。與趙興時常訐訟。各班查處。屢和屢翻。此等糊塗蟲。實屬自外生成。萬難留用。着趙興幫給錢二十串。令其自行回家。免我愜氣。

批捕頭穆魁呈詞

此案供詞倘悅。勘其形迹。難保必無捏飾。惟劉忠第受有傷痕。所報刁搶。必非無因。仰仍悉心。躡緝。務期人贓兩獲。以懲匪類。而靖地方。倘敢臥延。重比不貸。再查劉忠第受傷以後。投官路鎮何店歇宿。差喚該店主及集頭石春祥來案問話。

批武郭氏呈詞

安閑兒以甥嗣舅。爾以祖母立孫。理無不合。自應准其立案。以後武氏宗族。及已經斷離帶業歸宗之金鎖兒。均不得異言。如有欺訛。送案重懲不貸。

批朱景林呈詞

據稱爾芝麻被竊。在任二墩子姜恆益兩家場內尋見。均不知其由來。乃憑中

說合。始則令爾撥回不必深究。繼則須爾酌送煙棒。方給芝蔴。終則將芝蔴收入伊家。不與爾大主相干。世間那有如此無情無理之事。候飭差協同原中查明處息復奪。

批田秦氏呈詞

田永德果無其人。自然不能到案。何須要爾請免。婦人無抱。不准上堂。爾稱抱告田獅子不能到堂。本縣即不准爾打官司。爾自忖度可也。

批燕樹秦呈詞

爾於光緒十六年。與曹殿俊夥設酒館。伊出銀五十兩。由爾領做。是年殿俊使錢三十餘串。十七八兩年。使錢五十餘串。本年六月爾赴興安。殿俊將酒館打折乾淨等語。查六年之中。爾曹東僅用錢八十來串。實不爲多。爾自將鋪事撥下。伊係出本之人。或做或不做。自應由伊作主。何得謂之捲物抽本。所控荒謬。

已極不准。

批聶振江呈詞

爾黑驢在胡進財家拴喂，或者實係村外拾得，亦未可知。何以知是步振芳胡順姓李萬才等撥門行竊，伊等撥門之時，是誰看見乎？所呈荒唐已極。候差約查明處令還騾，勿得以風影之詞，牽控多人，自干懲究。

批楊張氏呈詞

爾自稱嗣子不肖，浪蕩不歸。爾嗣子究於何年何月出門，有無音信，例載夫無故出門三年不歸者，准其妻別嫁。茲爾子出外，爾媳歸寧，被其父轉嫁，是否與爾商明，抑係硬行作主，爾一面之詞，殊不足信。候飭差約查復主奪。

批曹殿俊呈詞

過而能改，卽是正紳。前次令爾回家，因一時遺忘，未將功牌交爾帶回。茲據懇領，着該房卽日檢交可也。爾酒館夥計，昨日控爾，已經批駁。其中究竟有無轉轍，可自行了結，勿任再控。

批張蔣氏呈詞

爾自己女兒，爾妹何能作主，許與鄭變過爲妻。許後方告，爾知爾不答應，卽要搶親。天下那有此事，所呈恐有捏賴，候喚訊嚴究。

批王正順呈詞

張彥娃傷並不真，王三娃傷僅抓磕，爾等行船爭路，彼此打架肇訟，均堪痛惡。已據楊公正以橫惡兇毆等情，控爾到案。批准驗究，惟事無左證，到堂必然各執，仰差約先行查明。蚌自誰開，誰先喝打，然後送訊併懲。

批夏悅孝呈詞

人死入土。兩月有餘。瀆請開棺檢驗。何其胆妄。倘再無知妄瀆。重責遞籍不貸。

批劉忠元呈詞

暢法信等原稟。支差用錢五百餘串。本縣早已斥其浮濫。批飭差約查明確數。秉公攤派矣。爾等俟帳算明。照派出錢。彼不准浮開。此不准推抗。

批孀婦張田氏呈詞

爾家門祚中落。兩世孀居。情堪憫惻。爲鋪夥者。自應激發天良。盡絕私弊。茲據稱韓炳德在和盛合號。濫出錢帖。任意掏吞。猶敢偷轉銀錢。霸據不捨。候喚案嚴訊究斷。

批高登甲呈詞

現在兵差喫緊。操練團丁。暫從緩辦。至從前支車攤費。應由各值年自行收取。

何得付與惡差焦升之手，致被吞沒。焦升着鎖繫來案，押候比追。此次兵車，着陳升會同值年妥速經理，如有人挺抗，自有本縣作主，爾勿庸辭退。

批王心讓呈詞

爾弟王丑兒，於十月二十七日，在王閔兒家中物故，業已打墓備埋，則已經棺殮可知。乃聽王興德等之言，於人死五日以後，稱係閔兒毆斃，控請詣驗。果係被毆身死，從前抬屍回家，何不細細看明，所呈荒唐已極。如驗無屍傷，爾與王興德俱當反坐，勿悔候詣驗。

批郭見榮呈詞

爾與郭小蘭並非故交，偶爾相識，即留在鋪內歇宿，自己去看影戲，致伊將布疋錢帖席捲而逃，爾自引賊入門，慢藏誨盜，與本縣何干。既云小蘭是咸寧人，若自向咸寧去告，本縣不管。

批吉祭照呈詞

爾出錢辦妥寡婦。及該婦入門。始告爾得知伊係董有志王文舉拐賣等語。此婦從何處拐來。董王二人。是何處人。現在何處。一概不提。但請立案。以杜後患。殊屬荒唐。着明白另呈復奪。

批柳蔭陶呈詞

據稟已悉。爾蜀中地理。自天降災。情堪憫惻。惟懇稱辭。退局總一節。未免礙於定章。查差局總紳。向係二年一換。茲爾到局。甫及一年。誰肯接手。仰爾自與河北紳富商懇。如接替有人。再行稟案候奪可也。

批慶盛和呈詞

候飭差約查復核奪。所控武生永豐。究係何人。武生者。官銜也。永豐者。染房招

牌也。此人究竟姓甚名誰。如此凶惡。着另稟。

批舉人李資芳呈詞

義倉原議穀豆並收。以期耐久。惟崇凝鎮僅止一豆。業已收豆數百石。不能攬入粟穀。該處奸商窺知其情。將豌豆高抬市價。以致收數不旺。深爲可恨。茲該舉人等稟請另借民房。兼收粟穀。以期踴躍交納。係爲便民急公起見。本縣無不樂從。惟儲糧之房。借自何人。坐落何處。一借之後。卽應永遠儲糧。加封錮閉。着先將房屋借定。務須高燥謹嚴。俟本縣驗明後。收穀入囤。以備不虞。不得再蹈從前空言無實之弊。如無合式房屋。仍着趕緊收豆。以重倉儲。事爲民命所關。經列憲屢札嚴催。本縣兩年規畫。該紳等均知大義。慎勿再蹈故轍。計圖朦混。着限三日立等回話。聽候詣勘勿延。

批流民邵景華呈詞

修廟敬神。原爲祈福行善。乃神樓甫竣。卽打官司。然則非求福。是求禍矣。控關門斗吞昧布施。強拿錢帖。候請儒學查明究理。如果該鬥不遵訓飭。卽請儒學送案懲追。

批魏悅恆呈詞

高唐係華州所管。張老五與爾兄在高唐肇衅打架。致爾兄臥床嘔血。自應就近在華州控請驗究。何得越境具呈。試問本縣能赴高唐驗傷乎。不准。

批田穰呈詞

爾叔在田市劉先榮店中歇息。牆倒被壓受傷。業經送回富平醫治。本縣斷無越境驗傷之理。惟據稱劉先榮身爲店主。牆倒傷客。坐視不理。如實亦屬可惡。俟爾叔傷痊。將該店主送往富平就近質審可也。若在渭南傳訊。爾叔旣不得來。爾又未目睹其事。上堂折辯。勢必各執一詞。何從究斷。仰卽回富平投控。本

縣贈銀兩與爾叔養傷。着卽撤回勿延。

批王壽祥呈詞

本地女子不肯遠嫁。自是人情之常。爾以河南客民。聘王彥壽之女爲子媳。因搬住河北。被親家阻擋滋鬧。查爾自同治六年來渭。居住良田街。迄今整三十年。並未移動。何以去腊二十六日娶媳。今正卽欲搬家。情屬可疑。無怪彥壽阻鬧。着照常在良田街居住。勿許遷移。王彥壽亦不許滋事。倘將彥壽之女搬回河南。定將爾追回重責不貸。

批李王氏呈詞

爾娘屋身故乏嗣。王葫蘆得業承祧。允葬四門靈柩。此係同治年間之事。何停葬二十餘年之久。族中並無一人說話。遲至於今。爾以出嫁之女出頭具控。理不可解。難保無挾嫌唆訟情事。爾丈夫現往何處。有無子媳。何以令外甥作

抱所控不准。

批楊興財呈詞

爾既知張卷寅是賊。曾在臨潼犯案。何以請其包拔花杆。引賊入室。是誰之咎。臘月廿四夜爾家牛隻衣物被竊。何以卽知是卷寅所爲。一月有餘。何以延不報案。正月初二。爾與楊暖兒往尋卷寅。路遇刀匪金兒。問汝何往。爾既知伊爲匪。何必告以實話。及爾尋着卷寅。正在尋查贓物之際。適遇金兒走來。將爾拳足交毆。何以並無傷痕請驗。一賊一匪。新年上節。如此行凶。何以又遲二十餘日。始行控告。控情如此荒謬。照例不准。

批曹生銀呈詞

此等小事。何至興訟。查張興祿等六人。偷砍柳樹。爾僅止一人。何以能奪其繩担。並將伊六人一齊指交社長。既已量罰油斤。何以油未送來。先將繩担付伊

了事。現油僅六斤。所值不過數百文。何至被證牽扯十人之多。似爾之無事生事。實堪痛恨。著記重責一頓。所控不准。

批劉殿英呈詞

原媒四人。已傳其二。何必請添。劉長命係屬首被。何能懇免。俱不准。

批龐福榮呈詞

爾與田生道郎舅至親。伊在爾村居住二三十年。何必逞忿興訟。如果爾外甥田咨玉犯上凶毆。儘可同族約明斥其非。由爾痛打痛罵可也。勿庸告狀。

批李鈞呈詞

該職失竊後。竟能糾合被竊各家。將小竊劉租子捉獲。搜出真贓。七十老翁。智囊猶在。閱稟深爲嘉悅。劉租子押候提訊。卽日票差迅緝餘黨。窩家務獲究辦。

清單存。

批李德昇呈詞

爾係藍田縣民。在商州賣騾十頭。價銀三百五十兩。不爲少矣。自光緒二十年八月。至今已閱十九箇月。價銀分釐未得。十騾早已售去。何以遲至如今。始來渭南控告。查原中俱在商州。本縣憑何訊斷。不准。

批高有智卽毛有智呈詞

昨據高延玉呈控到案。已准喚究矣。爾自幼隨母下堂。改姓毛氏。如果本宗有許多產業。何以延至二十九歲之時。始行歸家清理。其爲被人勾誘圖訛。毫無疑義。候質訊嚴懲。

批劉子方呈詞

據稱王姓有新舊廈房八間。憑爾作中議價四十二串。包與工頭雷彩恆修理。彩恆用錢二十四串。停工不做。又不准另尋別人做活。似此刁蠻。理應王姓控告。乃房主不控。爾以中人出頭具呈。語不可信。俟王姓自來投控。再行核奪。

批王彭齡呈詞

爾妹虛報臨時行強之案。本縣據以轉報。而實則伊家僱工自行偷竊。似此任意捏造。使本縣枉擔疎防處分。實堪痛恨。茲因情虛畏訊。反稱甘願不究。試問已經通報訪緝之案。如何消弭乎。爾等萬分糊塗。百般狡詐。及情見勢屈。則以婦女爲辭。若據子了結。將來捏報劫案者。不知凡幾矣。爾欲免罪。着另具悔呈候核。

批李永溶呈詞

閱稟具見該貢生急公憤俗。銳意收倉。與本縣之意相合。渭南倉儲有名無實。

歷年已久，總由歷任因循，富紳吝抗，以致花戶觀望，差役縱延。此事經本縣通稟層台，認真催納，而前年因倉未修而緩收，去年復因兵差絡繹，城堡動工，又不能專力催收，三年以來，倉糧尙欠多半。實本縣所日夜疚心者。在各捐戶之意，總冀本縣一旦去任，又可如從前洩沓，免出此糧，殊不知積穀防飢，萬一歲值凶荒，無食者斃於溝壑，則大損陰功。有糧者或被搶掠，則自貽殃孽。今本縣已定於本月廿九日，先赴上漲鎮收糧，如或差催不力，欠戶不完，重枷大杖，立懲不貸，統限三月十五以前掃數收齊。至原捐未交各大戶欠糧，在百石以上者，如逾限未交，定卽詳革押追，雖與本縣素日稔熟者，亦決不寬貸。因批生稟，卽通飭十倉各欠戶知之，勿謂言之不預也。該房卽將此批敍入告示，於三日內徧處張貼曉諭，勿延。

批黨錫印之母黨梁氏呈詞

爾子恃矜健訟，毒害鄉鄰。以前上控諸案，姑不具論。只就買樹一事而論，蔓延

四載。一案分爲四案。始則與申思儀爭買樹株肇訟。繼則阻伐己分之樹。矛戩張朋仁受傷。繼又因久訟之故。託何維翰借錢。事後騙帳不還。繼又將何維屏拉至爾家。勒寫借約。至今不能結案。似此橫行霸道。無非衣頂作怪。不革何以示懲。查黨錫印三次被押。懇釋之時。俱稱永不再犯。及一出押。橫行如故。人而無信。猶之車無輓軛。爾試思本縣豈可屢欺乎。如欲出押。須何維屏及原保之張春豐郭生祥等當堂具保。方予訓釋。免革不准。

批李茂盛呈詞

辛含謙本係半瘋。前稟僞託呂祖降箕。早知其妄。茲據稟訴。仰該房書協同許總約查明處息。勿任妄訟干咎。

批管悅興呈訟

爾以杜姓之子。與管家承繼。本屬不合。况爾嗣母之媳管王氏少孀在室。爾以

二十六歲男子雜處其家。尤屬不合。茲爾嗣母物故。皆生元等將爾逐離。事出有因。咎由自取。着即日歸宗。勿得瀆訟干咎。

批承發房稟詞

稟及舊卷閱悉。河南菸葉。既經馮義合於同治十年請領菸帖。設有專行。河北近年種菸葉者甚多。事同一律。張鳳會請將菸葉併入百貨行內。抽收行用。未免取巧。而買賣菸葉者。亦未便聽其私相授受。仰張鳳會查照馮義合舊例。請領菸葉專帖。開行收用。按年納稅。以裕國課。而杜私收。仰即傳諭知之。勿延。

批黨梁氏呈詞

爾子。豺狼也。衣頂。爪牙也。留其衣頂。則時時噬人。斥革則無牙無爪之豺狼。與狗無異。在黨錫印罪不容誅。無可矜恤。惟爾守節一生。撫此豺狼之子。屢貽爾憂。本應押候憲批。姑念該孀婦屢次乞恩。暫准取具妥保出押。安分孝養。至斥

革與否。本縣自有權衡。爾母子不必妄懇。

批彭金玉呈詞

據稱爾攜帶糯米回村。突遇不識之郭老三張思英。平空訛稱爾欠伊錢三百文。爾遂將糯米一斗九升。錢綵三串一併付給等語。控情荒謬已極。爾與伊等既素不認識。何以能指出姓名。伊僅索錢三百。爾何以傾囊相付。錢米有無。既不可知。中途訛詐。又無見證。不准。

批費百鈞呈詞

爾於光緒四年買王應元之地。是年應元病故。價交而地未清交。爾彼時即應同中人王進財查收是地。乃王兆林稱欲贖地。爾即慨允。彼時即應同原中將價收回。乃延挨十八年之久。直待進財身故。管證無人。始以王兆林霸地抗價具控。情節荒謬已極。不准。

批張義明呈詞

李炳堃家住二鄉，糧在四鄉，以致領糧膠葛。前據原差稟稱，炳堃已在豐塢倉交糧十三石有奇。據爾稟稱陽郭之糧，從前出易時，炳堃應領六石，抗不肯領。致麥朽收無存，爾等不控於抗領之時，而欲令未經領麥之人，填麥六石於十餘年之後，實屬糊塗已極。况六石之麥，李姓未領，經手之人，豈得任其臭腐。乃既稟控，又不妥儲，復不散，是爾之糊塗昏謬，理應照數賠還。着原差催令迅速還倉，如違重比。

批易興壽呈詞

光緒四年之事，爾從未控究。今於事隔十九年以後，因惠法文另案被押，爾來打此便易官司。既無案據，又無中證，兩造上堂，無非各執一詞，何從究理。爾真顛預糊塗，惟法文惡跡昭彰，所控必非無因。着隨堂質訊察究。

批陳增貴呈詞

爾子陳甲詳聽糾上盜，事後分贓，照例鎖繫巨石八年，限滿方能保釋，今猶未滿三年，何得妄懇，不准併飭。

批張世全呈詞

叔父借用姪兒十串錢，尙須質押地畝，已屬奇怪，爾不在家，爾叔身死，先已將地賣與潘成娃，潘姓自應經業，爾何得阻伊耕種，至爾叔生前借項，身死勿追，着卽安分回村，所控不准。

批田永連呈詞

田永耀罪應萬死，係上憲諭令立斃杖下之犯，爾等事不干己，冒昧懇恩，試問爾家婦女萬一被田永耀糾拐輪姦，爾心甘乎，爾等如自認甘心，再遞懇呈候

奪。

批黨鈺順呈詞

爾妻女忽然不見。是何年何月之事。何以不報案請緝。據稱數年尋找無蹤。今始探知妻爲曹爛影所拐。女爲史胖娃所娶。曹史兩人。近在同縣。並非遠颺。何以數年毫無聞見。今始控究。難保非已賣復翻。藉訟圖訛。仰差約查明據實稟奪。

批倉房經承常樹棠呈詞

爾旣知陳儻掏吞公項。何以早不稟究。反於今正保伊充當經承。自甘退讓。實屬昏庸已極。今陳儻已死。倉房公事。本縣唯爾經承是問。其餘不管。

批楊建文呈詞

軍糧弊混甚多。現在屢奉糧憲札飭澈底清釐。不日委員下縣。而爾等於奉諭累月之後。仍以空言搪塞。實堪痛恨。仰各票糧差會同該里書。及各村官人。迅速查明底細。限本月底詳實稟覆。如延重究。

批王化遠呈詞

候據情申覆。惟該職品端學粹。不惟鄉里欽服。本縣亦深佩愛。徒以鄙學瘠苦。不願赴補。遂爾自甘家食。深屬可惜。文內當一併申明。以憑上憲核奪可也。

批毛德呈詞

劉狼賸積惡巨蠹。屢拿未獲。該總役躡得蹤跡。奮不顧身。登時捉獲。洵屬謀勇兼優。深堪嘉尚。狼賸鎖押候訊。毛德升爲總頭役。由本縣捐廉賞銀一百兩。花紅一匹。以示鼓勵。該役益當奮勉謹慎。勿負委任。切切。

批張閔氏呈詞

候驗傷再奪，爾有夫有子，輒稱抱苦乏人，荒謬已極。况婚姻之事，男女兩家不睦，何至將爾媒婆打傷，爾被毆在正月廿四，何以三月廿一始請驗究，情節尤屬離奇，定係待婦訛詐，爾如知機，早滾回去爲妙。

批錢行公稟

本縣署中並不每日取錢，偶然取用現錢，至多不過二三十串而已。何至如來稟所云，每日取錢三四百串，此必有奸慝冒名影射，實堪痛恨。准如所稟，此後署中用錢，立一摺如要取錢，於摺中註明數目，蓋用本縣圖章，隨帶錢絡往取，如無手摺，卽係假冒。再本縣風聞去年有人僞稱本縣買銀，趁錢貴銀賤之時，易銀四百餘兩，本縣蒞滑，但有以銀換錢之時，從無持錢買銀之事，以後該錢行切勿上當，此飭。

批馬坊彪呈詞

前據趙逢祥辛承鈞先後具稟。逢祥稱爾挾嫌苛派。承鈞稱爾藉公營私。查該職前次面稱年老無後。何至如辛貢生所言。惟本縣爲政。素以保富爲主。不欲令富戶多捐。今爾兩造各執一詞。承鈞謂爾此次修寨。除拔工拔粟之外。僅短錢數十串文。是否屬實。候諭飭頭鄉鄉正焦紳校紳會同兵房經承周汝霖勘明工程。查明捐款已用若干。尙短若干。據實復明。聽候本縣從公酌派。勿得因公肇訟。自傷和氣。切切。

批郭春呈詞

仰該總役迅速查明。另立旂總。並查究其地如何失迷。現值糧憲認真釐剔之時。不日委員下縣。定要徹底澄清。着先事查明。勿致臨時紛擾。切切。

批權永來呈詞

權天培自云祖母已死。何以又有祖母病牀不起。畢竟天培一人有多少祖母。

者據實稟覆候奪。

批糧差李升呈詞

糧憲嚴札。屢稱未完之糧。全係差役中飽。茲據稟稱無着之糧甚多。若卽據以上覆必干憲怒。且疑本縣庇差搪飾。於事無益而反有害。究竟此項失迷之糧。應如何查究。方能歸實。免受無窮之累。仰四班糧總切實稟復。併仰戶兵兩房悉心核議。以憑主奪。再查屯吏各糧。雖兵房專管。而戶房乃糧務統宗。道倉之弊。在於以軍混民。况清查荒地。係屬軍民並查。該兩房其勿分畛域。各抒所見。妥籌辦法爲要。

批王新太呈詞

所稟荒唐萬分。如果王五女等糾人爲匪。對衆昌言二月廿八日起事。爾村多人亂逃亂跑。該社紳約何以隱忍不言。該管路差何以毫無聞見。且該匪明言

二月三日事，何以題全同，月毫無動靜，反與在社晤禮認非，如此荒謬稟詞，公然不謀社衆，獨自量，爲何深察，必書有將士，新天書押，隨堂候訊，一面着史秉綱等明白稟覆，候查。

批去雷氏呈詞

現據王新太以王五女爲案，及遊寺時，以其情詞荒謬，批候堂訊。而新太輒已回村，茲據呈稱，王女誘姦，有長媳，奈何濫次，實屬凶淫不法，准驗傷拘案重究，王定章定章官究。

批劉天時呈詞

全是胡說，爾家那有許多箇。閱富集，富實二十箇，後拿二百箇，着差約查復候查。

批原泰馬升呈詞

地係雷蕭地之地。雷長和既在該地葬埋。何以四社官人。僅令雷元新付給雷元奇錢七串。雷蕭氏一無所得。殊屬不平。仍仰該差會同四社官人。秉公另處覆候核奪。

批王遇賓呈詞

爾與韓映離均極不安分之人。盤踞縣前。主謀唆訟。本縣蒞任。稍知斂迹。近來又復蠢動。爾試自思。爾等蟲豸伎倆。能當本縣嚴法繩治乎。韓映離業經破膽鼠竄。爾前次過堂。因天熱未用極刑。姑寬管押。以儆奸宄。茲據懇釋前來。着再另具永不滋事切結。永遠不准在縣門逗遛。取具妥慎鋪保。如再生事。提保併究。着卽出具結狀候核。

批王正愷呈詞

該處有無名男子身死。該官人等不卽來縣稟報。而先稟糧廳。試問糧廳能租

驗乎。似此糊塗荒謬。着各記重責一頓。聽候詣驗緝究。

批祖德英呈詞

祖富平係爾鋪夥。爾帶伊回家收麥。留大孫在鋪看門。櫃內失銀十九兩。何以知係祖富平竊去。究竟有何形跡。其誰見證。來呈未能指實。竟貿貿然令薦主追究此事。以致祖富平吞煙身死。所呈殊多諱飾。其中有無誣竊逼命情事。候詣驗嚴訊主究。

批孟金祥呈詞

據稱薛獅子夫妻口角。致其妻輕生投井。竟將死屍置爾門首。訛詐錢文。業經鄉約張君祿勸和。而薛獅子復糾其岳張兆豐等。拿爾麥籽煙土等語。此事如果毫不與爾相干。薛獅子何得憑空訛賴。果係獅子訛賴。該鄉約何得不行稟究。反勸爾忍氣出錢。况張氏果因反目而死。其父張兆豐。應尋獅子不依。何反

助培爲虐。擄爾麥士。其情節殊欠圓到。惟查薛張氏十九日投井。歷今四日。其父其夫。均不來縣請驗。是該民所稱挾嫌挾詐。不爲無因。候詣驗嚴訊究辦不貸。

批王士珍呈詞

爾身爲生員。多管閒事。輕入寡婦之門。又與營混爲友。錢債膠纏。釀成釁端。實屬可恨已極。候差約查明覆奪。

批姜敬輝呈詞

爾外甥女馬李氏。幼嫁馬功兒爲妻。李氏以甥女而住舅家。功兒竟置之不管。已屬離奇。四月廿七夜。突遇匪人。將李氏刀去。並拿爾家衣物多件。刀矛砍戳。爾母子各受血傷多處。此是何等重大案情。爾竟隱忍兩月之久。於傷痕平復以後。始行控請驗究。情節荒唐已極。據稱爾甥女現與常村賈生輝爲妻。常村

距衛家僅止十里，何以兩月以來，始經訪悉，而李氏以有夫之婦，甘心爲強暴佔據，尤不可解。候喚案嚴究，如虛杖斃，勿悔。

批王福平呈詞

所爭僅一百餘文，竟將邢世祥父子七人一齊控案，荒謬已極。王處兒事外無干，因何被毀。處兒何不自控，似此居心險毒，本應提案重責，姑念酷暑免究，所控不准。

批朱金盛呈詞

據稱爾與張順先均不在鋪內，僅留張相公一人看門，俟相益趁張相公睡熟，竊去櫃房銀兩，爾等回鋪追問，張相公聲音看見，俟相益拿去等語，既云睡熟，何以又能看見。既然看見，卽應阻擋，何以任其竊拿，呈詞無理已極，不准。

批王廷和呈詞

爾於去臘二十八日娶何思壽之女爲妻。今年正月初一日。何氏乘爾睡熟。用褲帶勒爾脖項。被爾掙脫。三日新婦無仇無怨。忽然謀殺親夫。奇怪已極。及何氏向爾再三告罪。稱係與爾戲耍。爾遂信以爲真。至初二夜復又謀勒。爾母又勸爾隱忍。此何等事。而可以一耍再耍。而爾母子亦竟置之不論。迨後何氏一逃再逃。索性給爾一箇黃鶴不反。爾始控請追究。如此離奇情事。代書公然替爾寫出。均應重責。候喚案嚴究不貸。

批楊生懷呈詞

煙稅銀兩。該差安四竟敢每兩勒折錢七十串之多。實屬駭人聽聞。恐亦無此情理。着喚訊察斷。

批王甲何呈詞

爾子王陳計年歲若干。何以與溫楊保溫正科兩家傭工。既稱二月上工。三月

初一日爾往探望，卽不見面，何以遲至七月始控。詞稱或被陰害，或被毆逃，無證無憑，竟以揣度影響之詞具控。爾商州客民，昧良捏控之案，不一而足。此案顯係爾放子回籍，故向僱主訛賴，可惡已極，不准。

批辛承鈞呈詞

據稟已悉，前次焦校兩紳所處，亦爲息事起見，茲閱來稟，爾之不平。本縣早已知之，惟是馬紳老矣，膝下無人，城堡攤捐，決非自作子孫之計，該生亦不必多此嫌疑。里中公事，原係衆人公議公辦，准如所懇，令陳應麟、趙逢祥協同馬紳妥爲經理，既可分老者之勞，又可順衆人之意，該生應出之銀，早早持出，勿再使本縣煩勞，着卽諭令馬、陳、趙諸人知之。

批翟忠祥呈詞

藉屍訛詐，爾之謂矣。旣稱爾父家貧，賣工爲活，何能攢集銅錢四串八百之多。

爾父既與王明德挑連城磚，豈有肩挑城磚一担，而又身帶四串八百銅錢之理。爾父在蔡張村被明德詈辱，是誰聽見。爾從何知悉。爾父受暑身死，業經驗明，並無別故。天下但有熱死之人，決無罵死之人。爾欲以罵死，令明德償命乎。明德原報已死，翟姓有外甥在西關流民處爲夥，往喚不來，是以呈請作主。茲爾突於事隔八日後遞此訛賴呈詞，顯係爾表兄唆使，着原差協約查明妥爲了結，如敢任意訛錢，卽行帶案懲究不貸。

批王志明呈詞

爾並不要借錢。王元兒等硬要放銀四兩五錢。爾卽慨寫借約，已屬奇怪。銀未到期，渠卽估爾還帳。爾遂慨付銀五兩，並不將原約取回。尤屬奇怪。去年三月立約借銀，七月還銀，而不取約。迄今一年之久，復因討債打架，試問一年來局約不給，爾何以早不控究乎。姑候驗傷察奪。

批甘肅摺差饒天寶呈詞

據稟散勇攔搶摺差。屢奪驛馬。而該營官視若無觀。聽若無聞。實堪駭異。惟失事在華州地方。候即日函商華州核辦。失單附。

批橋夫常老五呈詞

爾之糊塗膽妄打死不足蔽辜。本縣不要爾抬轎。爾偏要抬轎。不准爾進省。爾偏要進省。進省不准轎夫科頭。爾偏不帶轎。爾不過一轎夫。事事與本官樞氣。究竟是甚意思。前月進省之時。爾又科頭抬轎。本縣無暇與狗子樞氣。特命將稱管押。不過以爲交差。看管免得進省惹氣。爾竟妄拉一混沌無知之鄭鰲兒。代爾坐廳。而爾依然抬轎進省。及回署後。該差將鰲兒送訊。爾猶敢蹲在一旁。看本縣如何發落。似此自命狡狴。目無官長。豈一打一枷所能了事。鄭鰲兒無緣無故管押十二天之久。前堂斷令爾給銅錢一串二百文。以爲鰲兒代坐班廳之費。爾竟置之不理。猶敢遞稟求恩。候提案再打不貸。

批姜恆謙呈詞

因縣差務，必須殷實正紳相助爲理。本縣素知該職年強才裕，是以禮聘到局。今乃以病爲辭，深負本縣倚任之意。查局總但綜大綱，出入有賬房，辦事有鄉正，無論無病，雖病何妨。至畏坐局受累，則本縣在任四年，局總鄭馮劉柳俱可。詢問有累無累，因縣屬知該職到局，豈但無累，或更於爾家事有益。仰卽日來縣任事，勿得固辭，亦不准。

批張鳳會呈詞

河南菸葉早已設立專行，爾河北事同一律。豈能以菸葉混入百貨，取巧漏稅。爾張鳳會於本年二月具稟，請將煙葉歸入百貨售賣。本縣查照河南菸行成案，飭爾請領菸行專帖，而爾置若罔聞。嗣經尹同益請領部帖，設立菸行。按年納稅，詳奉藩憲批准頒帖給領。由本縣出示曉諭。凡河北買賣菸葉者，一概投行。毋許私銷私售。爾膽敢於出示之後，出頭抗阻，意欲專利肥私，實屬糊塗膽妄。候提案枷責不貸。

批張韓氏呈詞

爾有衣服一百餘件。無箱無籠。不封不鎖。但分作三大包。寄放黃德有家內。而又數年從不過問。直至今夏向索。短少大半。情詞荒謬已極。看來又係訛詐。候驗傷差查覆奪。

批張向氏呈詞

爾孫張嚴成呈詞荒謬。爾呈尤其支離。據稱爾故夫一共五子。長子清連。前房所出。其排行三四五六者。則爾出也。嚴成即清連繼室帶來之子。並非張姓親生。控告六孀張郭氏謀業霸逐。語難盡信。爾復晰稱爾所生三房四房。均故絕無嗣。第六媳霸吞數門之產等語。爾第六子是否尙存。何以縱婦胡行。一毫不管。爾第五子清勳尙在。坐視弟媳郭氏將其子來娃趕逐。何竟默無一言。所呈有意含糊。存心偏袒。爾年七十四歲。子孫姑媳攘奪紛爭。爾斷不能自行來案。

此呈係異姓之子嚴成所爲。仰原差迅速查覆候奪。

批陳枝桂呈詞

大凡同室操戈之案。本縣不但不願問。併不忍聞。雷畏三誣牽其姪。當堂又歷
詆其兄。實屬天性涼薄。法當戒責。因在花衣期內。姑寬管押。茲據爾等懇懇前
來從寬。准其取保可也。

批雷震遠呈詞

該生等辦事廉勤。二年以來。各倉粮石。均未收齊。獨有該倉首先報竣。實屬可
嘉之至。一切准如所稟辦理。所僱倉夫孫世金。准其按季在本縣帳房支領口
食。過硃存卷。該生等即將倉事交替。以均勞逸。

批蘇楊金呈詞

楊劉氏前堂供稱伊代爾如蘇卡紋兌換金葉得銀一百零一兩。除用去盤費五兩已交三十兩。在蘇恆燁手內。本縣當經斷結不准扣算往返盤川。令其全數交出。是兌換之銀除已交之外。應再交出七十一兩。茲乃捏稱前交二十九兩。係賣麝香之銀。不與金葉相干。果有此事。何以前呈不敘。前堂不供。總之此案爾姐弟年輕上當。楊劉氏或恆燁均非好人。此呈明係恆燁捏弄。仰卽遵斷領銀完事。勿再尋釁。

批監生懽秉錄等呈詞

此事昨經雷許二生稟案。業已批准。茲閱來稟。大致相同。該紳等倉務勤勞。深資得方。而歷年賠墊甚鉅。慨作捐輸。尤徵富而好禮。薄俗所難。本縣不勝嘉悅。稟中所議各節均屬妥協。亟應立案准行。兩君卽可交卸倉務。付與新倉正副接管可也。

批張起元呈詞

如此不通呈詞。實所罕見。柳來喜係爾工人。其母五十以外。柳進財何至刀賣。來喜目視其母被人刀賣。竟自啞忍。以至樞軀身亡。亡後遺業。盡歸進財承受。伊尙有何不足。而又向爾滋鬧。畢竟所鬧者何事。如何鬧法。概不聲敘。實屬顛預已極。不准。

批李殿甲卽李純賢懇詞

胡說。爾歷年爲楊李氏經管家事。侵吞甚巨。匿帳不交。今僅將現在帳目清算。虧吞二千餘串。其平日侵冒多端。無憑查算者。尙不知凡幾。本縣僅斷令照該房算出之帳吐還。爾婦姪具領。爾尙敢左支右吾。爾年貌業經儒學牒送。候詳革後枷打比追不貸。

批喬魁呈詞

十三日董成官控爾峻串郭堂兒將喬喜仙赤身背去。已准添質。茲據稱喜仙

於十六日由堂兒處逃至爾家，由爾妻伴送來案等語。着即在店候訊。迅傳喜仙之母喬梁氏來案領人，仍速集全案人證聽審。

批楊劉氏呈詞

前堂斷令爾交銀一百零一兩，除已交三十一兩外，應再交銀七十兩整。茲忽呈稱六宗交給蘇玉釵銅錢九串三百，作銀六兩二錢。查以前呈詞供詞均無此事。何得事後捏飾。着再將銀六兩二錢補交足數。俟蘇楊金具領後，再行保釋。

批楊悅茂呈詞

據稱王京兒於光緒十六十八等年，在悅茂對號內操權舞弊，以極貧之人，陡然富有。即以號內錢綵作爲己財。放帳取息。爾當時已疑其弄弊矣。及京兒於二十年告辭出號。自應令其將號事交代清楚。爾接事以後，從前既已疑其盜

弄。此時權在爾手。宜何如及早清查。何以遲至二十二年十月。始以監守自盜具控。試問此三年中。皆爾醉生夢死之日乎。此呈不准。明白另呈覆奪。

批李殿甲呈詞

爾欺孀喪良。法當革責。詳稿已具。正擬繕發。茲閱懇呈。似知悔懼。據稱所吞楊姓二千二百餘串之款。准於冬月初十措齊交案。本縣向來不爲己甚。姑准待爾二十天。如有分文不齊。卽上詳斥革。重責枷號。此係格外從寬。爾自己要明白。

批田桂芳呈詞

爾每年出錢四十八串。佃住縣前房屋一院。既不開店。又非住家。孤身一人。竟估住七個月之久。試問其意何居。前據文生花控爾充當歇保。包攬詞訟。而爾又與訟棍劉元順相好。此事本縣業已看得清清楚楚。爾過堂時小心。

批賈銀章呈詞

張拔貢家內工人互相爭鬥，仰役傳諭該拔貢妥爲了結，勿任終訟。

批里正王麟書呈詞

已據雷天秀呈控到案，批准驗傷拘究矣。惟肇衅在十四，何以投訴里正在十七，呈控在廿四，似乎傷不甚重，不然有不急請驗究者耶。該生旣已晰明，卽回安業。

批郭堂兒呈詞

前據喬魁稟稱，爾將喜曲赤身刁去，越日逃回，與喬魁之妻一同來縣候訊，而爾尙言同媒往，則世間只有迎娶成婚，無叫妻過門之理。候訊明嚴懲。

批張長貴呈詞

爾去年二月初十買驢一頭。上稅錢三百文。忽遇朱老三將爾拖至伊處。鞭打繩拴。訛錢三串。果有此事。何以當時不控。乃於今年十月廿五日。事隔二十個月之後。突然具控。若非痰迷心竅。卽係惡棍刁唆。候訪明唆使之。人盡法懲治。此狀不准。

批穆發云呈詞

路役姜記四於本年六月間。串同爾房生李守兒。將爾妻穆王氏刁賣與周進公爲妻。嗣因進公畏禍。將爾妻退回。復被記四措留伊家。爾竟默無一語。十月初二日。記四復將爾妻賣與程魁兒。爾始於廿五日從容呈控。計爾妻被刁出門。已將半年矣。情節荒謬已極。惟本日南思公控郭振連一呈。亦因周進公辦取姜家寡婦起衅。進公兩次娶婦。兩案牽連。又復同日呈遞。何其奇也。姜記四本係蠹役之尤。屢被告發。候逮案嚴究。

批南思公呈詞

周進公娶姜成太寡嫂爲妻。爾與南思昌等爲媒。本月廿二日。爾將財禮錢一百四十串持回。突遇郭振連父子七人。各執刀矛。將爾揪倒砍傷。奪去錢一百三十九串等語。伊七人刀矛亂下。何以僅止左髮左腿兩處受傷。既然奪錢。何以又留一串給爾。所呈殊難盡信。姑候驗傷喚究。

批原差李彥呈詞

既然兩造均稱曾同親族說合。卽應問明親族爲誰。以憑根究。至那世炳所持合同。是真是假。尤應查明。何得顛預其詞。希圖改查爲喚。着會同原管親族人等查明另稟。勿再延宕干究。

批李逢年呈詞

爾旣知悔懼。姑免深究。此案因傅學連用車載糞。從爾坟旁荒地碾過。爾遂以祖坟被毀具控。嗣經官人查處。傅學連情甘認非。而爾堅不肯允。今由本縣批

結。此地是荒灘也罷。是爾祖坟也罷。向來既無車路。傳學連何得在人墓旁開路一條。着以後永遠不准在該地行車。仍着學連認非息事。原差照此批行。

批韓成忠呈詞

爾妻娘屋。向係便家。是以積有私財。爾妻物故。爾舅兄與各欠戶扭股昧抗。爾身爲男子。貪用妻財。情急具控。可謂毫無志氣。姑仰差約查明。處令給錢了事。如係爾騙賴。定加責飭。

批王田氏呈詞

爾夫軍犯王錦堂。死有餘辜。爾亦女中光棍。所控明係訛人。不然豈有三十餘年之債。今始索討者乎。倘再妄瀆。定當鞭背見血。以警刁告。此呈仍不准。

批王秉乾呈詞

縣城常平倉糧。何能移交故市義倉。况縣城亦有糧鋪。爾何必定在故市買糧。所稟殊屬謬妄。着限三日內運豆入倉。勿得妄覲。

批孟武財呈詞

如此胡說。應責百板。爾既與武生劉清兒從前相契。嗣後又因何不睦。爾不在家。清兒自攜煙具在爾妻炕上過癮。嗣又要在炕上過夜。爾妻告知村鄰。大眾平。將伊逐出。究竟不平者何人。逐伊者又係何人。何不列作干證。爾回家後。查得炕上銅錢。不見三百。當即走至清兒家中。從伊腰內搜出。清兒既爲武秀才。何至偷錢三百。况夜間偷錢。次日仍將原贓放在身旁。任你搜去。尤屬無此情理。清兒在爾家胡鬧。爾何以知是李丑娃唆使。呈稱清兒自在柜上將臉碰破。是爾等明明打人成傷。恐其具控。先發制人。實係愚妄已極。不准。

批曹曾氏呈詞

爾鄖陽客婦。母女兩人。在三官廟內歇宿。已屬奇怪。六月初六夜。楊春善將爾女搶去。何以遲至十一月初六始控。情節荒唐已極。想係賣女復翻。希圖訛詐。詞無抱告。照例不准。

批原差單才呈詞

黃生有受人寄托。如未侵盜。何肯設席認非。既肯認非。則侵盜屬實。豈區區一席所能了事。仰仍協同原管。處令酌量賠償。如違帶究。

批張興有呈詞

爾又來害人乎。爾前年蔓訟不休。拖害平民無算。繼又以和息了事。事隔三年。又復妄稱張興順叔嫂爲婚。總由爾刁賣未遂。生方洩忿。着將張興有即日管押。勿任逃逸。一面仰差約查明張田氏是否與興順婚配。據實稟覆候奪。

批史國安呈詞

招夫養翁，最爲儉俗。史新有子亡媳寡，竟取異姓爲嗣，復令此子配其寡媳，實屬倫理全無，有傷風化。其嗣子是何姓名，其寡媳娘屋是否有人，何以默無一語。聽其招配來稟，殊屬含糊。若傳諭史新有爲其嗣子另娶寡媳，另嫁勿得任性妄爲，致干責咎，切切。

批張俊發呈詞

爾等張俊王，於六月十二日報竊，具有失單存卷。嗣經原差尹順在張忠兒家內起獲衣包七箇，由爾弟當堂具領。忠兒至今管押，爾乃於事隔數月以後，輒稱爾弟失單遺漏多贓，補呈請究。查爾弟於九月十六日過堂領贓而去，爾自稱十月初二由甘回渭，如果爾之銀錢衣物被竊，爾弟漏報，彼時卽應具呈聲明。何以又遲一月有餘，始行呈訴。據稱爾妹爾姪女寄存衣物，一概被竊無存。是欲借一竊案，昧騙寄存之物，顯而易見。似此鬼魅情狀，胆敢來案嘗試，實屬荒謬無恥，候覆集嚴究不貸。

批李鳳林呈詞

爾告財主抗帳不還，財主是何姓名，並不指明，從何稟喚，寫此稟者，有意含混，可惡已極，着明白另呈覆奪。

批張永祿呈詞

據稱爾父向與劉麻子熟識，並無銀錢手交。本年八月，爾父病故，劉麻子突於十月初九夜乘爾外出，糾領數人向爾妻嫂聲稱同治年間曾在爾家寄麥數石，硬將牛騾拉去，抵，并將爾嫂毆傷右手，踢傷左腹，果有此事，自應即時控請驗究，何得俟爾回家始行具呈。彼討麥於三十年後，固屬欺誑。爾控案在二十日後，亦難憑信。詞稱村鄰追趕不及，追者何人，何不列作干證，候驗明爾嫂傷痕，飭差協約查明稟覆核奪。

批卜天祥呈詞

爾推小車營生。雙輿聚道。貨店醒爾推送貨物。路遇張姓。一同行走。至定通鎮。突遇陳姓。聲稱張姓欠伊錢文。將爾貨車阻住。張姓逃走等語。查爾於十三日。自丁子坊起身。攜車必在十月半間。何以遲至十一月初九。始來控案。據云貨車尚在定通店內。此二十餘日。既耽擱爾之生意。又要花費房飯錢文。何以遲遲不控。况張姓與爾萍水相逢。陳姓拿張姓之債。搶卜姓之車。已屬無此情理。而鄉約劉文正。因張姓逃。走向爾要人。尤屬無此辦法。其中恐別有膠葛。仰差役即前往查明稟覆候奪。

批王萬春呈詞

爾自稱客民。原籍何處。何不呈明。爾夥李林德。用車拉運棉花。行至臨潼武家屯地方。陡然翻車。將臨德壓斃。理應在臨潼報驗。乃將棉花寄頓該處。死屍拉回渭南。請本縣作主。實屬萬分糊塗。異常荒謬。姑候驗明飭遵。

民國二十二年十月出版

樊山判牘續編

洋裝一冊——定價一元三角

編 輯 者 樊 楚 才

校 閱 者 吳 瑞 書

出 版 者 上海梅白格路 大達圖書供應社

託 售 所 上海暨各省廣益書局

有 所 權 版

